

R.70.
5121

~~W/129~~



ROMANORVM
IMPERATORVM
EFFIGIES.

Elogijs, ex diuersis Scripto-
ribus, per THOMAM Treterū,
S. MARIE. Transylvanicae
canonicū collectis,
Illustratæ

Operæ studio Io. Bap.
de Cauallerijs æneris ta-
bulis Incisæ.

ROMAE ANNO DOMINI
MDLXXXII.







SERENISSIMO PRINCIPI
ET DOMINO, D. STEPHANO
DEI GRATIA, POLONORVM

REGI INVICTISSIMO

Magno Duci Lithuanie, Ruffie,

Pruffiæ, Mafouiæ, Samog

tiz, Liunionæ, Principi

Transiluanie & cæt.

Domino clemen
tiffimo.



VAE duo considerari maxi
mè solent ab ijs, qui labores
suos alijs dicare constituerunt,
auctoritas nempe eius cui di
catur, & prompta gratifican
di voluntas eius qui dicat; hæc eadem et ego me
cum perpendens, tibi Serenissime Rex, librum
hunc mittendum existimaui: qui ultra Regiæ
dignitatis fastigium, uirtutibus proprijs, rerumq;
præclare gestarum magnitudine, eam nomini
tuo auctoritatem comparasti, ut nulla sit orbis

*Christiana pars, quæ de te non magnifice sentiat,
gloriæq; tuæ splendorem præ oculis non ferat.
Recens est, atq. in cordibus hominum infixæ, in-
victæ fortitudinis tuæ memoria: dum non solum
Poloni nominis, sed Catholicæ totius Orthodo-
xæq; Ecclesiæ hostem, Moschorum tyrannum,
bello iustissimis de causis suscepto, ita compescui-
sti; ut quo plura de eius potentia antea circumfe-
rebatur, hoc post clades tot illa à te inflictas, fa-
ma illius vilescere cæperit; tui vero nominis ce-
lebritas, admirationem omnibus meritò indu-
xerit. Militum tuorum robur, & in perse-
quendo hoste, laborum perferendorum innata
quedam cupiditas, omnium sermonibus celebra-
tur; totius tamen belli feliciter confecti gloria,
ad te vel maximè refertur, qui rei militaris pe-
ritia, vigilantia, tolerantia, animiq; fortitudi-
ne, talem exercitus ducem atq; verum Impera-
torem, re ipsa te declarasti; ut maximis & for-
tissimis Heroibus iure optimo possis comparari.
Accidit sane percommode ut in hac quasi pu-
blica, de rebus à te præclare gestis, omnium gra-
tulatione, Romanorum Imperatorum effigies,
æneis typis expressas in manibus haberem: inter
quos principes cū plurimi fuerint ijs dotibus cis-
mulati,*

mulati, quas in te nunc suspicimus & admira-
mur, nulli magis propriè debitum munus hoc à
me offerri potuit, quam tibi, STEPHANE
REX inuictissime: ut quorum in domando ho-
ste potentissimo, virtutem tanta cum laude imi-
tatus es; eosdem etiam tibi cum triumpho reuer-
tenti quodammodo occurrere videas. Huc acce-
dit, quòd qui vitas & elogia Imperatorum, ex
varijs Scriptoribus succincte collecta, iconibus
eorum apposuit, Thomas Treterus Canonicus
Sanctæ Mariæ Translyberim, summus amicus
meus, Polonus est, Maiestati tuæ subiectus; qui
labores suos, nulli mortalium rectius dicari pos-
se iudicauit, quàm tibi Regi & Domino suo, què
non vulgari illo, & communi, quo subditi prin-
cipes suos debent, sed singulari quodam modo
propter insignes dotes, quibus te largitor omnium
bonorum Deus affatim cumulauit. obseruat, co-
lit, & veneratur. Accipe igitur, Serenissime
Rex, munus hoc, tua maiestàte (opinor) non in-
dignum: & in homine tibi ignoto, animum glo-
riæ nominis tui studiosissimum, ea benignitate
complectare, qua soles eos, qui virtutum tuarum
admiratione moti. hoc vnum contendunt, & ela-
borant, ut se tibi quàm commendatissimos red-

dere possint. Seruet te Deus diutissime incolu-
mem : & consiliorum tuorum, quæ iuuandæ
Reipub. Christianæ, propagandæq; Catholicæ
religionis causâ, tanta cum alacritate suscipis,
exitum prosperum & felicem largiatur. Ro-
mæ Anno Domini M. D. LXXXIII. IIII.
Kal. Septembris: quâ die, tu superioribus annis
munitissimam arcem Polocensem, Moschorum
Duci victor eripuisti.

Serenissimæ Maieſtatis Tuae,

Seruator humillimus

Ioannes Baptista de Cauallerijs.

CAN-

CANDIDO LECTORI
IOANNES BAPTISTA
DE CAVALLERIIS S.



VM proximis superioribus an-
nis, oblectationi tuæ, Lector
amice, consulentes, Pontificū
Romanorum imagines, ex anti-
quis monumētis depromptas,
non pauro certē labore in publicum emisisse-
mus; venit nobis in mentem, rem nos tibi nō
ingratam facturos, si quod in Pontificibus per-
fectum erat, idem quoq; in euulgandis Impera-
toribus Romanis præstaremus, ut vnius libelli
inspecti delectatio, alterius quoque visendi de-
siderium facilius accenderet. Quamobrem
omnes ingenij vires eò conuertimus, ut libel-
lum eiusmodi, non minus delectationis quàm
utilitatis adferētem quamprimū ederemus.
Et quamuis essent multa, quę conatus nostros,
in operis huius progesu, valdè impediēbant, vi-
cit tamen hæc omnia commodi publici confi-
deratio, ut nec labores, nec sumptus ullos, desu-
geremus in eo libro ad finem perducendo, qui
prius à multis expeteretur, quàm etiā videri po-
tuerit. Fuerunt plures ante me, qui Imperato-
rum

rum icones in lucem itidem protulerunt. Eorum, quotquot ad manum habere potui, labores diligenter euolui: & ut opus tantò limatius prodiret, virorum in vestigandis antiquitatibus apprimè versatorum consilium adhibui, qui de genuinis vel adulterinis principum omnium imaginibus iudicium ferent. Excussa sunt omnia diligenter, & in eo maximè ad laboratum, ut ne ficta aliqua pro veris operi infererentur. Quorū Imperatorum statuas in vrbe reperire nobis licuit, eorum effigies à peritis artificibus indè curauimus desumi. Maximam tamen earum partem, numismata antiqua vndequaque conquisita nobis suppeditauerunt. Si quæ porrò desiderabantur, eas ex libris iam antea æditis, qui præ cæteris peritorū testimonio commendabantur deprompsimus: nihilq. eorū prætermisimus: quæ ad operis totius dignitatē pertinere iudicauimus: quod ut tanto magnis animum tuum delectaret, Elogia quæ Thomas Treterus S. Mariæ Transtiberim Canonicus Polonus, ex vetustis recētioribusq. Scriptoribus bona fide collegit, singulis iconibus apposui: ut vno quasi aspectu, non minus faciem quàm mores cuiusq. Principis intueri possis. Quæ res non solum ad ea quæ sunt notatu digna, memoriæ facilius commendanda, plurimum conducit; sed etiam ad euoluenda Scriptorum monumenta, qui copiosè id ge-

nus historias persecuti sunt, ianuam quodam modo aperit. Accipe igitur, studiose lector, hilari vultu librum hunc, non tam volumine, quàm utilitate magnū: & labores hos nostros boni consule: qui tibi vel hoc potissimū nomine chari esse debebunt, quòd profectus oblationisq. tuæ causa, à me & studiosè & libenter suscepti fuerunt. Benè vale.

Auctores ex quorum libris Elogia Imperatorum collecta sunt.

| | |
|----------------------------|---|
| C assidorus. | Paulus Iovius. |
| Eutropius. | Martinus Cromerus Varmiensis Episcopus. |
| Eusebius. | Platina. |
| Cornelius Tacitus. | Aeneas Sylvius. |
| Suetonius: | Iacobus de Strada. |
| L. Florus. | Hubertus Golez Vitzburgensis. |
| Fl. Vopiscus. | Carolus Sigonius. |
| Blondus. | Aeneas Vicus Parmensis. |
| Ammianus Marcellinus. | Albertus Krantz. |
| Paulus Orosius. | Otho Frisigenfis. |
| Trebellius Pollio. | Martinus Polonus. |
| Pomponius Letus. | Marianus Scotus. |
| Ioannes Baptista Egnatius. | |
| Ioannes Naclerus. | |



S E R I E S

ROM. IMPERATORVM

eo ordine, quo sibi successerunt, collecta;

cui numeri foliorum etiam

respondent.



| | | | |
|--------------------------|----|---------------------------|----|
| C Julius Cæsar | 1 | L. Septimius Seuerus. | 24 |
| . Octavianus Cæsar | | M. Aur. Ant. Caracalla. | 25 |
| Aug. | | P. Septimius Geta. | 26 |
| Tiberius Nero Cæsar | 3 | M. Opilius Macrinus. | 27 |
| C. Cæsar Caligula. | 4 | Diadumenus. | 28 |
| Tiberius Claudius Cæsar. | 5 | M. Ant. Bassianus Helio- | |
| Domitius Nero Cæsar. | 6 | gabalus. | 29 |
| Sergius Galba. | 7 | Alexander Seuerus. | 30 |
| M. Syluius Otho | 8 | Maximinus. | 31 |
| A. Vitellius | 9 | C. Julius Verus Maximi- | |
| F. Vespasianus | 10 | nus. | 32 |
| T. Vespasianus. | 11 | M. Ant. Gordianus. | 33 |
| Domitianus. | 12 | M. Clodius Puppienus. | 34 |
| Nerua Cocceius. | 13 | M. Cælius Balbinus. | 35 |
| Traianus Vlpus. | 14 | M. Ant. Gordianus. | 36 |
| P. Aelius Hadrianus. | 15 | C. Valens Hostilianus | 37 |
| Antonius Pius. | 16 | M. Iulius Philippus | 38 |
| L. Aurelius Verus. | 17 | M. Iulius Philipus Iu- | |
| M. Aurelius Antonius. | 18 | nior II. | 39 |
| L. Aelius Aur. Commo- | | C. Messius Q. Decius Tra- | |
| duſ. | 19 | ianus. | 40 |
| P. Heluius Pertinax. | 20 | Q. Herennius Etruscus | |
| Didius Iulianus. | 21 | Messius Decius. | 41 |
| C. Pescennius. | 22 | C. Vibius Trebonianus | |
| C. Albinus. | 23 | Gallus. | 43 |

C. Vibius

| | | | |
|--------------------------|----|------------------------|----------|
| C. Vibius Volusianus. | 43 | Valentinianus. | 76 |
| Aemilianus. | 44 | Valens. | 77 |
| P.Licinius Valerianus. | 45 | Gratianus. | 78 |
| P.Licinius Galienus. | 46 | Magnus Maximus. | 79 |
| Saloninus Valerianus. | 47 | Valentinianus Iunior. | 80 |
| M.Cassius Latienus post- | | Theodosius. | 81 |
| humus. | 48 | Archadius. | 82 |
| F.Claudius | 49 | Honorius. | 83 |
| Quintilus. | 50 | Theodosius Iunior. | 84 |
| Aurelianus. | 51 | Valentinianus. | 85 |
| M.Claudius Tacitus. | 52 | F.Valerius Martianus. | 86 |
| M.Annius Florianus. | 53 | Leo senior & iunior. | 87.88 |
| Probus. | 54 | Zeno. | 89 |
| M.Aur.Carus. | 55 | Anastasius. | 90 |
| M.Aur Rom.Numeria- | | Fl.Val.Iustinus. | 91 |
| nus. | 56 | Iustinianus Magnus. | 92 |
| Carinus. | 57 | Iustinus Minor | 93 |
| Diocletianus. | 58 | Tib.Constantinus. | 94 |
| Maximianus. | 59 | Mauritius. | 95 |
| Constantius Chlorus. | 60 | Phocas. | 96 |
| Galerius Maximinus. | 61 | Heraclius. | 97 |
| Maximianus. | 62 | Her.Cōst.iunior.& He- | |
| Seuerus. | 63 | racleonas. | 98.99. |
| Maxentius. | 64 | Constans, & Constanti- | |
| Licinius. | 65 | nus. | 100.101. |
| Martianus. | 66 | Iustinianus Minor. | 102 |
| Constantinus Magnus. | 67 | Leontius. | 103 |
| Iulius Crispus. | 68 | Tib.Abſimarus. | 104 |
| Constantinus Iunior. | 69 | Philipicus. | 105 |
| Constans. | 70 | Anastasius II. | 106 |
| Constantius. | 71 | Theodosius III. | 107 |
| Magnentius. | 72 | Leo III.Flavius. | 108 |
| Decentius. | 73 | Constantinus Coprony | |
| Iulianus Apostata. | 74 | nus. | 109 |
| Iovinianus. | 75 | Leo III. | 110 |

Con-

| | | | |
|------------------------|----------|----------------------|-----|
| Constantinus, & Hirenæ | | Federicus Barbarofa. | 135 |
| iiij. | 111 | Henricus vj. | 136 |
| Carolus Magnus. | 113 | Philippus. | 137 |
| Ludouicus Pius. | 114 | Otho III. | 138 |
| Lotharius. | 115 | Federicus ij. | 139 |
| Ludouicus II. & Lotha- | | Henricus. | 140 |
| rius. | 116. 117 | Rudolphus. | 141 |
| Carolus II. Caluus. | 118 | Adulphus. | 142 |
| 119 | | Albertus. | 143 |
| Carolus III. Craffus. | 120 | Henricus vij. | 144 |
| Arnulphus. | 121 | Fredericus. | 145 |
| Ludouicus III. | 122 | Ludouicus V. | 146 |
| Conradus. | 123 | Carolus iiij. | 147 |
| Henricus. | 124 | Venceslaus. | 148 |
| Otho Magnus. | 125 | Rupertus. | 149 |
| Otho II. | 126 | Sigismundus. | 150 |
| Otho II. Ruffus. | 127 | Albertus. | 151 |
| Henricus II. | 128 | Federicus iiij. | 152 |
| Corradus ij. | 129 | Maximilianus. | 153 |
| Henricus iiij. | 130 | Carolus v. | 154 |
| Henricus iiij. | 131 | Ferdinandus. | 155 |
| Henricus V. | 132 | Maximilianus ij. | 156 |
| Lotharius. | 133 | Rudolphus ij. | 157 |
| Corradus iiij. | 134 | | |








IO. BAPTISTAE DE
CAVALLERIIS

C. IULIUS CAESAR Lucii F. vir maximis heroicis virtutibus cumulatus, cum totam Galliam grauiſſimis prælijs viciſſet, contra Germanos, Heluetios, Britannoſq; generoſiſſima bella confeciſſet, Pompeium Magnum Pharſalico prælio fudiſſet, bellis confeſtis quinquies triumphaſſet, & Conſul per decennium, Dictatorque perpetuus designatus, ac Pater patriæ appellatus, ſingulare imperium populi Romani primus obtinuiſſet, ob idq. ſibi maximam inuidiam mouiſſet, maturata, dudum in eum concepta, per ſexaginta coniuratores conſpiratione, C. Caſſio, M. Bruto, & D. Bruto principi- bus, in Curia idib. Mart. viginti tribus vulneribus interfectus eſt, Anno ætatis ſuæ quinquageſimo ſexto, Dictaturæ verò initæ, Anno tertio. Funus in campo Martio, maxima pompa celebratum; rogo iuxta Iulie tumulum extructo, luctu publico, ſummisq; honoribus, corpus combuſtum eſt. Princeps in cibo, & potu, inſigni parſimonia, vini parciffimus, pronus tamen in libidines. Eloquentia militari excellentiſſimus, prudentiæ, & clementiæ laude, inter alia multa magni Principis officia longe clariffimus.

C. IVLIVS CAESAR.



C. CAESAR. DICT. PERPETVO.

OCTAVIANVS *Cæsar Augustus, sororis C. Iulij Cæsaris nepos, patre Octavio, matre Actia Romæ natus, à Iulio Cæsare ex testamento in familiam adoptatus hæresq; institutus, ut necem auunculi ulcisceretur, quinque bella ciuilia gessit, aduersus Antonium Mutinense & Actiacum; contra Cassium, & Brutum Philippense; contra L. Antonium M. fratrem, Perusinum; aduersus Pompeium Magni filium, Siculum & nauale; externa duo, Dalmaticum, & Cantabricum. Pace, terra, marique pacata, Iano clauso, Urbem Romanam optimis institutis, legibus, magnificentissimisq; operibus sic excoluit, ut merito Parens Patrię primus, & Augustus diceretur. Obijt Nolę, ventris profluvio laborans, Anno ætatis septuagesimo sexto, Imperij verò quinquagesimo sexto: Cùm regnasset cum Aton. & Lepido Annos 12. solus Annos 44. Corpus maximis honoribus ad Urbem delatum & postquam crematum fuit, reliquiæ in Mausoleo sibi inter Tyberinum amnem & viam Flaminiam extructo, impositæ. Princeps fuit summis animi corporisque dotibus clarus, ad cuius felicitatem illud accessit quòd anno eius Imperij 41. ferè completo, & 42. ineunte, Rex Regum & Dominus dominantium Saluator noster **CHRISTVS IESVS** principium recuperandę salutis humanę, carnem assumens dare voluit. 8. cal. Ianuarij, ex purissimis Marię Virginis sanguinibus in Bethleem Iudę natus: quo die mandauit Augustus, ne quis Dominum se vocaret, sentiens verum orbis Principem natum fuisse: Dei enim cognomentum est.*

OCTAVIANVS CAESAR AVGVSTVS.



DIVVS AVGVSTVS PATER

TYBERIVS NERO CAESAR Augusti priuignus, Tyberij Neronis, & Liuiæ Drusillæ filius assumpta virili toga, Magistratus ordines omnes adiit. Pro Augusto in Oriente præclara multa gessit. Tigranem Armenia Regem Regno restituit; signa à Parthis Crasso ablata recuperavit. Rheticum, Vindelicum, Pannonicum, Germanicum, Illyricumq; bellum feliciter confecit: ob quæ triumphauit, & ouans Urbem ingressus, Liuiæ impulsu magis, quàm Augusti iudicio (quippe cuius mores, & ingenium non probasset vquam) ab Augusto adoptatus & successor ascitus est. Eo mortuo primum se liberalem ac modestum gessit, in multis valdè popularem se se exhibens: biennio post adeptum Imperium, extra urbem pedem non extulit; Postea verò Capreensî secessu omnem Reip. curam abiiciens, Armeniam à Parthis occupari, Mæsiam à Dacis Sarmatisque, Galliam à Germanis vastari neglexit. Vicia malè dis simulata detexit. Portentose libidini, turpissimæque ebrietati, summam auaritiâ; maximæ crudelitati incredibilem adiecit rapacitatem, non minus in excellentes ingenio viros, quàm in propinquos, & necessarios suos sauiens. Postremò in Astura propè Campaniam in languorem cùm incidisset, in Villa Luculliana ætatis Anno 78. Imperij verò 23. Caligulæ nepotis astu obiit. Romam portatum corpus, publico funere crematum est. Huius Imperij Anno decimo octauo, Dominus noster IESVS CHRISTVS vt nos ab æterna morte liberaret, ignominiosam Crucis mortem subire, & se puram Deo patri hostiam, pro redemptione humani generis, offerre dignatus est.



TI. CLAUDIUS. CAESAR. AVG. P. M.
TR. P. IMP. P. P.

DOMITIUS NERO Caesar, ex Cn. Domitio Nerone, & Agrippina Germanici filia, procreatus, 11. atatis anno à Claudio adoptatus, Anneoq; Senecæ in disciplinam traditus, ubi 17. atatis annum attigit, post mortem Claudij Imperator factus est. Primum quinquennium ita gessit, ut omnes Principes liberalitate, clementia, comitate, benevolentia superaret. Ianum bis clausit: prauos mores emendauit: multas bonas leges tulit. Tandem Imperatoriæ dignitatis oblitus, musices, cytharizandi, & augurandi studio deditus, paulatim petulantiam, libidinem, luxuriam, auaritiam, crudelitatem detexit. Commestationibus deditus: Pueris & nuptis abusus. Sporum Eunuchum ornamentis mulieribus excultum pro vxore habuit. Doryphorum libertum, maritum suum (cum se mulierem effingeret) fecit: Agrippinam matrem incestauit. Prodigalitate exhaustus, ad rapinas se conuertens, templâ Deorum spoliâuit: Britannicûm veneno sustulit: matrem occidi iussit. Senecam & Burrum præceptores interemit: urbem, caussatus edificiorum deformitatem, incendit: nobilissimum quemque exitio destinauit, conatus ordinem Senatorium totum subuertere. Christianos multis varijsque suppliciorum generibus prosequutus est. Inter hos Petrum & Paulum Apostolos interfecit. Cum in odiû eius propter omnia flagitiorû genera, in quibus volutabatur plurimi, exarsisset Gallia, Hispaniaq; ab Imperio Romano discessissent, hostis à senatu iudicatus, ab omnibus derelictus, ferrum iugulo adegit, adiuvante trepidam manum Eunucho Sporo, anno atatis 32. Imperij 14. Mors eius tantam lætitiâ populo Romano attulit, ut omnes pileati (veluti in signum partæ libertatis) discurrent: funeratus est impensa ducentorum millium, stragulis albis, auro intextis. Reliquias Aegloge & Alexandria nutrices, cum A. Ele concubina, gentili Domitiorum monumento, condiderunt.



NERO·CLAUDIUS·CÆSAR·AVG·GER·
P·M·TR·P·IMP·P·P·

SERGIUS GALBA Patre Sergio Galba, matre Numia Achaia ex nobilissima Sulpitiorum familia pro-
 genitus, cum in adolescentia liberalibus disciplinis & Iuri
 operam dedisset, per omnes dignitatis gradus ad Proconsu-
 latum Hispaniæ euectus est. Durus & seuerus in re militari,
 Veteranos, & Tyrones assiduis operibus exercens, seuerissi-
 mè eos tractauit: spe Reipub. a Tyrannide liberandæ, à mi-
 litibus salutatus Imperator, legatum tantum Populi Roma-
 ni se esse respondebat. Audita tandem Neronis morte, no-
 men Imperatoris, iam grandæuus, libens assumpsit, & ma-
 gna militum copia stipatus, Romam aduenit. Trium flagitioso-
 rum hominum regebatur arbitrio, quibus adeò se abuten-
 dum permisit, ut vix sibi ipsi constaret. Hinc prope vniuersis
 ordinibus infensus, apud milites, Germanos præcipuè, ma-
 xima flagrabat inuidia: qui quòd eos nulla largitione do-
 naret, sed inani spe lactaret, sacramentum militare reij-
 cientes, cum Imperatorem in Hispania factum palàm displic-
 ere conclamassent, Othonem ad affectandum principatum
 non mediocriter incenderunt. Conspiratione igitur facta, ad
 lacum Curtium in foro Romano miserè trucidatus est. Caput
 eius à milite gregario amputatum, ad Othonem delatum est,
 qui cum ludibrio circumferendum, lixis calonibusq; donauit.
 Truncum corpus, ab Argio dispensatore in hortis eius Au-
 relie viæ, sepultum est. Perijt tertio & septuagesimo ætatis
 anno, Imperij mense septimo.



AULVS VITELLVS ex **L. Vitellio** clarissimo viro, & **Sextilia** probatissima femina prognatus, primam aetatem apud **Tyberiana** scorta **Capreis** egit. **Caio** per aurigandi, **Claudio** per aleæ studium, **Neroni** per **Cytharcados** & **Musica** certamina familiaris, eorum fauore, honoribus & sacerdotij s auctus, **Proconsulatum Africae** obtinuit. Postea illi à **Galba** **Germania** **Prouincia** est tradita: in qua cum se exercitui comem, blandum, benignumque exhibuisset, vesperè à militibus, è cubiculo raptus, à **Fabio Valente**, vnius legionis duce, **Imperator** salutatus est, Cum ei **Galbæ** cades nunciata esset, pacatis **Germanicis** rebus, copias partitus, aduersus **Othonem** exercitum parauit. Cum autem **Othonis** mortem audisset **Prætorianos** exautoratos iussit arma tradere **Tribunis**, quiq; ob cædem **Galbæ** munera poscebant, iussit vt interficerentur, vt probi principis spem præferret. **Vrbem** more triumphantis ingressus, luxuriæ, libidini, delicijs, & gulæ ita deditus fuit, vt ventri omnem operam dare videretur. **Arbitrio** **histrionum** & **aurigarum** gubernabatur, & horum consilio **Imperium** administravit. **Helluantem** **Imperatorem**, **Mæsiarum** ac **Pannoniæ** exercitus, tum **Iudaicus**, ac **Syriacus** destituerunt, in **Vespasiani** verba iurarunt. **Iste** contra eos **L. Vitellium** fratrem misit, qui apud **Cremonam** superatus est, quamobrem & reliqui **Vitelliani** **Duces** in partes **Vespasiani** transierunt. **Destitutus** itaque ab omnibus, cum pistore. & coquo in latebras fugit; At hostili exercitu in urbem irumpente, è latebra extractus, ligatis post tergum manibus, iniectio ceruicibus laqueo, lacerata veste, seminudus in foro trahitur, mucrone sub mentum posito, quibusdam cæno, & stercorebus incessantibus, alijs incendiarium, belluonem, ebriosum vociferantibus, ad **Gemonias** **scalas** raptus, infinitis verberibus cesus, perijt. Inde vnco tractus in **Tyberim** proiectus est. Anno ætatis 57. Imperij, mense octauo.



A·VITELLIVS·GERMANICVS·IMP.
AVG·P·M·TR·P·

FLAVIUS VESPASIANVS Sabini & Pol-
 læ filius, ultra Reate in Samnijs, Princeps ad omnem laudem
 natus; à matre vix contumelijs compelli potuit, vt Senato-
 riam dignitatem, tamquam molestiarum plenam, peteret. Tri-
 bunus militum in Thracia, Quæstor in Creta, & Cyrenis post
 ædilis factus, Prætor sub C. Caligula, ludos ædidi: sub Clau-
 dio legatus legionis in Germaniam missus, in Britanniam tran-
 slatus tricies & bis cum hoste confligit. Viginti oppida &
 Insulam Vectem, Britannie proximam, Imperio adiecit. Qua-
 re triumphalia ornamenta meruit. Ad comprimendos in Iu-
 dæa motus, Flori procuratoris auaritia immanitateque exci-
 tatos, missus, castigata castrorum disciplina, cum filio ma-
 iore Tito ciuitates Iudæe in se conuertit, multisque prælijs
 strenuum se Ducem exhibuit. Othone & Vitellio de princi-
 patu certantibus, à militibus, vt capefferet Imperium coa-
 ctus est. Alexandrie quendam oculis orbatum inspuitio-
 ne sua, ac dum calcaret alterum, debili crure claudum, pri-
 stinae sanitati restituit. Cum Tito filio de Iudæa nobilissimum
 egit triumphum. Urbem ruinis deformem nouis ædificijs re-
 parauit: Capitolium redintegrauit; Amphitheatrum condi-
 dit; Templum Pacis extruxit. Nullius eade vniquam le-
 tatus, singulare habuit inimicitias obliuisci. Rhetoribus atque
 Poetis è fisco annua salaria primum constituit. In artifices
 liberalis: ludos, spectacula ædidi: conuiuia celebravit honori-
 fica & plurima. cupiditate pecunie culpatus aliquantulum
 ad quam eum & laudabilis vsus, & temporum calamitas pro-
 uocasse visa est. Profluo ventris laborans dum conjurgit (Im-
 peratorem, dicens, stantem mori oportere) ac nititur inter ma-
 nus subleuantium extinctus est. Anno ætatis L X I X. Im-
 perij X.



IMP. CAES. VESPASIAN. AVG. P. M.
TR. P. P. COS. II.

10

TITVS VESPASIANVS, ex patre Vespasiano, matre Flauia Domicilla, natus est. Adolescens Latinis, Græcisque litteris excultus, postea Tribunus militum, in Germania & Britannia militauit. Quæstor factus, meruit præfecturam legionum in Iudæa. Vbi pater rerum potitus, ad urbem contendit, Titus ad perdomandam Iudæam relictus, Hierosolymam crudeli oppugnatione, fame, ferro, flammaque confecit. Romam reuersus, particeps & tutor Imperij factus, cum patre de Iudæis triumphum egit. Fuit initio de luxuria rapinisque suspectus, vt etiam à plerisque Nero vocaretur; sed hæc in melius conuersa, immortalem ei gloriam pepererunt. Nam suscepta patriæ cura, clementia, liberalitate, honorificentia, pecuniæ contemptu, omniumque virtutum genere, ita excelluit; vt amor, & deliciae humani generis passim diceretur. Illud autem maxime cauit, vt ne quem dimitteret sine spe; Illud subinde in ore habens, Non oportere quemquam à sermone Principis tristem discedere. Ad beneficentiam ita propensus, vt quodam die recordatus inter cœnandum quod nihil tota die cuiquam præstitisset, memorabilem illam, laudatamque vocem ediderit; *Amici diem perdidisti.* Clementiæ mansuetudinisque tantæ fuit, vt Pontificatum ob hoc solum acciperet, vt puras à sanguine manus seruaret, nec cuiusquam necis aut auctor, aut conscius esset. In aduersis, quæ tum Vrbi, partim incendio triduo, partim pestilentia acciderant, parentis optimi sollicitudinem, affectumque, populo Romano ostendit. Cùm propter heroicas virtutes in auribus atque oculis omnium versaretur, summo totius Urbis & orbis mœrore, feбри correptus, in eodem quo pater apud Sabinos agro, mortem obiit, ætatis anno XLII. Imperij. II. Non desunt qui Titum necatum à Domitio scribun. veneno teporis marini propinati.



IMP. T. CAS. VESP. AVG. P. M. TR.
P. P. P. COS. VIII.

ii

DOMITIANVS. *Vespasiani Filius & Domicilla, Titi frater, fratri patrique per omnia dissimilis, Neroni ac Caligula propior vixit. Fratre mortuo, circa administrationem Imperij mixtura virtutum ac vitiorum inaequali, se inconstantem praestitit, donec virtutes in vitia plane deflexit. Sumptuosissima spectacula adidit: Seculares ludos fecit: quinquennale certamen Ioui Capitolino instituit, Musicum, Equestre, & Gymnicum. Aedificia publica multa fecit. Bibliothecas incendio absumptas reparavit. Expeditiones quatuor habuit, non sine magna Reip. perniciē: Vnam aduersus Sarmatas, alteram aduersus Catos: duas aduersus Dacos. Nobilissimos ex Senatu plures interfecit. Philosophos ac Mathematicos vrbe Italiaq; submouit. Indies ferocior magisque Nerone sanguinarius, bona viuorum, mortuorumque qualicumque occasione praedabatur. Vsque adeo libidinosus, vt inter vulgatissimas meretrices noctu, diuq; versaretur. Cumq; cunctis inuisum & terribilem se reddidisset, amicorum libertorumque conspiratione, aetatis anno 45. Imperij 15. oppressus, & trucidatus est: cadauer loculo plebeiorum inclusum, a vespillionibus elatum est, ac a Phille nutrice in suburbio suo, Latina via, funeratum.*



IMP. CAES. DOMIT. AVG. GER. COS.
XV. CENS. PER. T. P.

NERVA COCCÆIVS claris ortus natalibus, oppido Narniensi genitus, à Domitiani occisoribus, Anno Christi nonagesimo nono, atatis verò sexagesimo sexto, Imperator eligitur. In initio principatus, beneficentię, clementiæ, & liberalitatis signa exhibuit. Reos maiestatis absoluit, exules in patriam reuocauit: Annuos Iudæorum census diminuit, ac capitali pœna interdixit, ne quis Christianos, aut Iudæos, in posterum accusaret laderetue. Domitiani imagines, & clypeos publicè detrabi, nomina, & titulos eradi curauit. Ciuibus egenis, vt vitam sustentarent, decies & quinquagies centena millia nummum erogauit, Senatores delegauit, qui agros emerent, & egentibus diuiderent. Puellas puerosque pauperibus parentibus natos, sumptu publico ali iussit. Ciuitates affectas reuocauit. His exhaustus sumptibus, vestes, vasa aurea, argentæaq; suppellectilem, vt amicos iuuaret, vendidit. Vtque impendia leuaret, spectaculorum & ludorum genera sustulit. Principes viros consilijs suis semper adhibuit. Dignos potissimum ad honores euexit. M. Vlpium Traianum Hispanum peregrinum, etsi multos haberet propinquos, propter singulares eius virtutes, in filium adoptauit, & Casarem designauit, ad eumque Imperij iura, & insignia cum in Germaniam vsque transmisisset, omniaque in bonum ordinem redegisset, febri correptus morritur, Anno atatis. LXVIII. Imperij anno primo, mense tertio, die nono. Vir optimus, omniumque laude dignissimus.



IMP. NERVA. CÆS. AVG. P. M. TR.
P. COS. II. P. P.

TRAIANVS VLPIVS. natione Hispanus vrbe
 Tubertina oriundus anno Christi centesimo, in castris prope
 Coloniam Agrippinam, à Nerva Imperatore, voluntate
 S. P. Q. R. accedente, imperij insignia accepit. Probitate
 tantum Imperium Romanum ampliavit, quantum vnquam
 alius. Germaniam cis Rhenum, Daciam, gentesque vltra
 Danubium aliàs, ditioni Romanę subiecit; Parthos coercuit,
 Albaniam superavit: qui Euphrati ac Tigri accolunt, Pro-
 uinciales Imperij Rom. fecit. Profectus etiam ad Indię fines,
 ac mare rubrum, tanta in hostes benignitate vsus est, vt se-
 penumero amore potius quàm vi, se se subactos deciderint. Ro-
 mam ingressus, apud populum mitis, apud Senatum veneran-
 dus, omnibus denique amabilis est habitus, grauis nulli. In pau-
 perum alimenta multa lagitus est, studiosos & bonos viros ho-
 ribus & dignitate auxit. Plutarco Historico & philosopho
 vsus est præceptore. Senatum Patrem suum, seque vicissim
 eius filium appellabat. Eius instinctu in Christianos persecu-
 tionem instituit, timens ne eorum multitudo vim imperio fa-
 ceret. De multitudine interemptorum Plinij secundi litteris,
 cum factus esset certior, edictum promulgauit, vt ne Christiani
 propter fidem aliquid amplius paterentur. Spectacula magni-
 fica edidit centum viginti continuis diebus. Circum restituit.
 Bibliothecas ornauit. Post in Armeniam expeditionem sum-
 sit. Reges multos paruo negotio subegit. Babylonem vsque pe-
 netrauit. Arabiam petijt. Agarenos rebellantes frustra ador-
 tus, inde re infecta digressus, ac paulo post valetudine aduer-
 sa correptus, apoplectus primum, demum aqua intercute re-
 pletus, apud Selenuntem Cilicię vrberem, quæ & Traianopolis
 post dicta est, repente extinctus est, Cum imperasset annos
 xix. menses vi. dies xv. Aetatis anno lxiij. Cuius extincti ci-
 neres vrna aurea ad basim columnę suæ Romæ conditi sunt.



IMP. CÆS. NERVÆ. TRAIANO. AVG. GER.
DAC. PARTH. P. M. TR. P. COS. V. P. P.

PUBLIUS AELIUS ADRIANVS, ex *Aelio Adriano Afer* & *Domitia Paulina* Romæ natus, à *Traiano* adoptatus, Imperator factus est, Anno Christi centesimo decimo nono. Initio imperij omnem operam dedit, ut pacem in toto orbe componeret; armorum, & rei militaris peritissimus, tantas copias habuit, quantas Imperatorum ferè nullus. Totum propemodum orbem peragravit, nempe adeo cupidus peregrinationis, ut omnia, quæ de locis orbis legerat, præsens vellet addiscere. Litterarum in utraque lingua peritissimus, Mathematicus insignis, Astrologus, & Geometra acutissimus, Musicus, Poeta, Medicus. Pictura, sculpturaque tantum valet, ut plurimas imagines sua manu depinxerit, & quasdam etiam in ære ac lapide artificiosè celauerit. Opera publica maxima elegantissimaque fecit, quorum in Urbe alibique satis clara memoria extat. Athenis cum hyemaret, obtulerunt ei *Quaratus* atque *Aristides* (qui *Apostolorum* fuerant discipuli) libros quosdam in Christianæ fidei defensionem à sese conscriptos, quorum lectione aliquantulum in fide Christiana eruditus, rescripsit, indignum esse Christianos Religionis causa passim occidi. Cumque *Cothebas* Iudaica factionis Princeps Christianos varijs cruciatibus, quod aduersus Romanos nollent arma mouere, insequeretur, *Adrianus* omnes passim Iudæos interfici curauit, nequè cuiquam illorum aditus *Hierosolymam* pateret, interdixit, donauitque Ciuitatem illam mœnibus probe munitam, Christianis, eam de suo nomine *Aeliam* appellans. Memoria fuit usque ad stuporem felicissima: ingenij liuidi, lasciu, & ad ostentationem insolentis. Anno *Antonino* adoptato, cum in lethalem morbum incidisset, venenum à medicis non semel postulauit, & ob animi impatientiam, semel atque iterum à seruis, & libertis gladio iugulari petijt. In conspectu *Antonini* tandem apud *Baias* moritur. Anno ætatis *LXII.* cum imperasset annis *XXI.* mensibus *XI.*



IMP. CAES. TRAIAN. ADRIANVS. AVG.
P. M. TR. P. COS. II.

ANTONINVS, ex Tito Aurelio, & Fatidilla natus, filius adoptiuus Adriani, Imperium suscepit, Anno à Natiuitate Christi, centesimo quadragesimo; ea probitate ac integritate Princeps, vt auctoritate Senatus, meritò **PIVS**, cognominatus sit. Per legatos suos plurima bella gessit: Britannos, Mauros, Dacos, Germanos, Iudæos rebellantes contudit; Alanos refrenauit; in Achaia atque in Aegypto rebelliones repressit. Orbem prope vniuersum, non armis, sed sola virtute, auctoritate & fama bonitatis, quæ de eo ferebatur deuicit, pacis amantissimus, illud Scipionis semper habuit in ore; *Malle se vnum ciuem seruare, quàm mille hostes occidere.* Iustinus philosophus conscripto de fide Christiana libro, cum eum Antonino nuncupasset, ita eum in Christianos beneuolum reddidit, vt quietos ipsos in sua religione perseuerare admiserit, vsque in principatus sui annum quintumdecimum. Postea Crescentis Hæretici, multa de nocturnis coitionibus, puerorum cadibus, & comestionibus, & stupris in Christianos impudenter configentis, mendacijs & persuasionibus inductus, tanto odio in Christianos exarsit, vt cunctis Asia præsidibus, edicto præceperit, vti Christianos omnes occiderent ac penitus extirparent, in qua persecutione etiã Iustinus philosophus, martyrii coronam suscepit. Opera publica multa restituit. Spectacula plurima edidit. Amicis non aliter vsus est in imperio, quàm priuatus. Ociosis salaria subtraxit dictitans. Nihil esse crudelius, quàm rem ab ijs corrodi, qui nihil in eam suo labore conferrent. Seditiones non crudelitate, sed modestia compressit. In victu eius opulentia sine reprehensione, parsimonia sine sordibus enituit. Moriturus Remp. M. Antonino commendauit. Febre correptus tertia die animam exhalauit, ætatis anno 70. Imperij 23. Sepultus in mole Adriani.



ANTONINVS. AVG. PIVS. P. P.
TR. P. COS. III.

16

L. AURELIUS VERUS, Patre **L. Aelio** vero, & matre **Domitia Calpilla** progenitus, ab **Antonio Pio**, una cum **M. Aurelio** in filium adoptatus, æquo iure post obitum **PII**, cum eodem Imperium administrare capit, à **Christonate**, centesimo sexagesimo secundo Anno. In **Syriam** profectus, adulterijs & omni genere luxuriæ fuit infamatus: quæque in **Syria** conceperat vitia, **Romam** deduxit: popinæ, aleæ, nocturnis incursionibus ita deditus, ut **Neronis. Caij, & Vitellij** æmulus videretur. Quæ omnia quasi nesciens **Marcus** dissimulabat, ne pudore illo fratrem carperet: atque ne in oculis omnium peccaret, ab eo in **Particum** bellum missus est; sed nihil profecit, in homine voluptatibus, spurcitijsque dedito. **Ballum** tamen **Particum** eius duces confecerunt, qui **Babylonem, Mediam, Armeniam**que vendicabant, vnde nomen **Armenici, Medici, Partici, Medici**, acquisiuit; quod & **Marco Romæ** agenti delatum est. Ad amicæ vulgaris arbitrium, in **Syria** barbam posuit; vnde secum **Romam** **Histriones, fidicines, tibicines, scurras, prestigiatos** multos adduxit, cum quibus in villa sua insanivit: quod peperisse clandestinas inter ipsum & **Marcum** similtates rumor erat. **Apoplexia** correptus, ex bello **Germanico**, rediens in vehiculo sedens, cum fratre, apud **Alinum, inter Veronam & Concordiam**, iter faciens, periit. cum triduo mutus vixisset, post sanguinis detractionem, Vixit annis **XLII**. Imperavit cum fratre annis **XI**. In sepulchro **Adriani** sepultus est.



L·AVR·VERVS·AVG·ARM·PAR·
THICVS·MAX·

MARCUS AVRELIUS ANTONINVS
 Philosophus, ex Patre Annio Vero, & Domitia Caluilla matre
 natus, post obitum Lucij Veri, solus Imperij gubernaculis poti-
 us, per omnia sibi in antea vita similis, prouincias summa
 reuerentia ac modestia gubernauit. Populo adeo gratus, ut à
 plurimis, totius Orbis defensor, & ob singularem iustitiam Ve-
 rissimus, speculumque virtutum appellatus sit. Persecutionem
 in Christianos à temporibus Antonini Pij ceptam, sub hoc Im-
 peratore plurimum auctam, Melito insignis Christianorum de-
 fensor ac patronus, datis ad Imperatorem litteris, ita coercuit;
 ut edicto Ephesi in Comitibus publice proposito, Imperator caue-
 rit, si quis Christianum quempiam, eo nomine saltem quod Chri-
 stianus sit, accusauerit, reus quidem absolueretur, alius autem
 eam penam subiret, quam Christiano intentabat. Nouo ex im-
 prouiso in vniuersa Europa tumultu exorto, exactionibus Impe-
 rium grauare nolens, omnia sua Imperialia vxorisque ornamen-
 ta in foro Traiano diuendidit, exercituque comparato in Germa-
 niam cum filio suo M. Commodò profectus, contra Venetos,
 Quados, & Sclauos dimicauit. Victor exercitum in Panno-
 niam atque Illyriam duxit; postque victoriam partam ætatis
 LXI. Imperij verò XVIII. anno, diem vltimum clausit. Au-
 dito nuncio mortis, Vrbs publico luctu confusa mœrorem in-
 duit, Senatus atra veste dolorem testatus est: quod de Romulo
 creditum est, omnes vnanimi consensu affirmabant, Marcum
 celo receptum esse: ob cuius honorem templa, columna, multa-
 que alia decreta sunt.



IMP. CAES. M. AVR. ANTONINVS. AVG.
GERM. SARMATICVS.

L. AELIUS AURELIUS COMMODVS, ex
 M. Antonino Philosopho & Faustina natus, Patre in Germa-
 nia mortuo, Anno post Christum natum centesimo octuagesi-
 mo secundo Imperij gubernacula suscepit Germanicum bel-
 lum sibi à patre relictum, cum iam res ad victoriam inclina-
 ret, turpiter deferens, contempto amicorum consilio, Romam
 properavit. Crudelitate, libidine, superbia, Caligulam & Ne-
 ronem longè superavit: per tabernas & lupanaria sese tur-
 piter volutavit. Prouincias facinorosissimis hominibus deman-
 dauit. Senatum contempsit. Nobiles plurimos interfecit: ma-
 trem Faustina in exilium misit. Inter trecentas concubi-
 nas, quas ex matronarum, meretricumque delectu, ad formæ
 speciem collegerat, in Palatio, per conuiuia & latebras de-
 bacchabatur; cum trecentisque exoletis, Lucillam sororem
 occidit; cæteras constuprauit. Totam Imperij administratio-
 nem Perennio consiliario commisit. Paternum nomen contem-
 nens, abiectis Imperialibus ornamentis, se Herculem Roma-
 num, Iouis filium appellauit, exuias leonis indutus manuq;
 clauam gestans, nudus ludos & gymnasia frequentans incede-
 bat. Urbem Romam, Senatum Populumque de se Commo-
 dianos appellabat. Bella per legatos gessit. Tandem facta in
 eum conspiratione, per Q. Aelium Latum Præfectum, & con-
 cubinam Martiam, quam inter omnes dilectissimam habuit,
 cum ei venenum inefficax propinatum esset, per athletam,
 quem Herodianus Narcium appellat, strangulatus est. An-
 no ætatis 32. Imperij 13. Senatus decreto cadaver vnco tra-
 ctum in Tyberim proijci debuit: at iussu Pertinacis in monu-
 mentum Adriani translatum est.



M·AEL·AVREL·COMM·AVG·P·FEL·

P. HELVIUS PERTINAX. Ex Patre Helvio Successo, in Appennino, in Villa Martis, natus est. Pertinax dictus ex continua lignaria negotiatione; quod eam pertinaciter exerceret. Commodus occiso, Latus Præfectus prætorio, & electus Cubicularius, nocte intempesta, mortem eius annuntiavit Pertinaci, eumque in castra ductum Imperatorem designarunt, sexagenario maiorem, Anno Christi centesimononagesimo quinto. Fuit vir fortis & strenuus, omnibusque se benivolus semper & civilem exhibuit. Aes alienum ab initio Imperij contractum, facta auctione suppellectilis, Commodi Imperatoris, dissolvit, operibus publicis certum sumptum constituit: stipendia debita solvit, præmia militibus posuit, annonæ consultissime providit. Senatui semper præfuit. Quidquid inculti soli vacabat occupantibus adiudicavit, decemque annorum immunitatem, & perpetuam libertatem agricolis concessit. Avaritiæ tamen suspitione non caruit. Nam & sordidè in provinciis se gessit, & cum patrimonium ei esset perexiguum, subitò factus est dives. Quinimò apud vada Sabatia mercaturas Imperator exercuit, non aliter quàm privatus; ob hoc militibus omnibusq; aulicis inuisus, à Lato Præfecto, qui eum Imperatorem fecerat, in Palatio est confossus cum duobus Cubiculariis: cum vixisset Annis LX. mensib. 7. diebus 26. Milites qui eum interfecerant, caput conto fixum, per Urbem in castra pertulerunt. Mortem eius populus indignissimè tulit, & idcirco in Divos est relatus,

P. HELVIVS PERTINAX.



DIVVS. PERT. PIVS. PATER.

DIDIUS IULIANUS MEDIOLANENSIS.

Filius Pratorij Didij Seueri, & Claræ Aemiliæ. Literarum, præsertim Iuris, peritissimus; audita morte Pertinacis, militibus venale Imperium, ei qui plus auri argentiue afferret, proponentibus, cum in muro de numeranda pecuniâ cum militibus conuenisset, ac multò plura etiam quàm sperarent se daturum illis pollicitus esset, ab illis admissus, Imperatorq; est appellatus. Adeptus Imperium delitijs atque crapulæ se totum dedit. Senatu neglecto, militibus vana spe pollicitationum elusis, contemptui passim ab omnibus haberi cepit. Quamobrem Senatus C. Pescenium Nigerium, ad vrbis præsidium euocauit, qui paulo post in Syria cum exercitu suo à Iuliano defecit. Seuerus quoque in Illyrico copiarum dux, ab eodem desciuit: hic in Pannonia, ille in Oriente, à suis Imperator declaratus. Quamquidem rem Iulianus indignissimè tuli; sed cum desperata omnia videret, de participatione Imperij cum Seuerò Senatusconsultum fieri obtinuit. Caterùm Seuerus se malle Iuliani hostem esse, quàm Imperij participem litteris ad Senatum datis testatus est. Destitutus omnium præsidijs Iulianus, ad Magicam se conuertit, populi odium delinire, & militum animos, hac ratione, compescere credens. Tandem auctoritate Senatus abrogatum est ei Imperium; Seuerus Imperator appellatus. Iulianus autem à quodam gregario milite, inter fœdissimas complorationes, obtruncatus est. Vixit annis LV I. mensib. 4. Imperauit mensib. 2. dieb. 5. Corpus eius vxori à Seuerò traditum, in proau monumento sepultum fuit.



IMP. CAES. M. DID. SEVER. IULIAN. AVG.

C. PESCENNIVS ex patre Antonio Fusco, matre
 ampridia natus, à nigra ceruice Niger appellatus, mediocri-
 er eruditus, moribus ferox, diuitijs immodicus, vita parcus, ad
 ne vitium procliuis fuit. Ab exercitu Syriaco, cui tunc præ-
 rat, Imperator salutatus, eo ferè tempore quo Seuerus in Illyri-
 o à suis militibus Imperator itidem creatus est: quo nuncio ac-
 cepto, copias quas habere potuit, conflauit, circaque Byzantiū
 ram omnem occupauit, vt Seuero ad se perdendum venienti,
 er interciperet. Caterum exercitus eius, Aemiliano Duce,
 cui Niger summam belli concrediderat, ad Cyzicum fusus, fu-
 atusque est: exercitu nouo instaurato, & apud sinum Issicum
 er Seuerum profligato, Niger fuga elapsus, Antiochiam per-
 enit. In suburbano latitans repertus, capite truncatus est:
 quod pilo infixum hinc inde circumferebatur. Filij eius cum
 matre in exilium acti, paulò post occisi, omnesque illius amici
 applicio affecti fuerunt. Miles fuit optimus, Tribunus singu-
 laris, Dux præcipuus, Legatus seuerissimus, Consul insignis,
 omni forisque conspicuus, Imperator infelix.



IMP. CAES. C. PESC. NIGERIVS. AVG.

CLODIUS ALBINUS Ex patre Caionio Posthumio, matre Aurelia Messalina genitus, ob res præclare in militia gestas, à Commodo Caesarianum nomen oblatum, cum gratiarum actione modestissime recusavit, à Seucro primus Consul, postea verò etiam censors Imperij declaratus est. Vincto Pescennio, à Seucro (qui Albinum latè imperare ferre non poterat) primùm insidijs est petitus, quibus detectis, manifestè contra eum exercitum Seuerus duxit. Multis prælijs vario Marte acerrimè pugnatum, tandem ultimo prælio commisso, fusæ sunt Albini copiae. Albinus sauciatus à militibus captus. seminiuus ad Seuerum ductus est; cuius caput abscissum. pilo prius circumlatum, Romamq; missum, publicè patibulo affixum est. Corpus ante prætorium ad fætorem vsq; iacuit, laceratumq; à canibus in profluentem coniectum est.



D. CLOD. SEPT. ALBINVS. CAES.

I. SEPTIMIUS SEVERUS. Ex Patre M. Geta equite Romano, & Fulvia Pia, in Lepti Civitate Africa natus, cum Cos. Germano exercitui præpositus esset, ubi auditum fuit Commodum occisum, ac Iulianum odio multorum imperare, instigantibus multis, repugnans à militibus Imperator appellatus est. Occiso Iuliano, Romam armatus petijt, cunctis trepidantibus, & civilis belli periculum metuentibus, quod Pescennius Niger, & Clodius Albinus ad Imperium quoque aspirarent. Contra Pescennium Antiochia degentem, exercitum ducens, eundem his præliis victum, interfecit: Contra Clodium itidem Albinum bello suscepto, illud non minore felicitate confecit. Profligatis enim Albini copijs, ipsum semivivum cepit, & occidi iussit. Ordinatis Britanniae, Galliaeque rebus, Romam rediens, populum ac milites multis muneribus donavit: ærarium auxit, ludos seculares peregit. Maiorem filium Cæsarem declaravit. Iterum in Orientem profectus, Arabiam & Armeniam pervagatus, Parthos superavit. Urbem inde quans ingressus, spectacula & ludos edidit, magnum dedit Congiarium, Ius dixit: Civilibus negotijs liberisque crudiendis intentus. Tandem ad sedandam in Britannia dissensionem cum ambobus filijs iam decrepitis profectus, subactis Barbaris, senex morbo in Britannia consumptus est. Anno ætatis LXXXIX. Imperij XVII. Cineres ex Eboraco in loculo aureo Romam aducti, in sepulchro Antonianorum sunt conditi.



L. SEPT. SEV. PERT. AVG. IMP. VIII.

24

M. AURELIUS ANTONINUS BASSIANUS.

Ex patre Seuero Imperatore, & Marcia matre, Lugduni procreatus, *CARACALLAE* nomen, à vestimento demisso ad talos usque, quod populo dedit, accepit: à patre in *Albini Cæsaris* interfecti locum, anno post Christum natum centesimo nonagesimo octauo, subrogatus est: In pueritia blandus, postea in omnem inhumanitatem ac sauitiam se conuertit. Patre mortuo, exercitu maximo coacto, summam potestatem nactus, apud milites conquestus, fratrem sibi venenum parasse, atque matri rebellem esse, eum in Palatio occidi iussit. Urbem ingressus, fratris sui domesticos & amicos, interfecit, nec infantibus parcens. Bonis diuitum inhians eos quacumque causa conficta, necabat. Commodi sororem anum, morte affecit, & quicquid ex cognatione Imperatoria, aut in Senatu ex Patricia nobilitate supererat, quasi à stirpe abstulit. Vestales virgines viuas terra obruit. Propter crudelitatem se perosum sentiens, Roma relicta in Galileam secessit: affectans nomen Parthici ad Orientem festinauit, quod & obtinuit. Hyematurus in Mesopotamia, apud Carras Urbem, dum Lunæ deæ templum inuiseret, & ad requisita naturæ discederet, insidijs à Macrino præfecto positis, per Martialem centuriorem pugione per auersum est traiectus, dū subligacula deduceret, ventrisque oneri leuando intenderet. Martialis fugere volens, à custodibus corporis interficitur. Macrinus per dissimulationem mortem eius deplorans, corpus cremari iussit, reliquias in vrna matri Iuliæ ad sepulturam misit, quas in sepulchro Antoninorum condidit. Vixit annis XLIII. Imperauit VI. Thermas sui nominis, pulcherrimi operis in Vrbe Roma edificauit: quarum ruinae insignes visuntur.



M. AVREL. ANTONINVS, PIVS. AVG.
BRIT.

P. SEPTIMIUS GETA. Ex patre Seuero, matre Iulia Mediolani natus, moderatus & lenis, honestiora studia tractauit. ac disciplinarum gloria viros celebres circa se frequenter habuit: placidus, humanus, in optimos quosque vestitus nitidi cupidissimus. Post Parthicum bellum, cum ingenti gloria floreret, Bassiano principe Imperij appellato, ipse quoque *Cæsaris & Antonini* nomen accepit. Mortuo patre Seuero, insidijs multis à fratre (quod eum lenitate morum à se discrepantem, ferre consortem Imperij, Bassianus non posset) petitus est. Cumque eos sapius reconciliare, magnæ auctoritatis viri conati essent, Imperium utrisque consentientibus ita diuiserunt, ut Europa cum partibus Meridionalibus, Antonino Bassiano, Asia verò & quidquid in Orientem vergit Getæ cederet: sed neque ea ratione, odium in fratrem conceptum, Bassianus deponere potuit. Et cum paratæ veneno insidiæ non procederent, in cubiculum eius Antoninus irrumpens, Getam nihil tale expectantem, supra matris pectus crudelissimè interfecit: Corpus maiorum sepulchro illatum.



IMP. CÆS. P. SEPT. GETA. PIVS. AVG.

26

M. OPILIUS MACRINVS. Infimæ sortis Libertinus, cuius parentes propter ignobilitatem ignorantur, interempto Antonino Caracalla, anno à Christi natiuitate, ducē tesimo decimo nono, à militibus Imperator electus est. Ad Parthicum bellum profectus, post primum conflictum sœdus iniit, inducias Arthabano Rege petente. Ex Mesopotamia Antiochia profectus, in omnibus delicijs vixit, histionibus, gladiatoribus, luxui, crapulæque deditus. Filium suum Diadumenum consortem Imoerij fecit, atque Antoninum (eo quòd nomen illud, eo tempore, omnibus amabile esset) appellauit, vt à se interfecti, Antonini Caracallæ suspicionem militibus demeret; cuius simulacra ex auro confici curauit, eumque inter Diuos retulit. Homo vitiosissimus & sordidissimus. In domesticos tam ferus & crudelis, vt non Macrinus, sed Macellinus (quòd macelli, specie, domus sua cruentaretur) appellatus à multis fuerit. Tandem proditione militum, & defectu legionum, ad Varium Heliogabalum, victus cum paucis fugiens, in vico Bythiniae cum filio Diadumeno, quinquagenario maior, occisus est, suis partim deditis, partim fugatis, partim interfectis. Vtriusque caput abscissum, ad Antoninum Heliogabalum delatum est. Imperauit annum vnum, & menses duos.



IMP. CÆS. M. OPIL. SEV. MAGRI-
NVS. AVG.

DIADUMENVS. Ex Macrino & Numia Gelse natus, occiso Bassiano, ab exercitu, cum patre Opilio Macrino Imperator est appellatus. Pater nomen Antonini ei indidit, veritus ne exercitus, in aliquem Antoninorum, qui non pauci ex affinibus Antonini Pij superfuerant, inclinaret: quod factum Senatus etiam libenter comprobavit, idque magis odio Antonini Caracallæ, cuius dissimilem huic futurum credebat. Puer fuit speciosissimus, unà cum patre captus, interfectus est, quem cum nonnulli sub necem Macrini, servare vellent, cubicularius quidam protulit epistolas Diadumeni, quibus futura eius crudelitatis indicia non obscure significabantur: quæ mortem eius acceleraverunt.



M. OPEL·ANTONINVS·DIADV
MENIANVS·CAES.

M. ANTONINVS. Bassianus Varius Heliogab-
 us Caracallæ & Symiamiræ Scorti filius, à prima ætate in sum-
 mo luxu turpitudineque enutritus, æstu mulieris Variæ an-
 iæ ad Imperium peruenit, Anno à Christo nato ducentesimo
 vigesimo primo. Ingressus Urbem, Heliogabalo, cuius sacerdos
 fuerat in monte Palatino templum consecrauit. Matrem suam
 in Senatu, Consulum subsellia occupare voluit, eiusque arbitrio
 omnia permisit, ipse omnium vitiorum generibus ita contamina-
 tus, ut multi pœnitentia ducti, quod Macrinum eiusque filium
 Diadumenum occidissent, in Alexandrum Heliogabali conso-
 rinum, animum inclinarent: quem licet ipse sibi adoptauerat,
 Cæsaremque fecerat, tamen muliebri inconstantia, & Cæsaris
 nomen illi abrogandum, & titulos atque statuas luto tegendas,
 osumque trucidandum in animum induxerat: cumque cū Ale-
 xandro in gratiam redire nollet, à militibus, in latrina ad quam
 confugerat, vnà cum matre interfectus est, ætatis anno XVI.
 Imperij I l. mense 7. Cadauer, more canis tractum, in Tybe-
 im, pondere annexo, præcipitatum est. Nomen eius iubente Se-
 natu erasum, cuius memoriam non nisi obscenitate turpitudine-
 ue planè incredibili ad posteritatem transmisit, indignus cuius
 ita in nefanda libidine transacta, litteris commendetur. Nam
 raterquam quod cupiditatem stupri, quam assequi naturæ de-
 ctu non poterat, in se conuertens, muliebri nomine Bassianam
 pro Bassiano iusserat appellari, Vestalemque Virginem, qua-
 matrimonio iungens suo, abscissis genitalibus, matri se Ma-
 riæ sacrauerat, in Orestia Vrbe à se condita, humanas hostias
 sacrificasse inauditamq; crudelitatem exercuisse scribitur.



IMP.C.M.AVR.ANTONINVS.AVG.

ALEXANDER SEVERVS. Ex Vario & Iulia Mammaea Syra genitus, anno Christi ducentesimo vigesimo quinto, Imperiū administravit; ab impuro fratre adoptatus, in nullo scelere illi voluit participari; optimis sanè Principibus æquandus, innocentia, in viros bonos benevolentia, & singulari in omnes clementia. Infames ab Heliogabalo in officio admissos, ministerio aulico priuavit: Palatium, expulsi impudicis, purgavit. In tractandis negotiis solos doctos; in re militari, senes ac benè meritos, historiarumq; peritos, adhibuit. Praefectos ex Senatus auctoritate constituit, pauperum filios publicè aluit, opera publica multa instituit, & instauravit. Mater eius Mammaea in Antiochiam profecta, ab Origene Presbytero in fide instructa, Christiana facta est. Ipse quoque Alexander matris persuasionibus inductus, adeò à Christiana Religione non abhorruit, ut eum nonnulli Christum in Larario semper habuisse, & locum Christianis, quibus popinarij litem intendebant, adiudicasse scribant. Sententiam Christianam semper in ore habuit. Quod tibi non vis fieri, alteri ne feceris. Persarum Regem expulit, de illoque Romæ triumphum egit. Per Proconsules suos in Mauritania, Illyrico, Armeniaque multa feliciter gessit. Bello Germanico, collecto exercitu, in Gallias profectus, ibi à militibus, quòd in eos seuerior, mater autem auarior esset, Maximino Duce, vnà cum matre ad Rhenum propè Moguntiam trucidatus est, eo ipso die quo natus fuerat. Anno ætatis suæ **XXIX.** cum imperasset annis 13. mensibus 3. Diebus 7. Senatus Populusque omnis, nuncio de morte eius accepto, valde contristatus est, ac in optimi Principis honorem, Cænotaphium in Gallia, Romæ sepulchrum amplissimum statuit.



IMP. CÆS. MAR. SEV. ALEXANDER.
AVG.

MAXIMINVS THRAX. Ex patre Micaa & matre Ababa barbavis natus, pastor & Opilio fuit: corporis va-
 stitate ab robore insignis, stipendia sub Seuctro meruit, sub Ca-
 racalla ordines militares duxit, sub Macrino militare desit, in
 patriam se recepit: sub Heliogabalo Romam redijt, sed inuento
 homine impurissimo, à militia decessit: interfecto Heliogabalo,
 iterum Romam reuersus, ab Alexandro gratanter susceptus, &
 exercitui vniuerso praefectus est. Alexandro cum matre à mili-
 tibus Maximini persuasione interfecto, ipse Maximinus, pri-
 mus ex corpore militari, nondum Senator, ab exercitu Augu-
 stus dictus est, anno Christi ducentesimo trigesimo octauo, filio
 sibi in participationem Imperij dato. Principatum adeptus
 omne crudelitatis genus exercere cepit: vnde Cyclops, Busyris,
 Chiron, Phalaris, Typhon, & biges cognominabatur. Omnes ge-
 neris sui conscios, ignobilitatis tegendae causa, interfecit. Germa-
 niam ferro flammisque populatus, Sarmatis quoque bellum in-
 ferre parauit, cupiens vsque ad Oceanum Septentrionales par-
 tes subiugare. Sed postquam didicit se cum filio hostem à Sena-
 tu indicatum esse, Italiam ingressus, Aquileiam obsidione cin-
 xit: in qua cum vehementer fame laboraretur, ipseque Maximi-
 nus in odium totius exercitus venisset, vnde cum filio suo, in Ca-
 stris, dum in tentorio suo quiesceret, trucidatus est, sexagenario
 maior. Capita hastis suffixa. Aquileiensibus ostensa, Romamq;
 missa, in Campo Martis, insultante populo, exusta sunt, cad-
 uera in profluentem ciecta. Fuit Maximinus ultra corporis va-
 stitatem, tanto robore praeclitus, vt septem valentissimos mili-
 tes, prosterneret, terraeque allideret: tanta voracitatis, vt vno
 die 40. vel vt Cordus dicit, 50. libras Carnis ederet, Ampho-
 ra C. pitolinam vini biberet. Imperauit annis tribus.



MAXIMINVS·PIVS·AVG·GERM·

C. IULIUS VERUS MAXIMVS. Maximini Imperatoris & Calphurnia filius, paternæ proceritatis hæres, tanta fuit corporis pulchritudine, ut procaces fœminæ ex eo concipere vehementer optauerint. Animo in tantum elato, ut dum pater, homo aliōquin crudelissimus, plerisque honoratis assurgeret, ipse residens, pedes & genua sibi osculari passus sit. Vini parcus, ciborum appetens, quem non nisi ex Syluestribus animantibus paratum, maxima cum auiditate, capiebat. In cultu ornatuque corporis maximè occupatus, mulieres etiam ipsas superare videbatur, simul cum patre Imperator factus, cum eodem, Anno ætatis suæ XV III. in tentorio dormiens à militibus occisus est, militari ioco cunctis conclamantibus. EX PESSIMO GENERE, NE CATVLVM QUIDEM HABENDVM.



IVL. VERVS. MAXIMVS. CAES.

M. ANTONIVS GORDIANVS, patre Metio Marullo, matre Vlpia Gordiana natus, in literis humanioribus bene versatus, prater amplissimas facultates quas possidebat, ingenij moderatione, rerumq; gerendarum dexteritate, id assecutus est; ut cum Proconsul in Africa esset, alij eum Scipionem, alij Catonem, Mutium, Rutilum aut Laelium dicerent. Cum Maximinus propter tyrannidem odium sibi maximum apud omnes conflasset, facta defectione militum in Africa, Gordianus iam octuagenarius, apud oppidum Thystrum, una cum filio, Imperator à militibus, reluctans & inuitus, factus est; quæ res Senatui gratissima accidit, qui etiam ambos Augustos declarauit. Interea Capellianus quidam, Imperium sibi usurpare cupiens, collecto exercitu, contra duos Gordianos profectus est: contra quem Gordianus filium suum Gordianum misit. Pugna commissa, non modò Gordianus Iunior, rei militaris expers, interfectus; sed & in exercitu tanta strages edita est, ut Imperatoris cadauer diu questum, vix inueniri potuerit: Quo nuntio accepto, pater, cum modicas vires suas, Maxentij magnas perpendisset, instantemq; Capellianum, & raram fidem Punicam extimuisset, ne in manus hostium viuis perueniret, laqueo vitam finiuit. Imperij anno 2. mense 6.



IMP. M. ANT. GORDIANVS. AFR.
•AVG•

33

E 2

M. CLODIUS PUPPIENVS MAXIMVS


homo nouus, patre fabro ferrario, matre Prima natus, à prima etate, in re militari benè feliciterq. versatus, militaris Tribunus primùm fuit, postea Proconsulatum Bithyniæ, Græciæ, & Narbonæ egit. Legatus Sarmatas in Illyrico contudit, & ad Rhenum rem contra Germanos feliciter gessit; acumine ingenij, prudentiæq. laude conspicuus: Maximino hoste patriæ pronuntiato, à Senatu Imperator, vnà cum Balbino, designatus est; ea lege, vt Balbinus domi in Vrbe, iste verò foris cum exercitu, Reip: commodis inserviret. Profectus itaq. contra Maximinum Puppienus, ipso militari seditione interfecto, recepto eius exercitu, rebusq. ad Aquileiam compositis, ad Urbem reuersus, Reip. negotia cum Balbino pulcherrimè procurabat. Interea milites penitentia ducti, quòd Maximino, quem ipsi delegerant, è medio sublato, ijs quos Senatus legerat, subesse cogerentur; occasione ex principum ipsorum simultatibus, & dissensionibus, quibus laborare cæperant, arrepta, dum Maximus contra Parthos, Balbinus contra Germanos expeditionem pararet, impetu militum, à Palatio deturbatus, perq. mediam ciuitatem ad Castra tractus, vterque interfectus est, Anna Imperij II.



M. CLODIVS PVPIENVS GERM.



M. CAELIVS BALBINVS. Originem à Balbo Cornelio Theophane ex Hispania ducens, eloquentia clarus. Consul Asiam, Africam, Bithyniam, Galatiam, Pontum, Thracias, & Gallias administravit, magis ad pacis consilia sectanda, quàm ad bella gerenda natus. Imperator unà cum Pupieno designatus, illo contra Maximinum cum exercitu profecto, res urbanas procurabat: quo tempore tanta inter Prætorianos & Populum seditio fuit orta, ut ad bellum intestinum veniretur, urbs incenderetur, templa fœdarentur, & plateæ omnes cruore polluerentur, frustra prohibente Balbino; nec aliter tumultus sedari potuit, quàm puero Gordiano, qui ex Gordiani Caesaris filia natus erat, in medium producto, & Cesare declarato, permissa Pupieno & Balbino Imperij potestate, dum puer adoleret. Pupieno post Maximini necem, in Urbem reverso, unà cum eo pari auctoritate, optimis, legibus, Senatu Populoq; gaudente Imperium administravit. Et cùm in Germaniam profectionem adornaret, cum eodem Pupieno, à militibus Maximiniana factionis, anno Imperij secundo, crudeliter interemptus est.



IMP. CAES. D. CAEL. BALBINVS. AVG.

M. ANTONIVS GORDIANVS. Iunior, Senioris nepos, natus, ut plures asserunt, ex filia Gordiani, vel ex Gordiano, qui in Africa periit. Maximo & Balbino interemptis, cum annum ageret decimum tertium, à Senatu Populoq. Remo cum maximo applausu, Augustus appellatus, Imperium adeptus est, Anno Christi ducenteſimo quadrageſimo primo. Ob pulchritudinem, bonosq. mores, in tantum diligebatur, ut Senatus & milites eum filium, Populus delicias suas appellaret. Duxit uxorem filiam Mithithei doctissimi viri, cuius consilijs adiutus multa præclare gessit. Contra Persas profectus, per Mesiam iter faciens, quicquid hostium in Thracijs reperit, fugavit; per Syriam, in Antiochiam veniens, Persas, qui eam occupauerant, frequentibus prælijs vicit. Sapere Rege submoio, Carras Nisibin recepit. Mithitheo consultore optimo, artibus Philippi sublato, Gordianus, Philippum in eius locum assumpsit, Præfectum & parentem appellavit: qui eius benevolentiae ac beneficij immemor, tantum artibus apud milites effecit, ut Gordiano, quasi tutor primum datus, Imperium vnà cum eo administraret, ut postea in eam superbiam venit, ut Gordianum neque in Imperatoris, nec in Caesaris, neque in Præfecti, neque in Ducis alicuius loco haberet. Et cum se viuere tantum precaretur, clamantem, ante conspectum duci, & strangulari iussit. Anno atatis 22. Imperij 6. corpus eius apud Corceium castrum, propè fines Romani Persiciq. Imperij positum, nomen loco dedit, Sepulchrum Gordiani.



IMP. CAES. M. ANT. GORDIANVS. AVG.

C. VALENS HOSTILIANVS, quibus parentibus prognatus fuerit, non solum scriptores reticent, sed & gestorum eius memoria adeò obscura est, ut apud plerisque Historicis, nullam planè de eo mentionem factam inuenias. Scribunt nonnulli, post Gordiani mortem, Marcum quendam à Senatu Imperatorem designatum fuisse, qui cum subita morte discessisset, hunc Hostilianum successorem ei datum: qui & ipse, cum repente in morbum incidisset, medicis malè venam soluentibus, occubuerit. Non desunt qui credant, eum Marco viuenti consortem Imperij adiunctum, & à Senatu Augustum appellatum fuisse. Vtrumq; morte celeri praeventum, siuè malè, siuè benè gestarum rerum memoriam, ad posteros transmittere non potuisse.



IMP. CAE. C. VAL. HOS. MES. QVINTVS. A.

M. IULIUS PHILIPPVS Philippi Arabici Imperatoris, & Severæ filius, à patre, principatus sui anno primo, in Cæsarem Regemq. collegam, assumptus est. Adolescens adeò ad severitatem tristitiamq. natura compositus traditur, ut à quinto ætatis anno, nullis cuiusquam facete dictis actisve, ad ridendum provocari potuerit; patremq. in ludis secularibus petulantius cachinantem, adhuc tener, vultu averso aspexisse notatus sit. Romæ à Prætorianis, duodecimo ætatis anno occisus est, opera Decij, qui ut se cultus Deorum suorum observantissimum Romanis ostenderet, Christianum hunc principem, hoc exemplo multos à vera Religione amplectenda deterrendo, ferendum nulla ratione putavit.



IMP. M. IVL. PHILIPPVS. AVGVSTVS.

M. IULIUS PHILIPPVS ARABVS. Urb. Roſtris Arabia, ex ignobili genere, patre nobiliſſimo latro- num luctore, ortus, virtute rei militaris clarus cum Gordia- no contra Perſas profectus, & ab eo, poſt obitum Miſuthei, Praefectus Praetorii creatus, rerum ſecundarum insolentia elatus, ad eam immanitatem deuenit, vt Gordianum de ipſo optimè meritum cum miris artibus in odium militum addu- xiſſet, per ſummum ſcelus interſcicerit, Imperiumq. arripue- rit, Anno Chriſti ducentefimo quadrageſimo ſeptimo. Fa- dere cum Perſis inito, non ſine Romani nominis dedecore, ad Urbem contendit: in itinere Philippum filiū conſortem Im- perij fecit, cum quo primus ex Imperatoribus Romanis, Fa- biano ſummo Pontifice Chriſtianam fidem proſiteri cœpit. Anno Imperij ſecundo, 11. Cal. Maij, eo quòd eſſet annus miſleſimus Urbis condita, ingenti pompa ſumptuq. maxi- mo, licet Chriſtianus, ſeculares ludos celebravit, ſpectacu- laq; multa populo exhibuit. Scythiſ in diſtionem Romani Im- perij irrupentibus, expeditionem contra eos parans, Mari- num ducem limitis Sarmatici exercitui praefecit: quo milita- ri ſeditione oppreſſo, Philippus Decium cum ſupplemento copiarum eò miſit qui à militibus Illyricanis Imperator ele- ctus, datis ad Philippum clàm litteris, promiſit dignitate ſe- abdicaturum, ad quā inuitus vocaretur. Motus ea re Philip- pus, expeditionem contra Decium parauit, eum cum toto exercitu ſclerato ſe perditarum minitans. Veronam cum veniſſet, fraude Decij, à militibus, medio capite ſupra or- dines dentium præciſo, interfectus eſt. Imperij anno V. Fi- lius itidem à Praetorianis, duodenarius, Romæ necatur.



M. IVL. PHILIPPVS. CAES.

30

C. MESIVS Q. DECIVS TRAIANVS, è *Bu-*
bali, inferioris *Pannoniæ Vrbe*, clarissimis parentibus natus,
 ea sibi virtutis ingenijq. à prima etate præsidia comparavit,
 vt ad amplissimas dignitates, non ambitione, emptisve tur-
 piter suffragijs, sed morum bonitate, vitæq; honestate per-
 ueniret; in hoc vno vehementi reprehensione dignus, quòd
 Imperium Anno à Christi natiuitate ducentesimo quinquage-
 simo adeptus, omne crudelitatis genus in Christiano exprompsit,
 immanitate etiam Maximinum superans. Eius edicto multa millia
 Christianorum diuersis inauditisq. supplicijs trucidata sunt.
Serapion, Meniacus, Abdon, & Sennen, Olympiades, Hyppolitus,
 cum socijs, *Maximus, Polichronius, Appollonia, Victoria, Cornelius, & Sixtus*
 Romani Pontifices, & *Laurentius*, in hac persecutione martyrio
 coronati fuere. Ad Reip. studium conuersus Decius,
 in Gallia ciuiles motus sedauit, cogente Senatu filium
 suum Deciam Cæsarem fecit. Rep. patribus commendata,
 aduersus Gothos, qui tum provincias Romanas ad Danu-
 bium inuaserant, cum filio profectus; pugna cum eis auda-
 cius quàm consultius commissa, insidijs circumuentus, cum
 toto exercitu fugatus cæsusq. est. Ipse inter densas hostium
 turmas elapsus, ne viuus in eorum manus perueniret, equo
 impulsus, in voraginem paludis insiliit, ita absorptus, vt ca-
 dauer diligentissimè quæsitum reperiri non potuerit. Filius
 in primo conflictu etiam interiit. Vixit Decius Anno L. Im-
 perauit cum filio ferè biennium.



IMP. CAES. C. MESS. Q. DECIO.
TRAIA. AVG.

40

en tiempo de este emperador **F**


Q. HERENNIVS ETRVSCVS MESIVS DECIVS,
*Decij filius, à patre ad Imperij administrationem, urgente
 id vehementer Senatu, ceterum collega, assumptus, ab eoq; Cæ-
 sar appellatus, aduersus Gothos in Pannoniam, vna cum
 patre profectus est. Prælio infelicitè commissò, exerci-
 tuq. Romano partim cæso, partim fugato, ipse in conflictu
 iaculo transfixus, primus Cæsarum hostili manu percussus,
interijt, imperij, quod cum patre administrare cæperat,
 nondum biennio completo, Romanis non minus cladem exer-
 citus, quàm interitum duorum principum dolenter adma-
 dam ferentibus.*



Q·HER·ETR·MES·DECIVS·NOB·C

C. VIBIUS TREBONIANUS GALLUS.

Patritiorum familia ortus, Mæsiæ præses à Decio constitutus, ab eo legioni Romanorum militum, quæ integra, post cladem in Pannonia à Gothis editam remanserat, Imperator, tamquam servator reliquiarum Romani exercitus, electus fuit, Anno post Christum natum ducentesimo quinquagesimo septimo. A Senatu Augustus appellatus, fœdus cū Gothis turpissimum percussit, primus pacem ab eis mercatus Drachmis aureis ducentis, summa cum Romani nominis ignominia: qui cū se formidini esse intellexissent, rupto fœdere, Thraciam, Theßaliam, Macedoniam, & Hellada infestarunt, Asia non satis fuit tuta, & ne ipsa quidem Italia. Gallus Romæ agens & in Christianos sæuiens, C. Vibium Volusianum consortem Imperij fecit. Caterum ubi Aemilianum ducem strenuum ab exercitu, post rem contra barbaros egregiè gestam, Imperatorem salutatum fuisse accepit, ut dignitatem suam tutaretur, ad opprimendum Aemilianum cum filio profectus in primo congressu, desertentibus eum militibus suis, Aemilianoq. adhærentibus, ætatis anno XLVII. cum filio interemptus est: cum regnassent Annos II. & menses VIII.



IMP. CÆS. C. VIBIVS. TREBONIANVS.
GALLVS. AVG.

42

C. VIBIUS VOLVSIANVS. à patre Gallo in Imperij consortem assumptus, contra *Aemilianum*, qui ab exercitu ob rem præclarè contra Gothos actam, Imperator electus fuerat, paternæ suæq. dignitatis tuendæ causâ, unâ cum Gallo, expeditionem suscepit. Conflitu propè *Interamnâ* in *Umbria* habito, à militibus planè derelictus, unâ cum patre interfectus est, cum nullam de se malè re-
 sève scribendi materiam reliquisset: ut potè Imperio non diuturno, barbarorumq. insolentiæ, cum summa iniuria, Romanæq. maiestatis indignitate, plurimum exposito.



IMP. CAE. C. VIB. VOLVSIANO. AVG.

43
4

*ÆMILIANVS . ex Lybia Africæ humili genere
 ortus , Dux limiti Sarmatico in Moesia , à Decio præfectus ,
 Scythas qui prouincias Imperij Romani vastabant , adortus ,
 magna ex parte profligauit : qua occasione tantam sibi apud
 milites gratiam comparauit , vt eum Imperatorem salutaue-
 rint . Ad eum opprimendum , Gallus cum Volusiano filio pro-
 fectus , vterq . in primo conflictu , miserè interiit . Interea Va-
 leriano ab Alpino exercito Imperatore nobilissimo creato ;
 qui ab Æmiliani partibus steterant , cùm eius generis ob-
 scuritatem , Valeriani autem natalium splendorem , morumq .
 probitatem consideraissent , ne ciuili bello Remp . conficerent ,
 Æmilianum anno ætatis xl . apud Spoletum trucidauerunt ,
 cùm tribus tantum mensibus imperasset .*



IMP. CAES. AEMILIANVS. P. F. AVG.

P. LICINIUS VALERIANVS. Patre Valerio Flacco, nobilissima progenie ortus, eb eximiam vitæ probitatem, per omnes honorum magistratuumq. gradus, ad Imperatoriam dignitatem, euectus est, Anno à Christo nato, ducentesimo quinquagesimo nono. In principio Imperij magnus Christianorum fautor, postea in hostem maximumq. ecclesiæ persecutorem mutatus est. Passi fuere sub eo, Cyprianus Carthagen. Valentinus, Quirinus, Romanus, & Concordia. At innoxij sanguinis huius vindictam postea grauem sustinuit. Nam cum in Persidem profectus esset, Bellum Persis illaturus, ductu cuiusdam sui Ducis, cui summam rerum concediderat, in eam locorum angustiam, siue fraude, siue consilio, deductus fuit, v. viuis in potestatem Saporis Persarum Regis deveniret; in qua ignobili miseraq; servitute, apud Parthos consenuit, tam indignè tractatus; vt Rex Sapore, equum conscensurus, pedem ceruicibus eius imponens, eo pro scabello vteretur; eumq. ad extremum, cute à ceruicibus, ad imos vsque pedes detracta, crudelissimè necauerit. Vixit annis lxx. Regnavit xi.



IMP.C.P.LIC.VALERIANVS.AVG.

73

P. LICINIUS GALLIENVS. *Valeriani imperatoris filius, Valeriani Iunioris frater, adolescens optimis artibus excultus, ab initio Cæsar, postea à patre Augustus appellatus, Imperij curam suscepit. Cæterum capto à Persis patre, cum multi eius infortunio ingemiscerent, ipse propter vivendi licentiam exhilaratus, adeò se totum vino, mulierculis, popinis, lenonibus, ac mimis dedit, ut Caligulæ ac Vitellio simillimus videretur. Vnde factum est, ut Imperium per xxx. Tyrannos innaderetur, & tot tantisq. civilibus bellis, hinc inde ortis, miserrimè discerperetur. In Principe qui in luxu, socordia & omni turpitudinum voluptatumq. genere volutabatur, affuisse quandoq. animi vigor quidam (quod valdè mirandum est) & audacia perhibetur: à liberalitate quoque commendatur, quòd nihil unquam petenti denegaverit. In Christianos paulò mitior fuit. Comparato exercitu, cum adversus Aureolum expeditionem suscepisset, eundemq. propè victum, Mediolani obsedisset. a suis, Aureoli commento, una cum fratre Valeriano, est interfectus. Anno ætatis quinquagesimo, Imperij decimo quinto.*



IMP. C. P. LIC. GALLIENVS. AVG.

SALONINVS VALERIANVS. Licinij Gallieni & Saloninae filius, vel ab ea, vel quòd apud Salonas natus esset, Saloninus vocatus; à patre in locum Cornelij Valeriani, filij sui, in iuuenta mortui, subrogatus est. Nihil memorabile de illo scribitur; ut qui puer decennalis à Gallis non tam sua, quàm patris causa, interemptus fuerit.



SALONIUS VALERIANVS. CAES.

M. CASSIUS LATINEVS POSTHVMIVS.
Vir Romanus in omni vita adeò grauis, vt Gallienus filium suum ei instituendum tradiderit. Quotquot suo tempore Tyranni Romanum Imperium affectabant, omnes virtute req. militaris peritia facillè superauit. Cum Gallienus luxui popinisq. deditus, abiectus contemptusq. ab omnibus haberetur, hic à Gallis cum omni exercitu, Imperator electus, praeclarè se in eo munere gessit. Gallia prouincia instaurata, & exactis Germanis, securi atq. pristinè restituta, cùm in ea decem annis regnasset, à Gallis nouarum rerum cupidis, procuante id Lolliano, vnà cùm filio suo, interfectus est.



IMP. C. M. CASS. LAT. POSTV.
MVS. AVG. 48

FLAVIUS CLAUDIUS. à Dalmatis, vel ut
 alij volunt è Dardanijs ortus, vir integritate vitæ, morum
 gravitate, militaribusq. virtutibus, maximè clarus, Gallieni
 morientis sententia. Imperator designatus, à Senatu Augu-
 stus appellatus fuit. Anno post Christum natum, ducentesi-
 mo sepruagesimo quarto. Accepto Imperio, cùm in Senatu
 variarent sententiæ, utri prius bello occurreret, Tyrannorum
 an Gothorum, cùm Gothos censuisset prius aggrediendos,
 quòd hi Reip. totius, Tyranni autem Principis tantum ho-
 stes essent, tam vehementi prælio eos adortus est, ut post in-
 signem victoriam, apud Danubium de illis habitam, ad Se-
 natum litteras ijs verbis conscripserit. Delevimus trecenta
 viginti millia Gothorum, duo millia navium submersimus.
 Tecta sunt flumina scutis, spatia & lanceolis littora omnia
 operiuntur; campi ossibus latent tecti, nullum iter purum e
 fetore cadauerum. Omnes provinciæ servis, captivisq. Go-
 thorum scatent. Romam triumphans ingressus Gothicus ap-
 pellatus est: leges optimas tulit, in malos animadvertit. Prin-
 ceps ob egregias animi dotes, vita longiore dignus, cùm in
 morbum incidisset, eo ingraescente, nulla sobole relicta, ma-
 ximo omnium luctu, cùm duobus tantum annis regnasset,
 mortuus est. Senatus in Capitolio ei statuam auream collo-
 cavit. Digitis adeò fortibus fuisse scribitur, ut sæpè equis &
 mulis ictu pugni dentes excussisset.



DIVO. CLAUDIO. GOTHICO.

QVINTILLVS. Claudij Imperatoris frater, morum suavitate, bonitateq. illi nihilo inferior, & egregias virtutes, post mortem fratris, à Senatu Cæsar Augustusq. appellatus est. Postquam intellexit Aurelianum ab exercitu Imperatorem creatum, cum se longè imparem videret, ut eius ducis conatibus obsistere posset, qui tanto militum consensu fuerat ad eam dignitatem assumptus, ignominie metu ductus, venas sibi met incidit. & voluntariè, duobus liberis relictis, decimo septimo Imperij sui die occubuit. Nonnulli affirmant à militibus facta conspiratione interemptum, quibus se diuiniorem exhibuerat.



IMP. CÆS. QVINTILLVS. AVG³.

G 3 30

AURELIANVS. in Pannonia Sirmienſi, familia obſcuriore, vel ut alij volunt, patre mediocri, Aurelij Clariffimi ſenatoris colono, inter Daciam & Macedoniam natus, à pueritia ocij impatiens, adultior in re militari ita verſatus, ut una die bello Sarmatico, quadraginta oſto, pluribus autem diebus, nongentos hoſtes propria manu interfecerit. Sortitus diuerſos Tribumatus, Liberator Illirici, Galliarumq. reſtitutor dictus eſt. A Valeriano Conſul designatus Goſbos fudit. Anno Chriſti dñcenteſimo ſeptuageſimo ſexto Imperator à militibus electus, à Senatu Auguſtus appellatus, Sueuos, Sarmatas, Marcomannos ſuperauit. Auſtis Urbis menſis eiusq. ſtatu cõpoſito ad Orientem proficiſcens, in Thracia, Illyricoq. Barbarcs proſtrauit, Bithyniam recuperauit, Thyanam & Palmyram expugnauit. Zenobiam, quę Imperium affectabat, apud Emefam magno prælio victricem Tetricum in Gallis Imperatorem creatum, ſpontè ſe cum exercitu tradentem ſuſcepit, eumq. ac Zenobiam ducens, ſpecioſiſſimum Romę triumphum egit: leges plurimas & ſalutares ſanxit: militum delicta magna ſeueritate correxit. Populo dona diſtribuit: Templum Solis fundauit: Pontifices roborauit: contra Chriſtianos perſecutionem mouit. Per Illyricum contra Perſas pugnaturus iter faciens, apud Zenophoriam, inter Heracleam, & Byzantium, malitia notarij ſui, interemptus eſt: alij fulmine percuſſum interiſſe ſcribunt, cum imperaſſet annis 1111. menſib. 11. Diebus 111. Imperator, propter ſaueritatem & truculentiam magis hoſtibus proſpectandis neceſſarius, quàm bonus: Eo mortuo fuit interregnum menſib. 111. Dierum 22112.



IMP. C. AVRELIANVS. AVG. 2.

M. CL. TACITVS. Vir ordinis Senatorij, post aliquot mensum Interregnum, quo milites ad Senatum, Senatus verò ad milites, Imperatoris eligendi munus, reijciebat, inuitus & senectute valetudineq. se excusans, Anno à Christo nato, ducentesimo octuagesimo primo, Imperator eligitur à Senatu; qui cum neminem, aut iustius quàm grauem virum, aut prudentius, quàm doctum imperare posse censuisset, Tacitum, utpotè dotibus ijs ornatum, hoc loco dignissimum iudicauit. Assumpto Imperio ex sententia Senatus, omnia Reip. commoda procurauit. Pecuniam quam domi collegerat, in stipendium militum erogauit: domum suam demolitus, Thermas publicas privato sumptu construxit. Cornelium Tacitum, Scriptorem historiae Augusta, parentis loco habuit; & eius historiam in omnibus bibliothecis collocari iussit; & ne neglectorum incuria deperiret, Librum per annos singulos decies scribi publicatus in ciuicis archijs iussit, & in bibliothecis poni. Princeps litteris adeo deditus, ut nullum diem, in quo non aliquid scriberet, aut legeret, intermittere voluerit. Sic, cum Tacitum Imp. Interamna natum, quæ ciuitas vetustissima, & nobilissima, est in Sabinis, constet, ex Flauio Vopisco, in vita Floriani, qui Interamnâ solum patrum Taciti, & Floriani, nominat; Tacitum item historicum Interamnatem fuisse, facile licet conjicere. Sed obiter aliud etiam dicam, a nemine, quod sciam, hucusque animaduersum. Etiam Sallustii, Romanae historiae scriptorem, Interamnatem fuisse, omnino putat Aldus Manuccius. Idque, quod videat, Petrum Crinitum scribere, Sallustium Amiterni natum, in agro Sabino; deceptum certe ex illo, Terni, quæ sunt extrema littera Amiterni. Terni autem vulgare nomen Interamnæ est, in Sabino agro; Amiternum vero, cuius ex reliquijs Aquila ciuitas exstructa, in Aprutino. Sallustiam vero Familiam Sabinam fuisse, testatur antiqua tabella, apud Fuluium Ursinum; in qua Sallustia Sabina mentio est, nam, quamuis Sabina cognomen sit, manauit tamen cognomen a regione. Sic Interamna, Illustris Ciuitas, duorum Imperatorum, duorum item illustrium Historicorum, non tali gloriari potest. Vita fuit parcissima: tunicis ijsdem in Imperio usus quas priuatus deferebat. Aureliano statuam auream dedicauit, & inter Diuos retulit, occisores eius interemit. Insidijs militibus necatus, vel, ut alij tradunt, febre correptus interijt. Imperij Mense 6. die 20. Aetatis anno 76.



IMP. C. M. CL. TACITVS. P. F. AVG;

M. ANNIVS FLORIANVS. Taciti Imp. frater germanus. Interamna natus, quod a Fl. Vopisco, & ab alijs, scriptum est; in qua ciuitate duobus hisce Imperatoribus cenotaphia constituta fuisse, in solo patrio, idem scribit; qua sunt imaginaria sepulcra, siue potius, a Græco vocabulo, *Inania*, & honoraria. Visebantur non multos ante annos hæc Cenotaphia Interamnæ, extra portam, qua Spoletum ducit, quæ trium Monumentorum porta dicebatur, quod erat & aliud Monumentum Probo Imp. dicatum. Erantque proxima suburbanis hortis vetustissimæ, & amplissimæ, Castellensium Familij, quæ inter Vmbras primaria, eius ciuitatis per multa sæcula principem locum obtinuit; ex qua præter innumerabiles procures & heroes, tum belli, tum pacis, temporibus maxime illustres, quos enumerare nimis longum esset, neque huius loci est, neque huius temporis; fuit S. Anastasius, Ciuitatis Episcopus, & patronus; qui, sub Totila Rege Gothorum, Iustiniano Cæsare, & Ioanne II. Pontifice, anno Domini D XXXVI. cum S. Proculo, & ipso Interamna te, cuius corpus Bononia est, floruit. Huius S. Anastasij Castellii corpus cum diu latuisset, anno C ∞ XXXIX. Lothario in Italia regnante, Leone VII. Pontifice, reperiuntur. Hic Florianus, mortuo fratre, Imperandi se adeo cupidum ostendit, ut nec Senatus, nec militum, sed propria auctoritate, quasi hereditarium esset Imperium, Principatum arripuerit; in quo nihil memorabile gessisse perhibetur; cum id non diuturnum fuerit. Nam posteaquam intellexit Probum regnare, quem exercitus, tamquam virum Imperio dignum, elegerat, cum se tuto nullibi consistere posse animaduertisset, manus ipsemet sibi iniicit, venis quoque solutis occubuit; Imperij sui mense Dic xx.



IMP. C. M. ANN. FLORIANVS. P. F. AG.

PROBUS è Syrmio Pannonie oriundos, patre Maxi-
 mo Tribuno, matre nobiliore, mediocri matrimonio, illud
 pacis belliq. artibus consecutus est, vt si Probi nomen non
 habuisset, verè sibi cognomen hoc dari potuerit. Multa sub
 Valeriano & Decio Aurelianoq. fortia gessit: militibus val-
 dè acceptus, ab omni Orientali exercitu Imperator est electus
 Anni Christi ducentesimo octuagesimo secundo, A Senatu
 nomen Caesaris, & Augusti & patris patrie, Proconsulare
 Imperium cum Pontificatu Maximo, accepit. Gallias cum
 LX ciuitatibus à Germanis occupatas recuperauit: Reges
 nouem ad pedes prostratos vidit, obsidumq. locc, XV. mil-
 lia tyronum accepit: Gothos in Thracia ita terruit, vt eos vel
 in deditionem vel in amicitiam reciperet. Siciliam & Isau-
 riam latrocinij purgauit; Romam reuersus triumphum mul-
 taq. spectacula edidit. Tyrannos Imperio inbiantes, omnes
 planè iussit. Tandem in bellum Persicum iter parans, ce-
 lebri illa voci, qua innuebat, Annonam gratuitam militem
 comedere non debere, cum odium maximum apud milites,
 sibi comparasset, quod eos toto ferè orbe subiugato, vbi hostes
 decissent, amplius iam necessarios minimè fore iactitasset,
 apud Syrmium in turrim ferratam fugiens, ab eisdem occi-
 sus est: in perij Anno V. Mense.



PERPETVO.IMP.C.PROBO.A.

54

M. AVRELIUS CARVS. Narbona genitus, vel ut alijs placet, Romæ, ibiq. in litteris educatus, per militares gradus ascendens, à Probo præfectus Prætorio, eo interfecto, Imperator à militibus creatus est. Anno à Christi natiuitate ducentesimo octuagesimo octauo. Inito Principatu, in percussores Probi seuerissimè animaduertit. Liberis suis, Carino & Numeriano, Caesaribus nuncupatis, bello Persico, quod Probus suscepserat, continuando intentus (cùm Sarmatiam in Pannonia confecisset, & sedecim Barbarorum millia deleuisset, viginti cepisset) recepta Mesopotamia, Ctesiphontem peruenit, Persas inter se domestica seditione laborantes repperit. Castris super Tygridem positis, in maxima rei bene gerendæ expectatione, ictu fulminis interijt; cùm anno & aliquot mensibus imperium administrasset.



DIVO . CARO . PIO .



M. AURELIUS ROMULUS. NUMERIANUS.
 Cari Imperatoris filius, Poeta & Orator celeberrimus, statua in Bibliotheca Vlpiana ex S.C. decoratus, comes patris in bello Persico fuit: à militibus Populoq; Romano Imperator salutatur Anno à Christo nato ducentesimo nonagesimo. Patre è viuis miserabili casu sublato, in tantum merorem luctumq; incidit, ut oculis propter lacrymarū vim penè amissis, cum Romam ex Asia victor rediret, lectica eum deferri oportuerit. In ea sedentem, clam Aper eius socer, Imperij consequendi spe adductus, interfecit: nec prius quàm cadaueris fatore / celus detectum fuit: quod Diocletianus, irruens in Aprum, eumq. confodiens, egregiè ultus est Fuit Numerianus frugi iuuenis, ingenioq. ad omnem modestiam composito. Fertur tamen Antiochiæ Cyrillum Episcopum manu propria interemisse, quòd eum templum Christianorum ingredi cupientem, aditu vir sanctus prohiberet, dicens; diuinorum mysteriorum aspectu eum indignum esse, qui idolorum sacrificijs contaminatus, in tanta erroris caligine versaretur. Imperauit Numerianus cum patre & fratre, Annorum vnum Menses.



IMP. C. NVMERIANVS. AVG.



CARINVS. alter Cari Imperatoris filius, à Patre contra Persas proficiscente, cum Gallias, Hispanias, Britanniam, totumq; ferè occidentem, cum Italia atque Illyrico in administrationem suscepisset; tam enormibus vitijs, ingentiq. scditate se contaminauit, vt pater turpitudine scelerum eius audita, non esse suum filium proclamauerit, & si superuexisset, nomine Caesaris illi abrogato, in eius locum Constantium subrogare cogitauerit. Post patris & fratris interitum, etiam liberius insanijt. Optimis quibusq. relegatis, homines libidinum suarum ministros, ad magistratus dignitatem prouexit, Vxores ducendo & reiijciendo, nouem habuit: pragnantes expulit. Mimis, meretricibus, lenonibus, & id genus hominum monstros, Palatium impleuit, eisq. plurimum detulit. Fastidium subscribendi diplomatibus tantum habuit, vt officium hoc impurissimo homini cuidam, qui manum eius benè imitabatur, demandauerit, Matrimonia nobilium corripuit. Non defuit ei tamen ad vindicandum sibi Imperium vigor mentis. Nam contra Diocletianum, quem ab exercitu in Perside Imperatorem electum audiuerat, multis prælijs conflixit; sed vltima pugna apud Murcium commissa, occubuit. Nonnulli scribunt eum, eius præcipuè Tribuni dextera, cuius dicebatur coniugem poluisse, trucidatum: posteaquam cum patre & fratre duobus annis imperio præfuisset.



IMP. CARINVS. P. F. AVG.

DIOCLETIANVS. Salonis Dalmatiae, patre libertino Anulini Senatoris, matre Dioclea, utrisq. ignobilibus natus, Diocles antea vocatus, successu dignitatum, cum Arrium Aprum, Imperium affectantem, sua manu confodisset, ibidq. eo exercitu Imperator electus esset, Græco nomine ad Romanum morē conuerso, Diocletianus vocari voluit. Prodigato & caso Carino, Augustus appellatus, Anno post Christum natum ducentesimo nonagesimo, à S. P. Q. R. maioribus honoribus exceptus est, propter singulares animi dotes, iq. militaris peritiam, prudentiam, morumq. suauitatem. Iuribus vndiq. Tyrannis in Gallijs, Britannia, Aegypto q. Italia insurgentibus, ut pacem citius ubiq. redderet, Maximianum consortem Imperij fecit, cum quo tanta concordia Imperium administravit, ut alter alteri numquam repugnaret. Diocletianus Iouius; Maximianus Hercules, appellati sunt. velut ille Iouis, hic Herculis in perferendis laboribus pares. Pullulantibus per varia loca, nouis bellis, Diocletianus Galerium Maximinum, Maximianus Constantium Cælozum, pari consensu Cæsares fecere. Diocletianus in Aegypto ex Achilleo Tyranno, in oriente, ex diuersis plurimas nactus viatorias, aureo gemmatoq. curru Romæ triumphauit: more Regum Persarum adorari voluit, pedesq. ex osculandos omnibus sine generis discrimine exhibuit, idq. edito sanxit. Thermarum in Vrbe opus admirandum inchoatum, omni cultu perfecit: in Christianes maximè saeuijt, omnes penitus extirpare cupiens: hinc illa maxima & vltima persecutio, quā iste in oriente, Maximianus in Occidente, aduersus veros veri Dei cultores instituerat: Senio confectus se Imperio abdicauit: Nicomediae fasces, deposuit, cum xx. annis imperasset. Priuatus Salonis in patria mansit: decennium rei rusticae intentus: à Constantino & Licinio ad nuptias Constantiam euocatus, cum se per senectutem excusaret, & Imperatores excusationem nō admitterent, suspectas necem dedecorosa, quod fauisset Maxentio & Maximino, veneno hausto, occubuit, ætatis anno lxxvij.



DN. DIOCLETIANO. BEATISSM.
SEN. AVG.



MAXIMIANVS S. cognomento. *Herculius* ex *Pannonia Syrmio*, ubi pater eius opera exercuit mercenaria oriundus, à *Diocletiano* consors Imperij adscitus, probè se ei submitit, in omnibusq; obtemperavit: vir alioquin natura ferus, ardens libidine, consilijs stolidus. Tumultus in *Gallijs* raira celeritate compressit: In *Africa* *Gentianos* deuicit: bel lis nouis exurgentibus isle *Constantium Chlorum*, *Diocletianus* vero *Galorium Maximinum* *Cæsares* fecerunt, & præter adoptionem, etiam affinitate iunxerunt. Rebus undique compositis post annorum viginti Imperium, cum vir cruentissimus *Christianos* multos impiè trucidasset, quemadmodum *Diocletianus Nicomediæ*; ita hic *Mediolani* principatū deposuit: cuius eum rei paulò post penituit. Nam audiens filium suum *Maxentium* à *Pratorianis* Imperatorem electū, à *Lucania*, in qua sedem priuatus elegerat, spe resumendi Imperij, ad *Vrbem* se contulit, simulans filio fore auxilio. Tumultu militari excitato excessit: in *Gallias* profectus, genero *Constantino* insidias parauit, vt eum Imperio deturbaret. Sed per *Faustam Vxorem*, quæ patri maxitum pratulit, detestæ sunt. Eum *Constantinus* apud *Massiliam* obseßum vinum cepit, & fractis laqueo cervicibus occidi iussit, Anno ætatis Sexagesimo.



IMP. MAXIMIANVS. AVG.

59

CONSTANTIUS CHLORVS. Ex patrè Eutropio
 nobili Romano, matre Claudia, Claudij Augusti filia geni-
 tus, propter spectatam virtutem, à Maximiano & Diocletia-
 no, vñdà cum Maximino Cæsar. creatus fuit. Caterum cum
 Dioclitianus Maximianusq. Imperio spontè renunciassent,
 cum Maximino prouinciarum administrandarum curam par-
 titus, licet ei Gallie, Hispanie, Italiaq. cum tota Africa obti-
 gisset, cum se vñum tanto oneri ferendo imparem videret,
 Galliarum tantum administrationem suscepit, quam Germa-
 nis Francisq. profligatis, bonis legibus optimisq. institutis
 rexit. Britanniam subiugauit. Princeps benignus, ac facilis,
 atq. ad promerendam subditorum sibi populorum gratiam,
 mirè propensus, à Christiana Religione non abhorruit. Diui-
 tiarum spretor, & paucis contentus, fictilibus vasis uteba-
 tur; argentea, vt abacum exornaret, ab amicis interdum mu-
 tuo accipiebat. Eo regnante, in Hispanijs, Gallijs, & Alpi-
 bus, nulli motus fuere; & hostes Populi Rom. ab armis ces-
 sauere. Anno Imperij xij. Eboraci in Britannia morbo con-
 sumptus occubuit, relictis liberis ex Helena, Constantino Ma-
 gno, ex Theodora verò Maximiani priuigna, Anaballiano,
 Constantio patre Iuliani, ac constantia Licinij Imperato-
 ris vxore.



CONSTANTIVS NOB CÆS



GALERIVS MAXIMINVS, in Dacia Ripensi parentib. agrarijs ortus, ex pastore ouium vnde cognomen Armentarij traxerat, miles adeo strenuus euasit, vt à Diocletiano adoptatus, & Cæsar factus sit. Ad orientem pacandum, contra Narseum profectus, primum infelicitè, deinde prosperè pugnavit. Augustus factus, Seuerum, & Maximianum Cæsares adoptauit. Seuerò mortuo, Licinium ei successorem dedit. Romam contra Maxentium cum mouisset, defectione militum cognita, in Illyriam redijt. Homo sanguinarius, & Christianorum persecutor crudelissimus, in morbum incidit; & vlcere inguinibus innato, virilia exedente, vermibus vndiq. erumpentibus, remedijs deficientibus, cum nullus medicorum ei manus ad mouere auderet, metuens ne à sauisimo principe occideretur, miserè interijt, cum solus regnasset Annos II. cum Cæsarib. autem & Imperij consorte Annos xvi. Simulacrorum cultui fuit, vsque ad superstitionem deditus: delicijs & luxu disfluens, nullam Vrbem sine adulterijs, & stupris incõtaminatam relinquebat, homo alioquin rei militaris gloria illustris, verùm sauitia in Christianos crudelis. Vnde cum in morbum tam crudelem incidisset, suspicatus ob sauitiam in Christianos id perpeti, decreta contra eos reuocari, & ad se accersiri iussit, vt pro salute principis orarent. Sed pro truculento homine, qui fortasse ad solitam crudelitatem redijset, piorum preces non valuerunt. Itaq; turpissima, crudelissimaq. morte, vt dictum est, perijt.



GAL·VAL·MAXIMIANVS·NOB·CÆS

MAXIMIANVS. vero nominè **DAZA** dictus, ex sorore Galerij Armentarij progenitus, ab eodem vnà cum Seuero adoptatus, Cæsar quadriennio, dehinc per Orientem Augustus triennio fuit. Cùm esset ortu atq; instituto pastoralis, animo tamen & moribus nihil agreste præ se tulit. Sapientissimi cuiusq; cultor, amator litterarum, ingenio miti, & quieto: vini tamen auuidior, quo inflammatus iubebat quadam asperius: & cùm eum sapius facti paniteret, deinceps in sobrium matutinumq. tempus omnia differebat. In Oriente contra Christianos maximè desæuij. Cùm aduersus Licinium, res novas moliretur, rupto fœdere, cum filijs, quos iam socios Imperij assumpterat, oppressus est: exercitu partim deleto, partim fugato, ipse abiectis Imperij insignibus, fugitiuus se turbis colonorum immiscens, in agris latuit, & ne viuus caperetur, se strangulauit Tarsi, cùm imperasset Annis viij.



IMP·MAXIMINVS·
P·F·AVG·

SEVERVS. magis feueritate, quam exercuit in Chri-
 stianos, quàm generis nobilitate, aut rerum benè gestarum
 gloria notus; à Galerio vnà cùm Maximiano Caesar & Au-
 gustus dictus est. Africę, Italięq; pręfuit. Interea in Vrbe
 Prætoriani Maxentium, Maximiani Augusti filium, per se-
 ditionem Imperatorem crearunt: Contra eum Seuerus cum
 exercitu profectus, Romam cinxit obsidione: sed à militibus
 paulò post desertus, qui in partes Maxentij concesserant,
 cùm in præsens periculum se adductum videret, in Illyricum
 fugere, viribus impar, coactus est. Tandem Rauennæ captus,
 à militibus, quos ipsum insequenturos Maxentius miserat, mi-
 serè interfectus est, Anno Imperij ij.



FL·VAL·SEVERVS·NOB·CAES·

MAXENTIVS. Maximiani Herculei ex Eutropia
 Syra filius. quem alij arte muliebri suppositum ferunt, quò
 charior esset marito, à Prætorianis, non abnuente Senatu, im-
 perator creatus, asperitate patri, sauitia Domitiano. & Com-
 modo simillimus fuit: Imperium, non vt Augustus, sed vt
 Tyrannus exercuit; Plurimos senatorij ordinis viros intere-
 mit. Magicæ arti in tantum deditus, vt plurimas mulieres
 grauidas aperuerit, & infantes eximens atq. trucidans vt
 eventus suos prænosceret, in venis eorum vocem inquisiuerit.
 Formesos itidem adolescentes cultis aperiens, ex eorum ex-
 tis vaticina diuersa rimatus est. Stuprandis mulieribus, vsq.
 ad insaniam addictus; cuius nefandam libidinem Christiana
 Sophronia, Urbis præfecti coniux pudicissima, vt euaderet,
 cum à lenonibus præstolantibus ornandi tempus impetrasset,
 ingressa cubiculum sibi manus iniecit: quo exemplo Maxen-
 tius plures appetere non est deterritus, sed magis accensus
 In Christianos omne genus crudelitatis exercuit: bona priua-
 torum multa diripuit, noua vectigalia inuenit, in occiden-
 de, & omni via exigendo pecunias, inexorabilis factus, odio ha-
 beri ceptus est. Quam obrem Romani nobiles per clandesti-
 nos nuncios Constantinum, qui in Gallijs imperabat, euocan-
 dum curauere, quò Urbem Tyrannide liberaret: qui cum mul-
 tis prælijs Maxentij conatus plerisq. in locis, præsertim in
 foro Iulij fudisset, id extremum circa pontem Miluium; Cru-
 cis vexillo celiùs ostenso. Maxentium ita superauit, vt de-
 lectis copijs fugiens Tyrannus, in Tyberim insiliret, & gurgi-
 tibus absorberetur: vt ne cadauer quidem ipsius reperiri po-
 tuerit. Imperauit annis V I.



MAXENTIVS·P·F·AVG.

LICINIUS. parentibus agricolis in Dacia natus, ibique educatus, in malitiæ disciplinam profectus, bello contra Narseum rem armis adeo feliciter gessit, ut Galerio Maximino hoc nomine charissimus fuerit, & mortuo Severo, consors Imperij factus sit. Primò Illirijs præfuit, postea in Oriente Maximiano fugato, ob victoriam insolens atque superbus effectus, Constantinum contemnere, & in Christianos maxime saevire cepit. Constantinus cum monitis apud Licinium nihil proficeret, collecto exercitu, bello eum adortus, in Pannonia campis fudit: vires reparantem, incredibili celeritate, ex Europa in Asiam expulit, in Bithynia propè Nicodemiā gravissimo conflictu superavit, & fugientem persecutus, ut Imperio renunciaret, modò non coegit. Tandem per Constantiam eius uxorem, Constantini gratia ut cunque reconciliata, cum rebelles animos nihilominus retineret, à militibus Thessalonica interfectus est, anno ætatis lx. Imperij xiiij. Homo libidini, avaritiæque deditus, omnis humanitatis expers: literis adeo insensus fuit, ut eas venenum & pestem Reip. nominaret, indignus beneficio litterarum, quibus nomen eius orbi innotescat: nisi fortè inde celebrandus sit, quod militiæ custos ad veterum instituta seivissimus, spadones & aulicos, tineas soricesque Palatij appellare consueverat.



IMP. LICINIVS. AVG.

MARTINIANVS. antea officiorum magister,
 obscuri nominis homo, à Licinio, Constantinum fugiente,
 Byzantiumque perueniente, Caesar creatus; & dignitatem, &
 vitam breui amisit. Nam cum Licinio Thessalonica captus,
 vnà cum eo, iussu Constantini, à militibus interfectus est.





DN·M·MARTINIANVS·P·F·A·G·

66

CONSTANTINVS MAGNVS, patre Constantio Pio, matre Helena in Britannijs natus, sub Galerio rudimenta militiæ felicissimè auspicatus, vltra etatè Sarmatas profugauit, ducemque eorū catenatum Galerio adduxit. Gliscentè inuidiam veritus, profugit ad patrem; eoq; mortuo, Gallias, Hispanias, & Cottias Alpes Caesar obtinuit. Accersitus in Italiam, deuictò, per crucis, vocisq; calius delapsæ, indicium, ad pontem Miluium, Maxentio, non modò Urbem tyrannide liberauit, sed post tot tantasq; Christianis intentatas persecutiones, Ecclesiæ Dei pacem quietemque fundauit, abnegato idolorum cultu, Christianæque Religionis veritate suscepta. Bella contra barbaros multa felicissimè cōfecit, vnde et **MAGNI** cognomen meritò obtinuit. Laudis vltra quàm æstimari potest, audior fuit. Leges sanctissimas tulit: studia literarum vehementer coluit, & earum amatores libentissimè promouit. Nicenam Synodum, contra Arrium Photinum, Sabelliumque & sequaces eorum Hæreticos, à trecentis decem & octo patribus, post annum Christi trecentesium vigesimum celebratam, auctoritate sua fouit. Templà multa construxit, donisque ornauit. Byzantium instaurauit, à suoque nomine Constantinopolim dici voluit, eò Imperij sui sede translata. Senex Persis Mesopotamiam diripientibus bellum indixit, ac copijs coactis, Sotiropolim urbem petijt, vt aquis calidis senile corpus foueret: ibi pharvacum à medicis porrectum, & à ministris quibusdam clàm veneno corruptum, cum ebibisset, Anno etatis lxxvi. Imperij vero trigesimo, mensè decimo, extinctus est. Corpus Constantinopolim regali pompa deductum, ibidem in templo Apostolorum sepultum est. Princeps omnium seculorum memoria dignissimus.



CONSTANTINVS. MAX. AVG.

67

IULIUS CRISPVS. Constantini Magni, ex Minervina filius à patre Cæsar appellatus, ea fuit corporis pulchritudine venustateque præditus, ut eius amore Fausta Constantini vxor vehementer inflammata. sæpius eum ad libidinem sollicitauerit: cui cum ille assentiri nollet, Fausta amorem in odium commutans; eum tamquam pudicitiam suam expugnare volentem, ad maritum detulit. Constantinus fidem vxori adhibens, Crispum ad Polam Histrie oppidum interfici iussit. Ceterum ubi innocentiam filij & vxoris fraudem cognouit (quæ hac occasione Crispum è medio tollere voluit, ne suis liberis impedimento foret, quo minus imperio potirentur) Faustam Helena matris instinctu, quæ nepotis mortem innoxiam grauitèr admodum ferebat, in ardens balneum iniici mandauit, in quo extincta, dignas, quæ tanto sceleri debebantur, pœnas subiit.



IVL. CRISPVS. NOB. CAES.



CONSTANTINVS IVNIOR. post obitū
 Constantini Magni patris sui, facta diuisione Imperij, Gal-
 lias, Hispanias, Alpes, Cottias, Britanniasque obtinuit. His
 tamen non contentus, cum Italia, Africaque ius, ad se perti-
 nere vellet, cum fratre Constante, per legatos primū, de no-
 ua diuisione prouinciarum facienda, tractauit: cumque hac
 ratione & multis querimonijs nihil proficeret, bellum fratri
 intentauit, collectoque exercitu, regiones fratris depopula-
 tus, Aquileiam vsque peruenit. Hic copias Constantis, qui
 tum in Sarmatia aduersus Gothos dimicabat, offendit: quas
 cum ille contemneret, & viribus suis magnoperè fideret, in-
 cautus, fœdeque temulentus, cum illis congressus est. Equo
 cui insidebat vulnerato, cum in terram decidisset, à militibus
 circumuentus, humi iacens, sine purpura, incognitus, multis
 ictibus confossus, turpiter interijt: corpus in flumen cui no-
 men Alsa, haud longè ab Aquileia, proiectum est. Vixit an-
 nis xxv. imperauit non toto triennio.



CONSTANTINVS IVNIOR. C.

69



CONSTANS. mortuo patre Constantino Magno, Italiam, Africam cum insulis, Illyricum, Dalmatiam, Macedoniam, & Achaiam sortitus, cum fratrem Constantinum bello superasset, interemissetque, Galliam intra biennium in potestatem redegit. Princeps initio strenuus & iustus, postea animum ad delicias flexit: ex quibus in articulorum dolores incidit, factusque est adeo difficilis, morosus, prouinciabilibus grauis, & militibus illiberalis, ut ab illis diutius tolerari non potuerit. Quamobrem conspiratione in eum facta, Magnentio ab exercitu Imperatore salutato, percussores ad Constantem missi sunt: qui eum venatione fessum, intra tentorium quiescentem, & nihil tale cogitantem, ad Helenam oppidum, Pyreneo proximum, interfecerunt. Dicunt alij cum vigilem cognouisse parricidas, abijisse in proximum templum, Imperij signa deposuisse, ab altaribus nihilominus tractum, occisum fuisse. Vixit annis xxx. Imperauit xij.



DN. CONSTANS. P. F. AVG.

CONSTANTIVS. patre Constantino Magno, matre Fausta prognatus, in mortui Crispil locum Caesar suffectus, princeps bellis civilibus felix, patiens laboris, mirusque in sagittis iacendis artifex fuit. In diuisione Imperij, Oriens, cum ipsa Regni sede Constantinopoli, ei cecidit. Fratris Constantis cedem ulturus, Gallo Casare creato, Orientique praefecto, aduersus Magneticum exercitum mouit, ex eoque ad Mursiam insignem victoriam, licet non incruentam, reportauit. Nam eo praelio utrinque 53. millia desiderata sunt. Gallum a se antea Casarem dictum, & propterea insolescentem interfecit; cumque fratrem eius Iulianum, tres & viginti annos natum, in locum illius assumens, aduersus Alemannos, Gallias vastantes, misisset, & eum, post res feliciter gestas, ab exercitu Augustum appellatum didicisset, indignatione motus, bellumque civile contra Iulianum apparens, et rebus Parthicis nihilominus occupatus, in febrim incidit, & ad radices Tauri montis apud Mopsocrenem. Anno Imperij xxiiiij. aetatis vero xl. mortuus est. Homo Artiana impietati addictissimus, ob idque Athanasio Alexandrino Episcopo, & Catholicis omnibus infensissimus.



DN. CONSTANTINVS. P. F. AVG.

MAGNENTIVS. obscuris in Gallia parentibus
 motus, à Constante enutritus, in tantumq; ob virtutem belli-
 cā, ab eo adamat^{us} fuit, ut exerto in Illyrijs tumultu, cum
 iam iam à militibus occidendus esset, Imperator eum palu-
 damento obtexerit, atque seruauerit. Gratiudinis loco, quam
 suo seruatori debebat, Constanti dolos rependit; eoque inter-
 fecto, malis artibus imperium; anno post Christum natum,
 trecentesimo quinquagesimo tertio, adeptus est. Veniens in
 Italiam cum exercitu, Mediolani fratrem suum Decentium
 Caesarem fecit, quem trans Alpes, ad tutandas Gallias mi-
 sit: ipse cum Constantio, qui fratris Constantis cadem vlci-
 scebatur, ad Mursiam congressus, magna clade superatus est:
 collectis exercitus reliquijs, cum pacis conditiones frustra
 per legatos tentasset, & Ducis tantum titulum petisset, ite-
 rum cum Constantio conflixit. Victus Lugdunum aufugit:
 ubi cum se tuto non posse consistere, seque custodiri animaduer-
 tisset, gladio occultè prouiso, ictum pulsu parietis iuuans,
 trans fossa latere (ut erat vasti corporis) vulnere, naribusque
 ore cruorem effundens, Mense Imperij 42. ætatis anno 50.
 expirauit. Vir legendi studio promptus, sermonis acer, animi
 tumidi, & immodicè timidus, artifex tamen, ad occultandam
 audacie specie, formidinem.



DN·MAGNENTIVS·P·FAVG·

DECENTIVS. Magnentiſſi frater, vel ob rerum cū
 laude geſtarum paucitatem, vel ob temporis, quo ad eum di-
 gnitatis gradum, vocatus fuit, breuitatem, nihil habet in vi-
 ta memorabile. Mediolani à fratre Cæſar creatus, ad tuen-
 das Gallias cum exercitu trans Alpes miſſus eſt: Simul ut
 nuncium accepit, de miſerabili fratris interitu, partim vita
 huius tædio, partim metu, ne in manus eorū, qui à partibus
 Conſtantij ſtabāt, perueniret, adductus, laqueo ſarciæ ad col-
 lum poſito ſemetipſum apud Sennonas ſtrangulauit.



IULIANVS. *Apostata* patre Constantio, Constantini Magni fratre, matre Basilina genitus, ingenio sublimi & calido, puer ab Eusebio Nicomediae Episcopo, instructus, Christianam religionem amplexus est: deinde Libanio Rhetori traditus, fidem Christianam deferens. *Apostata* vocari meruit. A Constantio adoptatus, & Caesar factus, Gallijs praepositus, obres praeclare gestas, tumultuariè à militibus Parisijs Imperator salutatus est. Cōstantio mortuo, aduersus què bellum ciuile parabat, totoq; imperio adepto, Anno Christi trecentesimo sexagesimo quarto, aduersus Persas profectus, cū ingenti apparatu Constantinopolim, & hinc transmissio Bosphora, à Chalcedone Nicomediā venit. Inde Antiochiā, & Theropolim profectus, in Mesopotamiam signa mouit, atq; hinc traiecto fluuio, ponte deiecto, ut militibus via redeundi intercluderetur, ad hostes peruenit: commissa pugna, accepto, sagitta ex incerto missa, vulnere lethali, & manu cruore repleta Christum blasphemans, in aerem sanguinem proiciens, dixi: Viciisti tandem Galilea (sic enim Christum vocabat) viciisti. Vacuatus paulatim sanguine, circa noctis medium, epota aqua frigida, infelicem animā exhalauit: atque anno trigesimo secundo: Imperij primo, mense octauo. Sepultus in suburbio Tarsensi, in monumento sito in pomario itineris quod ad Tauri montis angustias ducit. Homo laudis cupidus: idololatriæ planè deditus: Christianus insensissimus, à quorum sanguine licet abstineret, tamen blāditijs eos ad impietatem reuocans, pluribus nocuit: militiae & liberalibus studijs, ne vacare possint interdixit: magistratibus muneribusque publicis priuatos esse voluit. Iudaeis, odio Christianorum, templum Hierosolymis restaurare permisit. Athanasium apertè oppugnauit, in exiliumque misit. Tempia idolonum clausa reserauit, nihilque eorum praetermisit, quae ad extirpandam Christianam religionem pertinere, homo impius & verus *Apostata* indicauit.



DN·FL·CL·I V L I A N V S · P · F · A V G ·

74



IOVINIANVS. Vel vt alij Iouinus, seu ob memoriam Iuliani, Iulianus ab alijs dictus, in Pannonia patre Varroniano natus, mortuo in Oriente Iuliano, ab exercitus Imperator electus, nō prius nomē Imperatoris profiteri voluit, quā omnes se Christianos esse, conclamarēt. Aetū autem id est, à Christo nato, anno trecentesimo sexagesimo sexto. Rerum necessitate compulsus, Nisibin, & magnā Mesopotamiæ partem, Saporī Persarum Regi tradidit, iſto cū eo ad triginta Annos ignobilisædere, non sinē calamitate Imperij Romani, cuius fines tum innouati fuere. Sacerdotes & Episcopos, qui sub Constantio & Gallieno pulsifuerant, & inter eos Athanasium Magnum, ab exilio reuocauit. Cū peruenisset ad locum, Badaſtana ab incolis dictū, qui Bithynos à Galatis diuidit, atrium recentis tectorij, vt quiesceret ingressus, fumo ac nidore carbonū quos adolerit copiosè iusserat, suffocatus, repente interijt 14. Cal Martij, Anno atatis trigesimo tertio, Imperij Mense septimo: corpus Constantinopolim, vt inter Augustorum reliquias conderetur, delatum est. Sunt qui scribant eum incidisse in morbum ex varietate ferculorum, quibus repletum corpus, quod auidissimè illic sumebat, concaquere non potuit, & cruditate perijſſe. Princeps fuit vultu latissimo, oculis caſiis, vasta & ardua proceritate, adeò vt diū nullum indumentum regium ad mensuram eius aptum inueniretur. Aemulari malebat Cōstantium agens seriā quædam aliquoties post meridiem, iocariq. palàm cum proximis adſuetis: Christianæ legis studiosus: mediocriter eruditus, beneuolus, & in suos propensus, quos etiam ad dignitatis gradus euexerat: edax & vino Veneriq. indulgens, quæ vitia Imperiali e recūdia forsitan correxiſſet.



DN. IOVINIANVS. P. F. AVG.



VALENTINIANVS. apud Cibalas Pannoniæ oppidum, Gratiano patre, ignobili stirpe oriundus, à pueritia Funarius cognominatus, eò quòd venalem circumferens funem, quinque militibus eum rapere conantibus, nequaquam cesserit; sub Iuliano Tribunum agens, quia dijs sacrificare nollit, pulsus, cùm pro Christi fide militiam reliquisset, mortuo Ioviniano ab exercitu apud Nicaam in Bithynia Imperator dici meruit. Anno Christi trecentesimo sexagesimo septimo. Bellis undiq, insurgentibus. Valentem fratrem consortem Imperij fecit, eique Orientem regendum tradidit. Procopium apud Constantinopolim purpuram sibi usurpare conantem, cum satellitibus, mira celeritate oppressit. Saxones Oceani accolæ domuit. Parthos è Syria per legatos eiecit; Germaniam tumultuantem Theodosij maioris auspicijs pacavit. Bregitionem cùm venisset, audiens legationem. Quadorum (qui propter vendicandam Gabinij Regis sui cedem, à Marcelliano duce perpetratam, impediendamque monitionem, quam in ipsis, Quadorum terris, quasi Romano iuri vendicatis, Valentinianus extrui iusserat, undè cum Sarmatis Danubium transgressi, excursionem fecerant) subita ira accensus, in obiurgatoria verba, cum magna vocis contentione prorumpens, in morbum incidit: quo marcescentibus venis, cùm nihil emitui posset sanguinis, voce amissa, sensu integer expiravit Anno ætatis LV. Imperij XI Vir paulò seuerior, & avaritia non nihil deditus; Christiana tamen religionis fuit cultor maximus, pudicus, domi & foris castus, ad inferenda propulsandaque bella solertissimus, in deferendis publicis muneribus cautus, sermone cultus, munditiarum amans, scribens decorè, venusteq, & fingens; corpus eius lacertosum, & validum: capilli fulgor, colorisq, nitor, cum oculis castis semper obliquum intuentis & toruum, atque pulchritudo statur alienamentorumq, recta compago, maiestatis Regiæ decus implebat.



DN·VALENTINIANVS·
P·F·AVG· 76

VALENS. *Valentiniani frater, ab eo collega Imperij & Augustus declaratus, Orientis bella gessit. Procopium temere Imperium innudentem deuicit. Instinctu Dominiæ suæ coniugis, ab Eudoxio Arriano Episcopo baptismum suscipiens, Christianæ, Catholicæq. religioni semper inimicissimum se exhibuit: religiosus viris per Tribunos & milites fustibus cædi iussit, ac lege lata monachos militare præcepit. Ad Necromantiam cœuersus, scire cupiens quisnam ei succederet in Imperio, oraculum à Demone flagitās, quatuor litteras sibi ostensas vidit, Θ Ε Ο Υ. Ob quam causam, eos potissimum occidebat, quorum nomina litteris hisce scribebantur. A Valentiniano sæpius monitus, ut à secta Arrianorum sese subtraheret, non modò non desistit, sed magis etiam in Christianorum perniciem inflammatus est. Contra Scythas & Gothos, qui omnia cadibus & incendijs longe lateque complebant, cùm prælium parum cautè commississet, in Thracia, Romanis legionibus ad internecionē deletis, ipse sagitta sauciùs fugiens, & ob dolorem sæpius equo decidens, prope Hadrianopolim, in quoddam vile tugurium deportatus est: iuxta quod cùm strues palarum esset, cummulata, peruenientibus eò barbaris, & ignem iniicientibus, impietatis Hæreticæ dignas penas luit. flammisq. absumptus est. Anno ætatis L. Imperij cum fratre 13. cum solum tribus tantum annis regnasset.*



DN. VALENS. P. F. AVG.

GRATIANVS. *patre Valentiniano, & Senerina matre, Sirmij: natus, à patre, contra morem antiquitus institutum, non Caesar sed Augustus appellatus, Occidentis Imperium administrandum suscepit. Princeps planè religiosus, ab ipsa adolescentia diuino cultui pietatiq. Christiana deditus, modestia, pudicitiaq. laude cum primis clarus, in literis, haud mediocriter versatus, Poeta & Orator non vulgaris, pacis amans, cibi, potus, ac libidinis victor, iaculatoria artis peritissimus. Apud Argentoratum supra triginta Germanorum millia, qui fines Romanorum vastabant, longè impari militum numero, admodum iuuenis fudit. Treueris agens, Valentinianum fratrem iuniorem, Casarem participemque Imperij declarauit: Catholicos Episcopos à Valente in exilium actos, reuocauit: Eunomianis, Manichæis, alijsque Hæreticis inimicissimus: Theodosium magistrum militum, ex Hispania accitum, contra Gothos in Thraciam misit, eumque post rem feliciter gestam consortem Imperij fecit, cura Orientis ei commissa: Occidentem cum Valentiniano fratre, sibi gubernandum reseruauit. Caterùm cum se ocio postea, quietique tradidisset, & à gerenda Rep. se alieniorem ostendēs, paucos ex Alanis, quos ingenti auro ad se trāstulare, veteri ac Romano militi ad cō prætulisset, ut nonnumquam eorum habitu, iter faciens, vteretur, maximum sibi odium apud suos confluxit, quorum magna pars, cum ad Maximum qui apud Britanniam tyrannidem arripuerat, defecisset, ipseque Gratianus contra hunc ipsum Maximum expeditionem suscepisset, inopinata proditione territus, fugaque frustra euadere conatus, Lugduni à Maximo interfectus est, ætatis anno xxix. cum imperasset Annos xv. cum patre viij. cū patre iij. cum Theodosio iij.*



DN. GRATIANVS. P. F. AVG.

78



MAGNVS MAXIMVS. Ex prosapia Constantiniani Magni oriundus, vir peritia rei militaris clarus, Romani exercitus Dux strenuus, ab eodem in Britannia, inuitus ac reluctans, quòd Gratianus militibus inuisum se reddisset, Imperator electus, Gallias ex improviso adortus est: Gratiano per insidias oppresso, ingenti cum exercitu in Italiam properauit, cupiens Romam in suam potestatem redigere. Id metuens Valentinianus iunior, de obitu Gratiani fratris certior factus, cum matre Iustina, Constantinopolim profugit, & generi sui Theodosii opem auxiliumq. implo-
rauit: qui insperatò per Alpes inuias, Aquileiam, ubi tunc Maximus felici rerum successu exultans degebat, cum exercitu veniens, Maximum à militibus captum, vinctum, sibi-
q. traditum, interfici iussit, virum alioquin probum, & qui haud malè imperium administratus erat, nisi periurio ac tyrannide pollutus fuisset.



DN·MAG·MAXIMVS·P.
F·AVG.

79

VALENTINIANVS iunior *Valentiniani Imperatoris ex uxore Iustina filius, à Gratiano fratre, post obitum patris, confors Imperij factus, in Italiamque missus est. Gratiano dolis Maximi interfecit, sibi metuens in Illyricum primo, deinde in Orientem ad Theodosium confugit; cuius ope, Maximo sublato, non modò fratris necem vltius, sed & Imperij quietem adeptus, est Iustinae matris instinctu, Arrianā perfidiam amplexus: viuente fratre clam, eo mortuo. palàm, elarissimum Ecclesiae Doctorem Ambrosium persecutus est, cupiens eum à Cinitate Mediolanen. amouere. Multa praeterea in Christianos molitus est; frustra eum Theodosio monente, ne matri in defendenda Arriana impietate assentiretur, sed paternam potius pietatem, sectaretur, qui Ecclesiam Orthodoxam, semper fuisset tutatus. Ex Italia in Galliam profectus, Victorem Maximi filium, quem pater copijs ibi praefecerat, interemit: dumque Viennae negligentius moraretur, ab Eugenio, olim quidem Grammatico, postea verò Tribuno, Arbogasti Alanorum praefecti, fraude pecuniaq; corrupto, noctu in cubiculo, clam strangulatus est: rumorque parjurus eum sibi mortem voluntariam conscivisse.*



DN VALENTINIANVS IVN P.
F AVG 80



THEODOSIVS. patre Honorio, matre Thermania in Hispania natus, originem à Traiano principe trahens, ex Hispania à Gratiano accitus, Imperatorq; apud Sirmium creatus est, circa Annum Christi 379. Hunnos & Gothos, qui Remp. continuis armis penè oppreſſerant, diuerſis prælijs vicit. Maximum tyrannum, Gratiani interfectorem, apud Aquileiam extinxit. Victorem quoq; eius filium nec auit. Valentiniano imperium aſſeruit. Eugenium Tyrannum & Arbogaſtum, Valentiniani necē vlciscens ſuperavit, deletis decem millibus. parua militum manu, etiam ventis pro eo pugnantibus. Domitis tyrannis pacataque Rēp. filios conſortes Imperij fecit. Arcadiū orienti. Honorium Occidēti præficiens. Et quia ætas vtriuſq; nondum imperio matura erat Ruſinum Arcadie, Stiliconem Honorio ductores Ipſe Mediolani vitā quietam ducens ſexagenarius, vel vt alij volunt, quinquagenarius die 17. Ianuarij deceſſit. Imperij Anno 17. Corpus Conſtantinopolim translatum ibiq; ſepultum eſt. Princeps Chriſtianæ religionis obſeruantiffimus. Propter eadem ſeptem ferè millium hominum Theſſalonica, dum vnius chari militis mortem, qui in ſeditone civili ibidem perierat, vendicare vellet. perpetrata, à Diuo Ambroſio, ad itū templi prohibitus, publicam penitentiam cum magna humilitate egit. Vultu, moribus, & ſucceſſu Traiano per omnia ſimilis. Clemens miſericors pudicus, in omnes honorificus, præſertim in bonos; grauitatem cum humanitate, mira quadam arte coniunxerat: in litteris mediocriter inſtructus, in rei militaris diſciplina ſagax fuit: in omnibus deniq; vitæ actionibus talem ſe præbuit. vt nullum optimi, reque Chriſtiani Principis munus in ſe deſiderari paſſus vnquam fuerit.



DN. THEODOSIVS. P. F. AVG.

ARCADIUS. Theodosij Imperatoris ex Flaccilla uxore, filius natus maximus, ab eodem consors Imperij factus, Orientiq; praefectus fuit: cumq; per etatem eum Imperio gubernando sufficere non posse videret, ei Rufinum virum consularem, & testamento etiam tutorem, tradidit: qui cum vafro & ad omne scelus audendum praeditus esset ingenio, mortuo Theodosio, cum magnam sibi potentiam comparasset, fidei quam Arcadio debebat oblitus, etiam de consequendo imperio nefariam cogitationem suscepit; quae ut rebus turbatis deprehendi non tam facile posset, clam muneribus missis, Alaricum Gotthorum Regem, ad inferendum Arcadio bellum sollicitavit. Verum comperta prodicione, dum defuncti Theodosij corpus, Vrbi Constantinopolitanae inferretur, & Arcadius ei obviam ad portam processisset, Rufinus à militibus Italici, perniciosus tutor occisus est. Caput cum dextra praecisum, ante ipsas Constantinopolis portas suspensum; spectaculum risui ludibrioq; expositum fuit. Pari pena Caianus Comes, qui civili bello Arcadium adortus, Constantinopolim flamma ferroque vastauerat, affectus est. Arcadius autem relicto ex Eudoxia Theodosio octo annorum filio, & tribus filiabus, Flaccilla, Martina, & Pulcheria, cum Byzantij xij. sex-
 re annis regnasset, mortuus est, anno aetatis xxxi :



DN·ARCADIUS·P·F·AVG·

82

HONORIUS. *Arcadij germanus frater natus minor, à patre Theodosio, Occidenti præfectus, Vandaloque Stiliconi, in curam traditus, infelici, post obitum patris, rerum successu vexatus est. Nam Gildo regnum Africa adeptus, aetatem Imperatoris aspernatus, ad Imperium animum adiecit: quem tamen fratris Mascezelis ductu superatum, interfecit Honorius: rebellantem autem Mascezelem, auspicijs Bonifacii, itidem vicit. Stilico magna auctoritatis vir, opibus præpotens, militarisque disciplinae scientissimus, tutor & socer Honorij cum imperio exuere cupiens, ut illud filio suo Eutropio pararet, Suenos, Vandalos, & Alemannos, magna spe prædæ sollicitavit, & in Honorium movit: quos Vldinus & Sarus cum exercitu Hunnorum & Gothorum repulerunt, rege eorum Radagasso capto, & in carcere strangulato. Ei Alaricus susceptus, concessa sibi, amicitiae firmandæque pacis gratia, ab Honorio Gallia ad habitandum, cum fraude Stiliconis petitus, & irritatus esset, ferè totam Italiam diripuit, Romamque capit & devastavit, Anno Christi 403. principatus Arcadij, & Honorij anno quarto, Honorio Ravennæ degente: cui cum denunciatum esset Romam perditam, credidit ille de pugnaci Gallo, cui nomen erat Roma, significatum esse; admiratusque vehementer est, tam subito perijsse eum, qui cum paulò antè festinissimè luserat. Edixerat in Urbis vastatione Alaricus, ut quicumque in templa Divorū confugissent, præcipuè Petri & Pauli, his nulla vis inferretur: quod & summa fide servatum est. Honorius accepit in consortem Imperij Constantiū virum strenuum ei; sororē Flacidia desponsavit: qui Gratianum in Britannia, Constantiū cum filio Constante, in Gallia tyrannos sustulit; Barbarorumque impetus qui Galliā, Britannia, Hispaniamque infestabant domuit: sublatus tamē est, immatura morte, septimo mense postquā Cæsar appellatus est. Non longo tempore post, Honorius quoque cum regnasset annos xxxi. cum patre ū, cum fratre xii, cum fratris filio xvi, morbo a qua intercitis decessit, nulla prole superstite relicta.*



DN. HONORIVS. P. F. AVG.

83

THEODOSIVS. iunior Arcadij & Eudoxia filius, penè
 puer. à patre consors Imperij factus, eo moriente sub Isdiger-
 tis Regis Persarum tutela, qui eam summa fide quoad vixit
 gessit, relictus, vixdum octo annos natus, Anthemio prefecto
 viro prudentissimo duce Imperium administrare cepit, Anno
 Christi 411. Honorio mortuo, Valentinianum consobrimum,
 Constantini & Placidia filium. Casarem fecit; dataq; ei vx-
 ore Eudoxia filia, Romam misit, ad pacandas res, quæ Tyranno-
 rum quorundam libidine turbatæ non mediocriter fuerant.
 Vxorem habuit Eudociam Leonis Atheniensis Philosophi fi-
 liam, quæ propter egregiam formam, singularemq; pudicitiam
 etiam literarum non vulgari peritia excelluit. Attila Hun-
 norum Rege Thraciam atq; Illyricum vastante, Theodosius
 ad eum legatos misit, sex millia librarum auri numerans, &
 mille quotannis libras numeraturum se promittens, vt ab in-
 cursionibus desisteret. Tertia sãcta Synodus vniuersalis Ephe-
 sina ducentorum patrum, Cæsariini Pontificis, huiusq; Theo-
 dosij iussu collecta est, in qua Nestorius duas personas in
 Christo asserens, condemnatus fuit. Correptus febre apud Cõ-
 stantinopolim Theodosius, mortuus est Anno imperij 48. toti-
 demque ætatis, Princeps vitæ integerrimæ, in primis Christia-
 næ religioni addictus, lectioni sacræ intentus, cum Episcopis
 Sacerdotibusq; pijs familiariter admodum viuens, patientiæ
 clementiæq; laude adeo celebris, vt capitis damnatos ne ad por-
 tas quidem adduci permisit, sed renouauerit; & cum ex con-
 siliarijs quis piam rogaret, quare supplicium de illo minime
 sumeret, qui ei parasset insidias, respondit; Vtinam, inquit, om-
 nes mortuos vitæ restituere possem: quod tamen dictum Hono-
 rio quidam tribuunt.



DN. THEODOSIVS. P. F. AVG.

VALENTINIANVS. *Constantij Caesaris & Placidie Honorij & Arcadij sororis filius, à Theodosio Caesar & Augustus appellatus, Romam missus, Ioannem Imperatorem factum oppressit: cum Genserico Vandalorum Rege, parte Africa, vt videri voluit, contento, pacem sanxit: aduersus Attilam Hunnorum Regem, Imperio Orbis inbiantem, bellum suscepit. In campis Catalaunicis acerrimè pugnatum est, vtrinq; caesis centum quadraginta quinq; millibus; victoria tamen penes Romanos stetit, ductore Aetio: qui in affectata tyrannidis suspicionem adductus, Maximi viui potentissimi artibus, vel vt alij volunt, iussu Valentiniiani, occisus est: cuius cadem vlcisci volentes Transyla & Ostyia, Aetij commilitones, ipsum Imperatorem postmodum Romæ in Campo Martio confoderunt, Anno Imperij 31. consilio vt ferunt, Maximi: qui statim Imperium arripuerat; verùm & ipse, à Populo Romano tertio post mense membratim casus est. Sub Valentiniiano collapsum est penitus Occidentis Imperium; Francis Gallias, Scotis, & Anglis Britanniam occupantibus; Hunnis Europam, Vandalis Africam atq; Romam vastantibus. Post Valentiniianum, Romæ multi constituti sunt Imperatores, partim ab Imperatoribus Constantinopolitanis, partim à Senatu, partim ab exercitu; quidam sua auctoritate arripiebant Imperium, vt Maiorianus, Seuerianus, Anthemius. Olybrius, Elicerius, Orestes, qui etiam filium suum Casarem in Italia fecerat: Post hunc ad Iustinianum vsq; Gothi Occidentale Imperium tenuerunt.*



DN·VALENTINIANVS·P·F·AVG·

FLAVIUS. VALERIUS. MARCIANUS, bu-
 mili genere natus, prima stipendia meruit in Lycia. Pulche-
 rię Theodosij sororis studio, imperio præficitur; moderatus
 Princeps, & rebus gerendis idoneus, si per senectam diutius
 viuere potuisset. Imminutum Orientis Imperium, prudentia
 dexteritateq; instaurare cepit. Cum Parthis & Vandalis
 fœdus percussit; Attilæ minas compefcuit; Arma nunquam
nisi provocatus mouit, illud sæpè vsurpans; Dum in pace esse
possumus, arma non induamus. Tatianum & Iulium fratres,
 qui olim aquilæ supernolantis auspicio, egrum inopemq; viati-
 co subleuauerant, Illyrico, beneficij memor, præfecit: Anno
 Imperij 6. & Mense 6. moritur, conspiratione Asparis qui ve-
nenum ei ministrasse dicitur. Qua de causa post creationem
 noui Principis, cum filius Asparis Ardaburius, Cesareßet
 à Leone pronuntiatus, populus patrem cum filio interfecit.
 Hoc Principe Chalcedonensis quarta Synodus celebrata, ad-
 uersus Dioscorum & Eutychen, Leonis Pontificis Romani
 iussu.



DN. MARTIANVS. P. F. AVG.

86



LEO. Græcanici sanguinis ex Tribuno militum, suffragiis & factione Asparis, Imperator factus, Ardaburium Asparis filium Cæsarem inuitus creauit: quo vnà cum patre à populo interfecto, in eius locum, Leonem, suum ex Ariadna & Zenone nepotem, suffecit. Aduersus Gensericum Vandalorum Regem infelicitè dimicauit: duce Basilico; qui siue ignauia, siue proditione, nauali prælio victus, fugam turpiter arripuit. Eo imperante Byzantium magna ex parte conflagrauit, Italia in perpetuis motibus versata est. Cum Orientale Imperiū xvi. annis administrasset, obiit. Vir multis egregijs virtutibus ornatus, præcipuè verò erga afflictos, miseratione: cum illud semper in ore haberet, Quemadmodum sol cunctis, quæ illustrat, non nihil impertit caloris, sic Principem debere eos, sua dignari misericordia, quos contuetur.

LEO. iunior ab auo puer relictus, vix anno Imperio præfuit. Nam cum esset valetudinarius Zenoni patri, nouo pietatis exemplo, manibus suis diadema imposuit, patremque pro se deinceps imperare iussit.



DN̄N. LEO. AVGG³



ZENO. Ex Isauris Ciliciæ, obscuro genere, incognita villa ortus, à Leone filio dignitatem Imperialem asequutus, non minus facie quàm moribus deformis, non ut Augustus, sed ut tyrannus imperavit: cuius crudelitatem fratris Cononnis, humani sanguinis fundendi, sitis incredibilis, magis etiam auxit. Theodoricum Ostrogothorum Regem, cùm vnice diligeret, Consulem prius à se factum, contra Odoacrem in Italiam misit; quo ad Rauennam superato, & extincto, Theodoricus Regno Italiæ potitus, ab obuiò senatu populoq; Romano exceptus, plurimumq; dilectus, gratuita liberalitate, caritatem annonæ fugauit, multa Urbis ædificia instaurauit; & si à quorundam Senatorum sanguine abstinuisset, optimi Principis nomē sibi facile comparasset. Zeno autem à Basilisco, factione uxoris pulsus, cùm in Isauriā concessisset, vitamq; priuatam instituisset, non multo post, magno ciuium, qui Basilisci tyranni dem ferre non poterant, fauore reuocatus, eundem Basiliscum expulit, inediaq; mori coegit. Ipse quoq; cum annis 17. Imperio præfuisset, miserabili morte interijt. Sunt enim qui viuum adhuc ab uxore sepulchro inclusum, frustra resipiscentem, & opem queritantem obijisse, tradant. Hoc Principe incendium adeò graue fuit, vt præter maximam Urbis Constantinopolitanæ partem, centum & viginti librorum millia combusta sint, inter quæ & Homeri poema, intestino Draconis. 120. pedum, aureis litteris descriptum.



DN. ZENO P. P. AVG.



ANASTASIUS humili genere natus, Dicorus à
 iscoloribus oculorū pupillis appellatus, studio Ariadnes
 uxoris Zenonis ad Imperium Orientis euectus. Anno Chri
 sti 493. eandem Ariadnē matrimonio sibi copulauit. I sa-
 uos apud Conteianum Phrigiæ oppidum, superauit. Vrbes
 orum solo equauit. In Illyrico cum Sabiniano & Mondo-
 e ad Margum, cum Pompeio apud Adrianopolim, cum
 Aristō ad Zartam, cum Parthis in Syria decertauit: Contra
 Italianum ad Aquilonem bellum gessit, & cum nongen-
 ti pondo auri ei misisset, eum quiescere coegit. Getæ, Mace-
 oniam, Thessaliam, Epirum, diripuerunt, multosq. capti-
 os abduxerunt, pro quibus redimendis, cum aurum misisset
 Anastasius, & non sufficeret hostium votis, barbari ca-
 tiuos, aut in domibus suffocarunt, aut pro manibus in con-
 spectu multitudinis trucidarunt. Bulgarorum arma tunc
 rimum audita, & Sarraceni Alamandaro duce, Syriæ gra-
 es incumbabant. Fuit Anastasius primò Christianæ rel-
 gionis studiosissimus, postea Ariadnæ uxoris opera mu-
 tus, Eutychiana heresi adhesit, frustra eum ad sanio-
 rem sentem per legatos Hormisda Pontifice Maximo reuoca-
 e studente. ob id Diuinam meruit ultionem. Nam fulmine
 suus interijt, Imperij Anno 27. Aetatis. 88.



ANASTASIVS.P.P.A.



PL. VALER. IUSTINVS. Ex Thracia pa-
 rentibus ignobilibus natus, à teneris annis suum, de inde
 bonum custos, post lignarij cuiusdam minister, decimo sexto
 ætatis anno, ad militarem disciplinam se contulit; in qua ma-
 gna cum laude versatus, princeps Ordinis in exercitu, po-
 stea Comes, ad extremum, astutia mirabili (quippe qui acce-
 pta ab Amantio Eunucho pecunia, ut militibus pro Theo-
 critiano Imperatore eligendo, distribueret, in se omnium suf-
 fragia verterit) Imperator factus est, Anno post Christum
 natum 519. Theocritianum, Amantium, & Andream,
 insidias sibi molientes, è medio sustulit. Vir Orthodoxus,
 & pietatis verè studiosissimus, ut hæreticorum nomen ex-
 tingueret, Arrianos expulit, eorumq. Ecclesias Catholicis
 assignavit. Episcopos ab Anastasio in exilium, propter ve-
 ram fidem missos, restituit. Germanum Capuanum præs-
 lem, legatum ab Hormisda Pontifice Max. missum, ut Chri-
 stianam & Catholicam religionem in partibus illis, Arria-
 norum pertinacia convulsam, restauraret, maximo honore
 excepit, clementissimeq. audiuit. Eos qui cum Acatio sen-
 tiebant, expulit, odioq. iusto persecutus est: cumq. Impe-
 rium novem annis laudabiliter administrasset, volens sene-
 tuti suæ consulere, Iustinianum ex sorore nepotem adopta-
 vit, & imperij consortem fecit, ipse quarto post mense, ab
 hac vita migravit.



IDN · IVSTINVS · P · P · AVG;

Constantibilia elegit Deus ut ostia confunderet.

IUSTINIANVS. Iustini sororis filius, ex Bedirina Illyrica Ciuitate genitus, ob ingenij animiq. magnitudinem, Magnus appellatus, à Iustino atatis anno quadragesimo quarto, Christi autem quingentesimo vigesimo septimo, Imperium suscepit. Orientem pacauit. Persas qui transgressis limitibus Mæsiam, Syriamq. prædati fuerant, opera Belisarij viri clarissimi, intra suos fines continuit. Remam eodem duce, à Gotthorum seruitute afferuit: Africam Imperio, pulsis Vandalis, restituit: Narsete duce, Gotthicum tandem nomen deleuit. Bis triumphatum, ex instituto veterum Romanorum de Persis & Vandalis, à Belissario: quem Iustinianus magna letitia excepit, Gelimerem præsertim Vandalorum Regem vinculum catenis Constantinopolim adductum, aspiciens. pacato orbe demi forisq. gloriosus, cum esset, hic Iustinianus. leges infinitis voluminibus antea dispersas, in quinquaginta Digestorum libros contraxit. Institutionum libros quatuor edidit, Codicem inuulgauit. Templum magnificentissimum ad mirando edificio extruxit; quod Græca voce ΑΤΙΑΝΘΟΙΑΝ, idest sanctam Sapientiam, appellauit. Vir iustus, & integer cerè maximus Princeps fuit, nisi delirij Eutychiani reus fuisset, à quo tamen opera Agapiti Pontificis Romani, liberatus fuisse perhibetur. In perscrutandis rebus ingeniosus, ad vindictam præceps: heresum hostis maximus; in pecunia effundenda immodicus: in congerenda intemperantissimus. Morbo ex senio confectus, Iustino prius ex filia nepote, imperij consortee electo, mente parum sanus decessit, Imperij anno 39. atatis 83.

IVSTINIANVS. MAGNVS.



DN. IVSTINIANVS. P. AVG.

IUSTINVS minor patre Illyrico, matre Augusti
 filia, à teneris annis, non vt nepos, sed vt filius in regia sem-
 per habitus à Iustiniano Imperator coronatus est; Anno
 Christi 565. Natura facili, & ad omnia dexteriore, ductu
 Sophiæ coniugia ab initio principatus liberalis fuit, vnde
 sibi militem ciuiumque animos valdè deuinctos reddidit.
 Sed postea & sui & Iustiniani dissimilis factus, ad rapi-
 nas, direptiones, omnemque ferociam ingenium vertit. Fi-
 dei Christianæ, contemptor maximus, in Pelagianam hæ-
 resim dicitur. Cum Persis pacem fecit, tributo quod Romam
 annuatim pendebant sublato. Longobardi, Germanica gēs,
 à Narsete Exarcho, contra Sophiam Imperatricem (quæ
 tum rerum potiebatur marito mentis impote) indignato, ac-
 cersita, in Italiam hoc principe irrupere, quam ab Alboeno
 Rege ad Desiderium, per ducētos, & quatuor annos in prin-
 cipatus diuisam tenere. Iustinus grauissimo pedum dolore
 vexatus, cum Tyberium qui præfectus erat Vigilum, Impe-
 ratorem declarasset, uxore Sophia superstite relicta, Impe-
 rij anno decimotertio, obiit. Eius tempore Vgri, glacialis
 Oceani accolæ, quærendo sedes, Pannonias ingressi, ibi com-
 morari ceperunt, rebus bellicis ità clari, vt nulli belliofa-
 rum gentium cedant.



DN. IVSTINVS. P. P. AVG.

TIBERIUS. Constantinus à Iustino in imperium adscitus, Anno Christi 576. ab Euticio Patriarcha diadema suscepit. Princeps clementia, iustitia, pietate, religione, sapientia, constantia, perpetua fortitudine, cunctibus virtutum ornamentis clarus: præsertim liberalitate in pauperes: quibus quicquid auaritia longa Iustinus congefferat, liberalissime erogabat, Sophia Augusta frustra refragante, & ararij imminutionem obijciente: quod tamen Divina quædam providentia, tanto magis augebatur, quanto plura inter egenos Tyberius distribuebat. Nam dū semel per ades suas deambulare, cerneretq. in pavimento marmoream crucem, eam ne pedibus conculicaretur, cum auferri iussisset, post hanc una atq. altera inuenta, atq. sublata, tantam vim auri & argenti in eo loco diuinitus ostensam repperit, quā tam hominis beneficentia requirebat. Narsētis etiā thesauros, sene quodam monstrante, ex Italia delatos accepit, quibus ad munificentiam & liberalitatem usus est. Magna ex Persis victoria reportata, Captiuos Constantinopolim abducos, magnificentissimè vestiuit, in patriamq. remisit. Eius felicitas multi nominis fuisset, si res ut in Oriente, ita in Occidente ei successissent. Nec enim Longobardos coercere potuit, qui triginta ducibus creatis totam Italiam administrabant. Senio confectus Tyberius, cum se viribus destitui animaduerneret, Imperij gubernacula genero suo Mauritio tradidit, æquitatem & iustitiam commendans, presentibus Ioanne Patriarcha qui coronam imposuit, & Senatu: paulo post decessit Imperij anno 7. omnibus tam optimi Principis, mortem deflentibus.



DN. TIBERIVS. P. P. AVG.

MAVRITIVS. Ex Cappadocia oriundus, Notarius humilis, ob diligentiam, à Iuliano Præfectus vigilium factus, inde Tyberij gener, post Augustus, Orientalis Imperij gubernacula suscepit, Anno Natiuitatis Christi 583. Initio principatus Persas per legatos fudit, postea exercitum in Thraciam traduxit, Scythas Asia repulit & Longobardos. Auspicijs Theodosii sui filij & Germani soceri, victos Hunnos, Pannonijsq. exactos, ad solitudines fugauit. & Chaganum ducem illorum afflixit. Pluribus victorijs, illustris, omnem principatus sui laudem pessimo auaritia crimine contaminauit, imperij capitisq. sui interitum accelerauit. Nam cum stipendia nulla militibus erogaret, ijs præsertim qui Sarmatico limiti contra Scytharum impetum, loco sterili positi præerant, difficilia quaq. tolerantes; nec ob auaritiam captiuos à Persarum Rege redimeret, conspiratione militum in eum facta, & Phoca Imperatore designato, Chalcedone cum tota sua prosapia, Constantia uxore, Theodosio, Tyberio & Constantino, filijs, totidemq. filiabus, interemptus est: cum imperasset annis 10 vixisset 63. Miserabilis huius mortis sua per somnium admonitus, ubi ad rem infelix præsagium collatum vidit, cum in conspectu suo, uxor, tres filiae, & filij interficerentur, penitentia scelerum ductus, forti animo tantam calamitatem perferens, non aliud ante mortem in ore habuisse, dicitur, quàm illud Davidis: Iustus es domine, & rectum iudicium tuum.



DN. MAVRITIVS. P. P. A.



PHOCAS. Praefectus Scythiae, per Mauritij cadē, à scelerato exercitu, cui praeerat, Anno post Christum natum sexcētesimo quarto, Imperator lectus publicatusq. est. Inito principatu eam sibi preclari imperatoris opinionem comparauit, ut multi cum eo pacem sancire, quā armis decertare maluerint. Caterum Mauritij etiam auaritiam superans, corradendae per fas & nefas pecuniae, adeo incubuit, ut & magistratus iudiciaq. venderet, & eos in primis charos haberet, qui populos inexplebili rapacitate vexarent. Socordia, ignavia, & frequentibus adulterijs infamis, Romanum imperium à Barbaris vastari facile tulit. Hinc Persae Mesopotamiam, & Syriam occupauerunt: Hierosolimā depopulati sunt; mediterranea Macedonia Thraciaeque loca poruagarunt: in Cappadociam & Galatiam incursiones fecerunt. In Occidente vero Germania, Hispania, Gallia, & bona pars Italia ab imperio Romano defecere. Aegyptum Sarraceni vastauere. In eum itaq. nihili hominem conspiratum est ab Heracleona, Heraclio, & Prisco, qui captum manibus, pedibus, & genitalibus, ob insignem libidinem truncatis, capiteq. amputato, prius interfecere, quam ferre suppetias eius milites potuerunt: eodem quoque tempore, & tota eius prosapia, radicitus extirpata est; eodemq. crudelitatis genere, una cum suis interijt, qua in Mauritium eiusq. familiam vsus antea fuerat: cum annos 8. imperasset, nihilq. magis memorabile in principatu egisset, quā quod de primatu inter Magnum Gregorium, & Ioannem Patriarcham Constantinopolitanum contentione exorto, iustam sententiam pro Ecclesia Romana, sanctaq. sede Apostolica tulit. Romaeq. Pantheon, exturbatis idolis, Virgini matri Diuisq. Martyribus, à Banifacio Papa Quarto, consecrari permisit.



DN. FOCAS. P. AVG.

HERACLIUS. filius Heracleonæ, prætor Afri-
 cæ, post interfectum Phocam, suffragantibus militibus Im-
 perator pronuntiatus, à Sergio Patriarcha cum vxore Eu-
 doxia, anno post Christum natum sexcentesimo duodeci-
 mo, coronatus est. Persis Africam vastantibus, legatos cū
 muneribus ad eorum Regem inducias petens misit, quas nō
 prius se concessuras responderunt, quàm Christum abnegas-
 set Imperator. Ea re commotus Heraclius, Diuino implora-
 to auxilio, ingentes copias aduersus Cosroem Regem Persa-
 rum eduxit, cuius tres duces cum tribus exercitibus supera-
 uit. Persideq. igni & ferro vastata, lignum salutiferæ Cru-
 cis, quartodecimo, postquam in potestatem Persarum vene-
 rat, anno, victor recepit: cuius triumphi sollemnis in Eccle-
 sia agitur memoria ad 18. Cal. Octob. Pace cum Persis fir-
 mata, Tigridem fluium, eorum Romaniq. Imperij limi-
 tem esse voluit. Eius temporibus Sarraceni Mahometo du-
 ce, caput extulerunt, occupataq. Syria, Damasco, & Ara-
 bia, execranda religionis virus spargere ceperunt. Creditū
 est Heraclium, in senectute, ad Monothelitarum hæresim
 descivisse, & aruspicijs præstigijsq. Demonum fidem adhi-
 buisse. Alij hydropisi eum occubuisse ferunt, Imperij
 Anno 31.

HERACLIVS+IMP+
97

HERACLIVS. Heraclij Augusti ex Fabia Eudoxia filius. Constantinus nouus appellatus, à patre post natum Christum anno sexcentesimo trigesimo secundo, nutantis Imperij consors adscitus est. Vere pietatis Catholicæque religionis cultor, cum imperium à patre relictum, vix anno vno administrasset, dolis nouerca Martine, quæ filio Heracleonæ imperium astruebat, veneno sublatu est. Arripuit Imperium Martina cum filio Heracleonæ, decem annos nato. Sed ambo conspiratione Senatus, biennio nondum cōpleto, capti & in exilium Cappadociam missi sunt. Mulieri linguam præcidunt, ne oratione qua plurimum valebat, populos commoueret; puero absciderunt nasum, ne decor aut gratia in vultu commiserationem faceret.




DN. HERACLIVS. P. AVG.

98.99

CONSTANTINUS Heraclij Constantini noui ex Gregoria filius, senioris Heraclij nepos, sine militū suffragio, ad nutū Senatu, Imperiū Orientale adeptus est Anno Christi sexcētesimo quadregesimo secūdō. Auita impietatis seclator; Martinū Pontificē Romanū sibi aduersantem, captū in Chersonesum relegatum mori coegit, multosq. alios rectę fidei homines, qui erroneis opinionibus suis assētiri nolebāt interemit. A Sarracenis apud Rhodū insigni strage victus aufugit, pacemq. per biennium ab illis impetrauit. Constantino filio imperij consorte facto, Constantinopoliq. relicto, ipse aduersus Longobardos, in Italiā cū exercitu profectus, victus ab eis Romā profugit, & quicquid antiqui operis signorū, ex auro, ere, aut marmore in ea fuit; q. oculos declarare potuit, id omni vi auulsum inde sustulit, & ad naues ferri iussit, plusq. ornamentorū paucissimis diebus deiecit, quā Barbari per 28 annos Vrbe spoliata in Siciliam traiciens, cū sextū ibi annum ageret, & tuare crudeliterq. tributū exigeret, ac molliter et libidinosē ibi versaretur, à ministris suis in balneis interfectus est, cū regnasset annos 27

CONSTANTINUS Cōstantis natur maior filius, vulgo Barbatus dictus in Siciliam veniens eadē patris vltus est: bellū contra Sarracenos totis septem annis feliciter gessit: cōtra Bulgaros infeliciter pugnavit: Princeps fuit patri dissimilis, fide Catholicus, moribus modestus, Ecclesias hereticos direptas, restaurauit. Eo fauente Agathonis Pj. Max. auctoritate celebratū est Sextum generale conciliū Constantinopolitanum, pro duabus volūtatibus, in Christo contra haresim Monothelitarū. Constantinus morbo correptus, cū annis 17. imperasset, obiit; tradito per manus Imperio filio Iustiniāno iuniori, fratribus suis Heraclio et Tyberio dudū occisis, ne ad Imperium quandoq. aspirarent.



DNN.CONSTANS-ET-CONSTANT
AVGG.



IUSTINIANVS minor, Constantini quarti et Anastasie filius adolescens 16. annorum, Anno à Christi natiuitate, sexcentesimo octuagesimo septimo, Orientalis Imperij gubernacula suscepit, ingenij varij atque à recta fi de abhorrentis. Aduersus sextam sub patre celebratam Synodum, ipse aliā indixit bonis omnibus aduersantibus, præsertim Sergio Pont. Max. quem comprehendit & Constanti nopolim duci mandauit. Bellum aduersus Arabas & Bulgaros, contra fœdera motum, infelicitè gessit. Ob crudelitatem omnibus inuisus, Leontij Patricij & Gallinici patriarchæ dolo, ex aula deturbatus, amputatisq. naribus Chersonam relegatus, ad Trebellium Bulgarorū Regem profugit: à quo Imperio restitutus est, Leontio & Tyberio Imperatoribus, interfectis, & Gallinico Patriarchæ luminibus priuato. Illud seuitiæ eius argumentum, vel maximum traditur, q. quoties truncas nares emungeret, toties vnū ex ijs, qui Leontio fauerāt ad supplicium rapi iubebat. Cumq. flagitiosior indies fieret, à Philippo pulsus, vitam & imperium pariter amisit, sexto anno post exilium, cum decem antea imperio præfuisset.



DN·IVSTINIANVS·P·F·AVG·

102

LEONTIVS. Vir ordinis Senatorij, patritius Constantinopolitanus, à Iustiniāno aduersus Sarracenos dux exercitus constitutus, cū in suspicionem affectati Imperij adductus esset, ab eodē in carcere biennio detentus fuit. Emissus verò & Gracia Dux effectus, clām, opera Gallinici, Constantinopolim veniens, cū effracto carcere magnum captiuorum numerū liberaffet, ab illis Imperator salutatus, Anno Christi sexcentesimo nonagesimo septimo, Iustinianum imperio deturbauit, & amputatis naribus in Chersonam relegauit. Classe aduersus Arabes, Africam innadentes, ingenti parata, cū infecta re rediret, à Tyberio per tumultū militarem, nouo Imperatore oreto regno pulsus, truncatis naribus in carcerem coniectus est. Postea à Iustiniāno (qui opē Bulgarorum Regis, iterum resumpserat imperium) è vinculis eductus, vna cū Tyberio per forum, & Theatrū ab equis raptatus; cū pressis ceruicibus in terra eum Iustinianus calcasset, in Gyngeppio, spectante populo misere interfectus est, cū triennio rerum potitus esset.



DN·LEONTIVS·PERPET·A·

TYBERIVS. alio nomine dictus **ABSIMARVS.**
 ab exercitu in Africa tumultuante, Anno post Christi na-
 tiuitatem septingentesimo, Imperator electus Constantino-
 polim cum delectissimis militibus veniens, Leontium in pote-
 statem redactum, truncatis naribus, in vincula coniecit, eosq.
 qui ab illius partibus stabant, fortunis omnibus exutos, in
 exilium misit: Fratrem Heraclium, equestrium & pedestrium
 copiarum, Ducem constituit, eumq. aduersus Agarenos in
 Orientis loca mandauit. Cum Iustinianus imperium recupe-
 rasset, & Constantinopolim redisset, Tyberium ab omni-
 bus derelictum, una cum Leontio captum, per vicos in spe-
 ctaculum educi iussit. Vtrumq. in throno sublimi residens,
 humi coram se prostratum, pedibus calcavit, illud procla-
 mans, super aspidem & basiliscum ambulabis, & conculca-
 bis leonem & draconem. Postea ante se obtruncatum, omni-
 bus inspectantibus, crudeliter in frustra concidi mandauit:
 cum 7. annis imperio Orientali Tyberius praeuisset.



TYBERIVS /



TIB. P. P. AVG

PHILIPPICVS. cognomento **BARDANIVS**, **Nicepho**
 ri patri ej filius, cum **Tyberium** ad Imperatoriam dignita-
 te prouexisset, ab eodem **Chersonam** relegatus est, eo q in
 somnis aquilam caput suum contexisse dixerat, vt cum ab
 omni spe Imperij potiundi repelleret: **Chersonensibus** cha-
 rus, contra **Iustinianū** bellum mouentem, aux ab illis ele-
 ctus, profligatio **Iustiniani** copijs, **Cōstantinopolim** cū clas-
 se ingressus, **Iustinianum** cum filio interemit. Potitum im-
 perio circa annū Christi 713. Patriarcham **Gyrum Vrbe**
 expulit: sanctorum imagines, homo **Hæreticus**, ex omnibus
 ædificijs eiecit: sexta Synodi decreta, altera Synodo nefariè
 indicta, infirmare contendit: gratificaturus monacho cuidā,
 qui de principatu obtinendo, illi præsagium fecerat, hoc
 prædictionis præmiū petenti. Loquax nimium; in rebus ge-
 rendis imprudens, opes imperij iam pridem congestas, nul-
 lo fructu dissipabat **Bulgaros**. **Thraciam** depopulari passus
 est. Tandem **Artemij** dolis, cum balneum publicum pridie
 Pentecostes ingressus esset, à quodam **Ruffino** arreptus, ocu-
 lis priuatus, & in carcerem coniectus est, ubi fame, siti, mul-
 tisq. incommodis affectus, misere interijt, anno vno & men-
 sibus sex Imperij nondum expletis.



DN·PHILIPPICVS·P·P·AVG·

ANASTASIUS II. cognomēto **ARTHEMIUS**
 cūm Philippum in or dinem redēgisset, Orientale Imperium
 adeptus, Anno post Christum natum 715. vir fuit quāda
 sermone affabilis, tam in operibus iustus, inter optimos Ca-
 tholicaeq. religionis amantes Imperatores numerandus: Or-
 thodoxa fidei propugnator acerrimus, sexta Synodi decre-
 tis per omnia assensus est: deiectas imagines, dirutasque He-
 reticorum furore Ecclesias, restaurauit: Classē ingentē
 aduersus Sarracenos, Christiani nominis hostes, cūm in A-
 fricā emississet, Classarijs quibusdam contumacijs agentī
 bus, milites qm illum oderant, re infecta domū reuersi, Theo-
 dosium ignobilem alioqui virum, Imperio praeficiunt. Quo
 audito Anastasius festinanter mare, Nicaam versus traie-
 cit, seq. ad resistendum parabat; sed à Theodosio insequente
 captus, ab eodem in monasterium, ne qua via pateret redeū-
 di ad imperium, inclusus est; cum annum vnum, menses tres
 imperasset. Caterum, cū, auxilio Bulgarorum, denuo recipe-
 re contenderet Imperiū, à Leone II. interemptus est. prin-
 cept imperio, vitāq. longiore dignus.



DN·ANASTASIUS·P·P·AVG·

THEODOSIVS. eius nominis III. *ADRAMYT*
TENS dictus, Constantinopoli parentibus obscuris oriū
 dus, a militibus Anastasio infensis, anno Christi 717. Impe
 rator electus est. Ea fuit morum comitate, sermonisq. affabi
litate, vt omnibus meritò charus esset. Catholicæ fidei ob
 servantissimus, sanctorum imagines, à Philippico eiectas,
 templis restituit, in omnibusq. cateris actibus, optimi prin
 cipis laude non caruit, futurus etiam longè illustrior, si
 diutius illi per Leonem, & Cononem Orientis præfectos
 imperare licuisset. Verùm cùm Leonem exercitus Impera
 torem dixisset, pertesus belli civilis Theodosius, vt erat mi
 ji, placidoq. ingenio, cessit imperio, monasticumq. vitæ
instructum amplexus, satis diu ac felix in eo vixit, cùm an
nos duos tantum imperasset.



DN THEODOSIUS P AVG

107

LEO. III. Isaurus adeò humili genere ortus, ut sedentariam exercere neceſſe habuerit, militiæ addictus, à Iuſtiniano contra Alanos & Aſmagos miſſus, poſtea Dux Oriētis creatus, abdicante Theodoſio, imperium adeptus eſt, Anno Chriſti 718. Vir omni ſclerum genere, impietateque in Deū, & ſacras eius imagines, cōtaminatiſſimus, unde etiā cognomen traxit, αἰσχρογὰς χου & θεομαχου. Edi-
ctio pena capitis propoſito, imagines Chriſti, Dei paræ, & ſanctorum prolataſ, quotquot habere poterat, per ſummum ſcelus comburi iuſſit. Germanum Patriarcham Conſtantinopolitanum impietati ſuæ contradicētem ſede exturbauit. Gregorio quoque Pont. Max. inſidias ſtruxit: qui eum non ſolum anathemate percuſſit, ſed etiam tributa ei pendi ſolita adimens, Francis exolui mandauit. Hac de cauſa Exarchos vnum Romam, alterum Rauennam miſit. Vterque a tumultuante populo interemptus eſt. Tercio eius imperij anno Sarraceni Conſtantinopolim triennali obſidione, terra marique fatigarunt. Bit hynia, Thraciaque graui terra motu concuſſa fuit. Muri Byzantini, magna ex parte collapſi. His alijsque multis calamitatibus, impij principis animus ad deteſtationem erroris, flecti non potuit; ſed magis ac magis in immanitate ſeuitiaque perſiſtens, relicto Conſtantino filio, quem dudum Regni conſortem fecerat, Anno imperij 24. dyſſenteria fluxu exerucitatus, miferiè animam eſ-
flauit.



† LEON BASILEVS RO

108

CONSTANTINVS. cognomento COPRONYMVS. quòd infans dum baptizaretur aquam sacram, ventris solutione maculauerit, filius Leonis imperatoris, impio patri, magis etiam impia proles, in imperio successit, Anno Christi 742. Patris impietatem in euersis sanctorum simulachris longè superans, etiam eorum reliquias contemnere & comburere minimè dubitauit: maleficijs magicisque vanitatibus ad insaniam vsque deditus, eò deuenit, vt nullius religionis homo fuisse creditus sit; non Christianus, nō Græcus, non Hebræus, sed totius impietatis infelix mancipium. Nobilissimos quosque è medio tollendos curauit. Constantinopolitanos patriarchas, ignominiosè tractatos graui-terque excruciatos, capite plecti mandauit. Ariabas dum virum Catholicum, imperatorem ab Orthodoxis creatum, oculis liberisque priuauit. In huius monstri verius quàm principis tempora, incidit ea quoque calamitas quam Italia ab A. Fulpho Longobardorum Rege pertulit. Byzantijs grassata est pestis. Terræ motus ingens, Palestinam. Syriamque afflixit. Græcorum Exarobatus desiit in Italia; Romani Pontificis esse capit, cuius fidei Pipinus hac loca permiserat, & Carolus Magnus eius filius, eidem donaue- rat. Constantinus autem post infinita flagitia, ultione diuina cùm in morbum incidisset, tam acerbos in eò cruciatus doloresque pertulit, vt se viuentem inextinguibili igne accendi discruciarique sapius proclamaret, eoque consum- ptus, interijt, Anno Imperij. 35.



DN. CONSTANTINVS. P. P.

LEO. III. Constantini Copronymi ex Cazara filius, patri Anno à Christi natiuitate 776. successit, cuius impietatis imitator, initio religionem simulauit, Monachos in honore habens, dignitates illi quasdam conferens, sed si vixisset diutius, ad naturam profectò rediisset, à vera pietate abhorrètem: quod quidem insigni sacrilegio initio principatus commissio abundè declarauit. Nam coronam à Mauritio principe Deo dicatam, è templo sustulit, captus gemmarum & auri splendore, eamque nefario suo capiti impo-
suit. Sed tam atrox facinus breui etiam diuina ultio con-
secuta est. Eius enim impium caput, carbunculi apostemate statim intumuit: tandem ardentissima febre subsecuta, im-
pium spiritum, cum vix annum regnasset, exhalauit, impe-
rium uxori suæ Irene relinquens, vt illud pro filio suo Con-
stantino, decem annorum puer, administraret.



DN. LEO. ET. CONSTANTINVS. P. P.
AVGVSTVS.

CONSTANTINVS. Leonis Quarti filius, imperij
 administrationem Anno salutis 781. sortitus, cum per eta-
 tem non posset, *IRENÆE* mater *Augusta* regendi cu-
 ram suscepit, femina Attici sanguinis, forma eleganti, sed
 probitatis veræque pietatis laude insignior: imagines tem-
 plis restituit, Orthodoxam religionem modis omnibus pro-
 pagare studuit: unde & septimum vniuersale Concilium
 Nicenum, contra Iconomachos, pro retinendis imaginibus,
 & Gracos pro S. Spiritus à filio processione celebratū est.
 Constantinus pubertatis annos egressus, matrem admini-
 stratione deiecit, atrociter administrare Imperium cepit:
 qua quidem re primatos offensi, Nicephorum ei præponere
 cogitabant: quo cognito Nicephorum hunc patrum suum,
 lingua oculisque priuatum, in vincula coniecit. Mater verò
 filij impietatem exesa, simulque dominandi libidine mæta,
 Duces quosdam datis muneribus, eo pertraxit, vt filium ex
 insidijs captum oculis effossis, eodem die quo ille ante quin-
 quennium Nicephorum excacauerat, in carcerem conijce-
 rent, in quo mærore luctuque confectus, paucis post diebus,
 cum 17. annis Imperio cum matre præfuisset, expirauit.
 Mater in pristinum statum à ciuibus restituta, annis tri-
 bus imperauit; cum Carolo Magno amicitiam & fœdus
 iniit, deque imperij finibus egit, connubium etiam ei dese-
 rens. Quare comparatis insidijs à Nicephoro regno expul-
 sa, in Lesbumque insulam relegata, reliquum vitæ tempus
 transegit.



DN. CONSTANTIN. AVG. ET
HERENAE. M. iii. 112



CAROLVS. Pipini Regis Francorum & Berthæ, filie Heraclij Constantinopolitani Cæsaris, filius, ob res præclare gestas merito **MAGNVS** vocatus, mortuo patre in eius locum successit, Aquitanicum bellum gessit, postea ab Adriano Pont. in Italiam euocatus, Longobardorum Regnum, Desiderio Rege capto, Francico nomini subegit: Saxones triennali bello vicit. Sarracenos Hispaniam vastantes domuit. Sclauos, Danos, Bavaros, Bohemos, tumultuantes compescuit. Iterum Italiam ingressus, Aragisum ducem, Longobardorum reliquias fouentem, ad officium coegit. Hunnicum bellum octauo post anno felicissimè confecit. Leonis III. Pont. ulturus iniuriam Vibem Remam ingressus, ipso Natiuitatis Domini die, ab eodem in templo coronatus ab vniuerso populo imperator & Augustus appellatus est, Anno regni sui 33. salutis autem nostræ 801. Compositis Italiæ rebus, Imperioq; cum Irenæ, & postea cum Nicephoro partito, ut ille Orienti, Carolus autem Occidenti præses in Gallias redijt. filioque Ludouico imperij consorte declarato, Aquisgrani, pleuritide correptus, obiit, 5. Cal. Feb. Anno Christi 814. ætatis 71. Imperij 14. Regni 46. Princeps insigni pietate, beneficentia, humanitate, literarum Græcarum, Latinarumque peritia. Tempora & Monasteria plurima fundauit, ac muneribus magnis locupletauit. Liberalis, misericors, & in egenos munificus. Iniurias illatas civili animo tulit, in hostes rarò acerbius sauij. In rebus bellicis non minus virtute, quàm felicitate celeberrimus, in reliquis vitæ actionibus pietatis, Diuinique timoris ita obseruans, ut non immerito, tanquam sacri Dei vereque, pij principis, ab omnibus eius memoria, in hanc vsque diem, celebretur.



CAROLVS·MAGNVS·IMP·AVG·

113

LVDOVICVS. Caroli Magni ex Hildegarde filius, propter Christiana religionis studium, morumq; mansuetudinem, cognomento **PIVS** dictus, post obitum patris à proceribus Aquisgran Imperator salutus est. Anno Christi 815. Lacrimabilem bellum ex animi sententia confecit: Bernardum ex Pipino nepotem, Italiam sibi subiugare conantem, supplicio affecit. Episcopos qui ei in promouebant, vita donatos, cancellijs inclusit. Britannos tumultuantes, armis ad officium reuocauit. A tribus filiis, quod in longiorem aetatem vita eius protraheretur, quodque Induham mulierem procacem, matrimonio sibi copulasset, captus, in Monasterium Dini Medardi Sueffione detrusus est. Sed optimo quoque in eius auxilium concurrente, inuitis filiis, ex eodem eductus, pristinaque dignitati restitutus fuit. Non multo post, tradito Aquitania Regno Carolo Imperio autem Lothario filiis, magno piorum omnium lucro, Maguntia decessit Anno Christi 840. Imperij 27. Aetatis 64. Sepultus Metis in monumento Hildegardis suae matris.



HLVDOVICVS·IMP·AVG.



LOTHARIUS. Ludouici Pij ex Hermingarda maximus natus filius, dum adhuc pater in viuis ageret, Italiæ, Galliam Narbonensem, imperiumque affectus est. fratribus Carolo Gallia omnis, Ludouico Germania cessit. Mortuo patre, patrati in eum sceleris pœnas Deus à filiis exegit: qui dissidentibus inter se animis, paternam imperij diuisionem, a quo animo non ferentes, ad arma rem deduxerunt. Lotharius & Ludouicus, cùm aduersus Carolū, tamquàm nobilioris paternæ possessionis, hæredes, signa mouissent, ab eo ad Ertanicum Aliisiodorensis agri vicum superati sunt; Gallica nobilitas valdè attrita; imperij vires planè conciderunt. Bellum nihilominus cùm reparassent, iterum fusi pacem petere coacti, eam ijs conditionibus obtinuerunt, ut Carolus Francia, Ludouicus Germania, vsque ad Rhenum, cum nonnullis ciuitatibus etiam trans Rhenum, Rex diceretur; Lotharius verò Italia regnum, quod possidebat, Galliam, Belgicam, Prouinciā, & eam partem quæ Lotharinga ab eo dicta est, acciperet. Pace utcunq; stabilita, tribus filiis regna partiti. Lotharius, tedia rerum aduersarum, ut opinantur nonnulli, affectus, Monaasticam vitam in Monasterio Prumia secutus, postquam 15. annos imperasset, mortuus est. De cuius anima inter Angelos, demonesque tanta scribitur fuisse altercatio, ut cunctis assistentibus corpus distrahi videretur. Sed orantibus monachis, victi tandem demones fugati sunt.



LOTHARIVS · IMP ·



LODOVICVS II. Lotharij Imperatoris ex Her-
 mingarde primo genitus filius, à patre consors Imperij ad-
 scitus est, Anno Christi 843. Eius fratribus Lothario,
 Austrasia, & Lotharingia, Carolo Provincia Regnum di-
 uisione patris obtigit. Lodovicus princeps humanitatis. iu-
 stitiæ, in Deumque pietatis laude celebris, à Sergio Pont.
 Romæ coronationis insignia suscepit. Pupillorum et Orpha-
 norum tutor singularis. In literis tam diuinis, quàm huma-
 nis benè versatus. Contra Saracenos, ex Africa venientes,
 Beneuentum vicinasque regiones flamma, ferroque depopu-
 lantes, Lothario fratre in auxilium aduocato, feliciter pu-
 gnauit. Lucaniam, Samnium, & Capuam recuperauit.
 Cum Carolo Caluo Francorum Rege discordibus animis fe-
 rè semper vixit, propter Austrasiæ regnum, quod Lotha-
 rij fratris fuerat, & Caluus id sibi totum vendicarat. Com-
 positis vndique rebus, cùm annum vnum & viginti præ-
 fuisset imperio, Mediolani mortuus est.



LVDOVICVS. II. + 116
117

CAROLVS II. Calvus, Ludouici Pij Imperatoris, ex **Inditha** filius, Ludouici II. patruus, postea quam Regno Occidentalis Franciæ triginta sex annis præfuisse, & cum Britonibus, Normannisque sæpius dimicasset, audita Ludouici Imperatoris morte magnis itineribus Romam veniens, à **Ioanne 8. Pontifice** Imperator coronatus inunctusque est, Anno Christi 876. Expeditione in Sarracenos suscepta, nefarios eorum conatus facile repressit, indè in Galliam reuersus, Bosonem, vxoris suæ **Richildis** fratrem. Regem Proinciæ proclamauit. Repetens verò Italiam, Regna quæ **Lothario** minori obtigerant, armorum potentia exercitusque multitudine fretus, Imperio Francico adiungere frustra conatus est. Nam Ludouici Germani filij ei sese tam strenuè opposuerunt, vt prælio ad **Veronam** inito, eum in fugam verterint: vnde curis animiq, dolore confectus, non sine veneni dati suspicione, à **Sedechia Iudeo** medico, quem familiarius deligebat, Mantuæ diem extremum clausit, imperij anno secundo vixdum completo. Corpus exenteratum cum sui in Franciam defferre cuperent: putredinem eius ferre vltius non valentes, **Vercellis** in **D. Eusebij Martyris** æde deposuerunt, quod septimo post anno ad **D. Dionysij templum** translatum est.



CAROLVS + CALVVS + 118
119



CAROLVS. III. à corporis obesi habitudine CRASSVS, appellatus, Ludouici Germanici Regis filius, princeps insigni religione pietateque præditus, Deo cui actiones suas omnes deuouerat, felices successus largiente, ea Francorum Regna quæ maiores sui non sine magna sanguinis effusione obtinuerant, absque grauiore aliquo conflictu in suam potestatem redegit. Italiam à Sarracenorum incursionibus liberauit, ob idque à Ioanne 8. Pontifice corona Imperiali meruit insigniri, circa Annum Christi. 877. Normannos Galliam vastantes, data Gothofrido Regi in matrimonium Gisla Lotharij filia, locoque ad habitandum, qui Normannia postea vocatus est, cum non solum ad pacis fœdera, sed etiã ad religionem Christianam suscipiendam attraxit. Verum felici successu elatus, zelotypiaque pudicissimæ coniugis, quam in monasterium detruserat, nimium agitatus, adeo se inuisum omnibus reddidit, vt tamquam inutilis cui summa rerum committeretur iudicatus, Arnulpho ei successore dato, Imperio depositus sit. In summa postea egestate priuatam vitam ducens, ab omnibus derelictus Arnulphi subsidio, ne fame periret, sustentatus, obiit, sine honore in Augeo maiori Monasterio prope Constantiam, humili monumento sepultus, Anno salutis 888. Imperij Decimo.



CAROLVS • III • CRASSVS •

*ARNULPHVS. naturalis filius Carolomāni Re-
 gis Bahariæ, nepos Ludowici Senioris Regis Germaniæ, Oriē-
 talis Franciæ strenuus Dux, ab optimatibus, qui Carolum
 Crassum loco mouerant, Imperator electus est, Anno Chri-
 sti Odingentesimo octuagesimo octauo; Aduersus Nortmā-
 nos res egregias primò gessit, mox in rapinas temporumq;
 spolia conuersus, prior illum felicitas deseruit. Ac cū Italia
 tumultuantem pacare contenderet, phar m aco quodam
 dementatus, ac morbo pediculari confectus, Ratisbonam de-
 latus, Anno salutis 899. Imperij sui 12. mortuus est, defi-
 ciente in eo Imperij maiestate, quæ per annos centum tanta
 indole à Carolo Magno quæsitæ, ad Germanos postea trans-
 lata est.*



ARNOLFVS. REX.

127



P

LUDOVICVS III. Arnulphi Imperatoris, ex Deyta secunda coniuge filius, iuuenis admodum, ab optimatibus Franciæ Orientalis, in oppido Forchaim, Imperator electus regisque ornamentis insignitus est, Anno Christi noningentesimo primo. Fuit princeps optimis moribus, virtuteque bellica non vulgari præditus: in expeditionibus tamen suscipiendis parum fortunatus. Hungari eius aetatem contemnentes, Bauarorum fines inuaserunt, Ecclesias vastarunt, homines passim iugularunt: quibus cum Ludouicus resistere vellet, exercitu coactio, ad Augustinum Vindelicorum, commisso cum eis prælio, victus superatusque est. Hungari victoria elati, multoque crudeliores effecti, cum omnia cadibus rapinisque compleßen, Longobardiam, Italiamque penetrarunt, quare territi Itali, Caesaris ignauiam incusantes, Berengarium Imperatorem salutarunt, qui etiā victus, pacem ab eis magno redemit. Ludouicus contra Berengarium in Italiam profectus, eum in fugam vertit; at cū Veronæ securus ageret, prodita ciuitate, per Berengarium utroque lumine priuatus, in Germaniam reuersus, marore casus sui, nullo hærede relicto, mortuus, Ratisbonæ in Cenobio Diui Emeriani, cū patre sepultus est. Anno Imperij 11.



LVDOVICVS III.

CONRADVS. Conradi Franconiæ Comitis filius, vir in rei militaris scientia cum laude versatus, Augustus designatus est Anno Christi 913. Quamuis enim Francorum, Saxonum, Germanorumque studia, in Othonem Saxonie Ducem, propenderent; tamen cum ob ingrauescentem ætatem, onus Imperij suscipere detractaret Otho, eum sibi potissimum deligendum putauerunt, qui & ab ipso Othone vehementer commendaretur, & opibus, corporis animique dotibus plurimis ornatus esset. Tertio principatus eius anno, Hungari Germaniam ingressi, Bavariam, Sueniã, aliasq; provincias vastarunt: quos Henricus vnã cum Othone, acerrimis prælijs prosligauit: cumq; multa alia in Imperio præclare feliciterq; gessisset, vbi supremũ vitæ suę diem adesse vidit, Germanis proceribus conuocatis, eos ad piẽ viuendũ cohortans, autor illis fuit, vt Henricum Othonis Saxonie Ducis (cuius beneficio ad Imperium peruenerat) filium Augustum crearent: & corona, Sceptro, alijsq; Regalibus ornamentis depositis, Imperij Anno septimo, vitam cum morte commutauit; Sepultus in Monasterio Fuldensi, iuxta altare S. Crucis.



CONRADVS + IMP + 123



HENRICVS 3. Othonis Saxonie Ducis filius, ob venerationis & aucupij studium, quo multum oblectabatur, **AVCEPS** cognominatus, à primoribus Germania, cum omni Francorum exercitu, Frisiliarij congregatis, cum esset à Conrado moriente insignibus Imperialibus donatus, magno omnium consensu **Augustus** appellatus est, Anno salutis 910. Arnaldum Bauariae Ducem, imperium ad se rapere conantem, prudentia, modestiaque sua, ita delinivit, vt à capto desisteret. Burchardum Alemaniae Ducem rebellem, in deditiorem recepit. Hungaros Saxoniam invadentes, memorabili pralio fudit, ac fugavit. Sclavos & Dalmatas debellavit, ingentemque ex illis pradam reportavit. Bohemiam ingressus, Pragensem civitatem duce eorum capto in deditiorem accepit, legibusque Imperij subdidit. Lotharingie terram Germania Regno restituit. In omni denique Imperatorio munere ita se gessit, vt & amabilem & formidabilem se praberet. A diversa valetudine correptus, Othonem filium suum, quod optimum veraque pietatis amantem iudicaret, convocato populo, successorem in imperio designavit. Paralyti demum tactus, è vivis excessit, anno aetatis sue 60. Imperij 17. Reparata salutis 937. 6. Non. Iulij.



HENRICVS · I · AVCEPS ·

124



O T H O. Henrici aucupis filius, communibus Germanorum Principum suffragiis electus, Aquisgran ab Episcopo Maguntino coronam imperialem accepit, Anno Christi noningen-tesimo trigesimo septimo. Ceterum Eberhardus Palatinus & Giselbertus Lotharingia princeps, qui ex posteritate Caroli & Francorum erant, pertracto ad se fratre Othonis maiore natu, de imperij summa cum Othone toto ferè sexennio, magnis praeliis dimicarunt. In ultimo tandem conflictu, apud Andernacum, Eberhardus occubuit, Giselbertus in Rheno submersus est. Henricus frater supplex ad Othonem veniens, non modò delicti veniam, ab eo impetravit, sed & Ducatu Bavarico auctus est. Lutolfum filium, secundas nuptias patris cum filia Regis Burgundionum improbantem, Moguntiae primum, deinde Ratisbonae obsedit Otho; prouolutum ad pedes, & peccatum suum detestantem, in gratiam recepit. Hungaros ad Augustam Urbem, ad Licum fluvium fudit, eorumq; robur debilitavit: ob quam victoriam ab exercitu **MAGNVS**, pater patriae, Augustusq; appellatus, triumphans in Saxoniam rediit. Ab Italis contra Berengarium eiusque filium bis vocatus, ultimo praelio captos, alterum Bambergam, alterum Byzantium relegavit. Romam profectus à Ioanne 12. coronatus est. Quem tertio Italiã repetens, cum gravissimorum criminum reus ageretur, sæpè tamen ut resipisceret antea admonitum, Synodi auctoritate, ex officio deturbavit, Leone in eius locum suscepto, qui cum à necessarijs Ioannis, post discessum Imperatoris, urbe eiectus esset, Otho ex Umbria Romam aduolat, Romanisq; Coß. cum praefecto in Germaniam relegatis, Leonem sedi suæ restituit. Saracenis ex Apulia & Calabria fugatis, in Germaniam reuersus, filio prius Othone imperij consorte electo, decessit; Magdeburgique in Saxonia, in Ecclesia à se magnificè constructa sepultus est, Anno Christi 983. cum triginta & amplius annos imperium administrasset, vir pacis belliq; artibus insignis, pietatisq; Christianae cultor praecipuus.



OTHO MAGNVS IMP SEMPER AVG

125



OTHO. Othonis Magni & Adelbeidis Reginae Burgū
 diae filius, admodum puer, à patre Imperij successor Aquis
 grani declaratus est. Mortuo patre, Henricum Bavariae Du
 cem imperium affectantem facile compescuit. In Lotharin
 gia motus excitatos, ingenti exercitu coacto sedavit, eique
 Carolum Lotharij Regis Francorum fratrem, beneficiarium
 Imperij faciēs praefecit: qua re offensus Lotharius, collectis
 maximis copijs, inopinato Caesarem apud Aquisgranū ita
 adortus est, ut vix fuga sibi consuluerit: cuius infamia no
 tam abstergere cupiens Otho, Galliam ingressus, eamq; Par
 risios usque depopulatus, Lotharium ad pacem poscendam
 coegit. In reditu tamen ad Axonae fluvij transitum, non par
 vo incommodo à Francis affectus est, magno militum nume
 ro, partim fluminis impetu, partim armorum vi sublato. In
 Italiam profectus cum Graecis, ac Sarracenis, qui Calabriā
 Apuliamque diripiebant, ad Basantellum infelicitè con
 gressus, ab eis superatus, fugiens conscensa scapha, à pyra
 tis captus est: Verum cū ob Graecae linguae cognitionem, igno
 tus esset nautis, numerata pecunia facile ab hostibus se re
 demiti. Alij agnitum, beneficio Siculorum ingenti auro ex
 manibus pyratarum redemptum, Romamque honorificen
 tissime deductum ferunt. Collectis exercitus reliquijs, dum
 ultisci hostes cogitat, & nimis incautè Graecos ac Sarrace
 nos persequitur, sagitta venenata vulneratus, Romamque
 delatus, paucis diebus post moritur Ann Imperij xvij. reli
 ctis liberis Othone III. & Hugone Saxoniae Duce ac tribus
 filiabus:




OTHO II IMP.

OTHO III. Saxonia Dux, dictus Ruffus, Othonia
 II. ex Theophania Regina filius, Italis ad se imperium tra-
 here contendentibus, à proceribus Germaniæ, mortuo patre
 Imperator Aquisgrani creatus, ab Episcopo Rauēnate inū-
 ctus coronatusq; est, Anno Christi 984. Cōsulem Crescen-
 tium, qui imperio inhiabat, Romam cū exercitu magno ve-
 niens in ordinem redegit, de eoq; suppliciū capitis sumpsit.
 Gregorium V. eius opera ad Pontificatus Romani dignita-
 tem euectum, & a Romanis eiectum, Ioanne pseudo Ponti-
 fice vita priuato, sedi restituit. Ab Italica expeditione re-
 uertens, cum magno & splendido comitatu pacatus in Polo-
 niam ad sepulchrum noui Martyris Adalberti Gnesnā An-
 no Domini 1001. venit, siue exoluendi voti, quod graui
 morbo implicatus vouerat, gratia, siue expiandi sceleris cau-
 sa, quo Comitem quendam insontem, calumnia libidinosæ
 uxoris sue incitatus, pro adultero indicta causa interfici
 iusserat. Acceptus est à Boleslao Poloniæ Duce, habitusque
 una cum suis omnibus, plusquam regali magnificentia &
 liberalitate, volensque tam splendido hospitii & amico prin-
 cipi parem gratiam referre Otho, Boleslaum Regem appel-
 lauit, ac diadema, Gaudentio Archiepiscopo solemnes cere-
 monias, peragente, illi imposuit, eumque honorem sempiter-
 num, in Polonia regnaturis principibus esse iussit. His per-
 actis Romam rursus ad sedendos nouos motus contendit;
 ijsque compositis, cum Gregorio Pontifice propinquo suo
 nouam creandi Romani Imperatoris formulam, quæ à se-
 ptem principibus electoribus dependet, hodieq; in vsu est,
 condidit. Cumq; ea re varios tumultus erga se concitasset,
 & tutum se esse non posse videret, in Germaniam reuertēs,
 in itinere, missos per insidijs veneno, à Crescentij uxore ne-
 catus, atq; Augusta sepultus est. Anno Imperij XIX.



OTHO DEI GRATIA REX.



HENRICVS II. Dux *Bauariae*, Comes *Bambergensis* dictus *CLAVDVS*. primus ab electionibus, ex ordinatione *Gregorii Papae V.* Imperator electus, Anno 1004 *Moguntiae* à *Villegiso Archiepiscopo* consecratus, deinde post expulsos *Italia Sarracenos* à *Benedicto VIII.* *Roma* coronatus est. *Bohemos* bello fatigatos, tributarios sibi fecit: *Metas* & *Gandauum* obsedit. *Lotharingiam* & *Flandriam* domuit. *Hungaros*, tradita *Stephano* eorum Regi in matrimonium sorore, ad amplectendam fidem Christianam pertraxit. Multos episcopatus, qui Barbarorum crebris incursionibus vastati fuerant, amplius redditibus auxit. *Bambergensem Ecclesiam* fundauit, & amplius possessionibus, ornatissimaeque suppellectili ditauit. Princeps, praeter rei militaris scientiam, ea fuit vitae sanctitate, & innocentia, ut eam Deus etiam miraculis comprobaret. Cum uxore Sancta *Chunequade* celibem perpetuo vitam duxit, eamque parentibus, cognatis, & affinibus conuocatis castram, & intactam, morti proximus, reddidit, illisque commendauit. Ipse cum imperium summa cum integritatis & prudentiae laude annis XXII. administrasset, magno de se apud omnes desiderio relicto, in Domino obdormiuit, & *Bambergae* in Monasterio *S. Petri* à se extructo sepultus est.



REX · HENRICVS.

128

CONRAD V S II. Hermannii Ducis Francorū &
 Lotharingæ Ad elheidis filius, SALIQVVS cognomina-
 tus, post duorum Annorum interregnum, quibus electores
 inter se dissidebant, legitimis suffragiis tandem Imperator
 creatus Anno 1025. dissensiones in imperij initio ortas
 summa prudentia sedavit. Italiam ingressus, ut principes
 qui in libertatem se asserere volebant, sibi subiectos redde-
 ret, Mediolanum obsedit, suburbia incendit, excidiumq; &
 interitum Vrbi minatus est. Mutata deinde sententia, obsi-
 dionem soluit, Colonienſi Antistite id ei suadente, quod di-
 ceret beatum Ambrosium sibi inter Missarum solemnia ap-
 paruisse, exitiumque omnibus minitantem, nisi ab Vrbe sua
 discederent. Romam itaque Conradus proficiscens, acce-
 pta à Ioanne Pontifice Imperij corona, in Sclavos, & Vn-
 garos, exercitum duxit, qui rebellantibus Italis auxilia
 præstiterant, eosque breui perdomuit. Rudolphum Burgun-
 diæ Ducem, suorum seditionibus vexatum, tranquillitati
 restituit. Leopoldum Germaniæ Comitem, pacis & ocij tur-
 batores acerrimè persecutus est. Leges multas & peruti-
 les tulit, hanc præcipue, ut civis principi capitale esset, pa-
 cem & quietem provinciarum turbare. Quæ de bello Pol-
 nis per eū illato, quos tributarios imperio reddiderit, à ple-
 risque scribuntur, ea tamquam fabulosa, veritas ipsa anna-
 lesque Polonici refutant, cum neque Boleslaus temere sibi
 diadema regium usurparit, sed ab Othone Tertio, ultra obla-
 tum acceperit, neque alium filium præter Miecislaum Bo-
 leslaus habuerit, ut quæ de Miscone scribuntur, locum non
 habeant: neque Poloni umquam Imperatori Romano tribu-
 tarij fuerint. Cum in Germaniam rediret, circa Traiectum,
 subita morte sublatus est, corpore Spiram delato, & in tem-
 plo à se constructo honorificè sepulto. Imperij Anno xiiij.
 Relicto filio Henrico superstite & successore, ac uxore Gise-
 la, quæ anno 1111. post eius obitum mortua, Spira itidem
 sepulta est.



CONRADVS · II · SALIQVVS ·

HENRICVS III. *Conradi Imperatoris & Gesila filius, paulò antè patris mortem ab eodem de principum electorum sententia, Cæsar siue Romanorum Rex designatus, imperij administrationem circa annum Christi millesimū quadragisimum suscipiens, in Bohemos rebelles copias duxit, duceque eorum Vratislao capto, eos sibi subiectos reddidit. Petrum Regem ab Hungaris electum, restituit, & regnum hoc varijs motibus agitatum sedauit. Romam contendens abdicatis adulterinis Pontificibus aliquot, Bābergensem Præsulem Suidigerum Pontificiæ sedi præfecit qui Clemens ij. dictus fuit, & ut caueret in posterum Summorum Pontificum securitati, iure iurando Romanos adegit, neminem creationi eorū interfuturum sine eius permissu. Apud Capuam Sarracenos vicit, Moguntina Synodo Leone Papa præsentem, interfuit. Canonem Bauariæ Ducem, Hungarorū conspiratione fretum, regniq̃ue possessionem ad se transferre conantem, vicit, suoque Ducatu priuauit. Cazimirum, qui diaconus & monachus, professionis & sacramenti religione à Pontifice solutus, ad Regni Poloniae gubernacula capeffenda vocatus, è Cluniaco venerat, se amicum ac beneuolum præbuit, eoq̃ue ad Regnum deducendo præsidium addidit, diademata q̃ue Rixa è Polonia sublata, Conrado patri ipsius donarat, reddidit, Bohemumq̃ue ducem ab inferendo Polonis bello cohibuit. Cùm decem octo annis imperium tenuisset, Henrico filio annos quinque nato Cæsare electo, & Aquisgrani coronato, ægrotudine correptus decessit, Anno ætatis XXXIX. Salutis. 1056. III. Non. Octob. sepultusque Spire.*



HENRICVS+III+IMP+

HENRICVS IIII. *Henrici III. Imperatoris & Agnetis filius, quinquennis viuentis patre, Caesar creatus; imperij administrationem post obitum patris suscipiens, omnia arbitrio matris famine prudentissima, permisit: qua, ubi adoleuisset, maleuorum instinctu, ab imperij regimine amota, libertate adolescentie vsus, licentiosius omnia agere capit, vnde multorum sibi odia conciliauit. Saxonia ob rebellionem grauissima bella intulit. A Gregorio eius nominis septimo Pontifice, ne se rebus ecclesiasticis immisceret admonitus, cum ei obedire nollet, anathemate notatus est, principesque ac subditi ab eius obedientia absoluti fuere, qui etiam Rudolphum Suevia Ducem, sub annu Christi, millesimum septuagesimum, ab Henrico deficientes, suadente Pontifice Imperatorem elegere, quod magnu in imperio peperit dissidium. Nam exercitus vndique conscripti pugnae multae vndiq; commissae sunt. Nouissime vero pugnatum apud Martisburgum, in quo conflictu Rudolphus, amissa dextra periit. Victoria elatus Henricus Remam contendit, eaque per vim capta, Pontificem a sede sua deturbauit, qui non multo post, in exilio mortuus est, in eiusq; locum Rauennatem Episcopum Clementem suffecit, a quo etiam coronatus est. Varijs deinde iactatus procellis, iusto Dei iudicio, a filio imperio priuatus, Leodium profugit, ibique in magnis angustijs positus e vita excessit, cum annos 50. imperasset. Princeps nisi se Pontificum insectatione infamem reddidisset, alioquin clarus, facundus, liberalis, acer ingenio, bellicosus, et re bellica fortunatus, M. Marcello, & C. Iulio haud inferior, utpote qui sexagies & bis acie collata pugnauerit.*



HENRICVS + IIII [†] 1574

HENRICVS V. Henrici Quarti ex Bertha Marchionissa filius, vir bellicosissimus & audax, patrem suum, sedente cum principibus in te, bello insectatus, coque mortuus, imperio potitus est, Anno millesimo centesimo sexto. Romam profectus, ut coronam imperialem acciperet, maximos erga se tumultus concitatos vidit, & parum oberat quin periret nisi sua ipsius manu vitam defendisset. Dolo magis quam virtute instructus, Pascalem Pontificem, in potestatem redactum, eo pertraxit, ut omnes (licet inuitus) in Episcopos confirmaret, quos ante Henricus delegerat; ab eodemque imperiali diademate coronatus ex vibe decessit. Pascalis autem concilio apud Lateranum habito, omnia quæ Henrico concesserat, tamquam vi à se extorta, renouauit, imperatoremque excommunicauit. Qua quidem re vehementer offensus Henricus, Italiam repetens, Pontificem fugauit, aliumque in eius locum succiecit. Vnde multa dissensiones, schismata, incendia & tumultus, in Germania sunt excitati. Tertio quoque Italiam inuadens, Gelasium Pontificem vibe expulit, qui etiã Cluniaci in Gallia diem clausit extremum: in cuius facinoris vindictam, Germanorum & Saxonum rebellioem expertus est, ut etiam manus cum eis conferere habuerit necesse. Bellorum tandem pertesus, ad pacis studia se contulit: vnde subsecuta est pax illa & concordia sub Calisto v. in qua Episcopi & Albani Medices, qui ad Imperatores & Reges hactenus sibi vindicauerant, clero & monachis restituta sunt. Henricus cum xv. annis imperio præsuisset, in Traiecto inferiore, morbo correptus obiit, Spiraque in maiorem sepulchrum illatus est.



HENRICVS.V.IMP.PERP.AVG.

132

LOTHARIUS Saxoniae Dux, Gebhardo Comite
 in Schuepplemburg & Hedwige Burgravia Nürimbergensi
 natus, post Henrici Imperatoris obitum, ab electoribus Ca
 sar, & quidem satis reluctans, creatus est, Anno 1127.
 Vir industrius & prudens, religiosus, hostibus terribilis,
 iustitiae & aequitatis amantiſſimus. Initio Imperij Frederi
 cum & Conradum Duces, ex sorore Henrici Imperatoris
 nepotes, qui iure ad se imperium pertinere contendebant,
 compescuit, & per Diuum Bernardum pacis conditionibus
 constitutis, in gratiam recepit. Innocentium Papam 2. quē
 Petrus pseudo Pontifex sede expulerat, in Italiam cū ex
 citu duxit, suaeque sedi restituit, & ab eo imperij diadema
 te insignitus est. In Germaniam ad comprimendos quosdā
 in Bohemia motus, cū redisset, & eiectum iterum Inno
 centium Roma accepisset secundo in Italiam cum valido
 exercitu profectus, eum, pulso ex Italia Rogerio Nortman
 no, & pseudopontifice, ita in Pontificali ditione confirma
 vit, ut nihil inde mouere Pontificis aduersarij sint ausi: sed
 breue imperium annorum undecim effecit, ne res felicibus
 auspicijs caēpta coalescere admodum potuerit. Rediens ex
 Italia per Tridentinam vallem, Veronae morbo correptus
 occubuit. Corpus in Saxoniam delatum in Monasterio de
 suo nomine dicto, sepultum est.



L O T H A R I U S . III. 133

CONRADVS III. *filius Ducis Sueviae & Agnetis filiae Henrici III. ab Henrico V. Princeps Francorum factus, mortuo Lothario, legiimè Caesar Anno 1139. electus contra Henricum Bavariae & Saxoniae Ducem, qui cum gener Lotharij esset, imperialiaque ornamenta apud se haberet imperium affectabat, bellum gessit. Rebus Normannorū in Syria, Sarracenorum, Turcarumque vi inclinatis, E desfaqae nobili & vetusta Urbe Mesopotamiae, quae, tūc à Galis tenebatur, expugnata, & magno terrore Christianis in Asia militantibus iniecto, cum Ludonico Gallorum Rege, & compluribus principibus viris, à B. Bernardo Abbate Clarae vallis incitatus, expeditionem in Syriam suscepit: et per Poloniam, quod ea via compendiosior esset, minusque periculorum haberet, iter faciens à Boleslao Crispo Polonorum Rege perquam honorificè & liberaliter acceptus, & usque ad Pontum Euxinum cum exercitu deductus est, multis voluntarijs, è Polonis militia illi nomina dantibus, & cum Caesare profectis. Sed dolo Emanuelis Imperatoris Constantinopolitani, qui commeatui à Graecis importato gypsū & calcem immiserat, exercitus maxima parte deleta, cum non multum opera pretij fecisset, in Germaniam reuersus, bellum Polonis, ut Vladislaum exulem in principatum restitueret, intulit: quod tamen Boleslai Regis ei cum exercitu occurrentis, & necessarium fratris exilium luculenta oratione demonstrantis, industria sublatum fuit. Nec ita multo post Conradus in Lorcbensi oppido apud Gemam mortuus est, antequam Imperatoris diadema adeptus esset, cum annis xv. rebus praeuisset.*



CONRADVS · III · 134

FRIDERICKS cognomento BARBAROSSA, Friderici D. cis Sueuorum fratris Conradi regis, & Iudithæ fili-
 us princeps manu ingenioq. strenuus, validus cōsilio, veri-
 culorū confutor, liberalitate, affabilitate, corporisq. decore
 venerationis Conrado defuncto, ab vniuersis Germania prin-
 cipibus Rex Francofordiæ electus est Anno Christi 1153
 Bauariā & Austriā in concordiam redegit. Italiā ingressus
 Dortbonam, portas sibi claudentem, per vim cepit. Romā
 veniens ab Adriano Pontifice, cū ei stratoris officium ex-
 hibuisset, corona Imperialis insignia acceperit. Reuersus in
 Germaniā, precibus Vladislai exulis, se ad principatū resti-
 tui orātis, inductus, in Poloniā expeditionē suscepit: in qua
 cū maiore quā initio credebat difficultatem vidiſſet, opera
 Boemorū principis, ad amicabilem compositionem res deue-
 nit. ijs conditionibus vt Vladislaus exul ad Silesiā tantum
 dominatū admitteretur. Boleslaus verò eius frater, Poloniæ
 Rex, trecentos hastatos equites Imperatori mitteret in au-
 xiliū Mediolanensis belli; quo urbem illam, sapius rebellan-
 tem, sub iugum redactam, paulo post funditus euerit. In
 Germaniam abiens, iterum Italiā maximis copijs inuasit,
 Alexandrum Pontificem ex vrbe fugere compulſit. Cū
 Mediolanensibus iterum rebellantibus pralio congressus,
 multos ex suis amissit, ipse fuga elapsus Papiam venit. Cū
 Alexander 111. Venetias profugiſſet, & Otho Imperatoris
 filius navali pralio victus captus eſſet, pacis conditiones
 Venetorum opera sancitæ sunt, & inter Imperatorem ac
 Pontificem tandem pace conſtituta, imperator expeditionē
 Hierosolymitanam aggreſſus, in Cilicia multas Vrbes, Sar-
 raceno; & Furcas proſtravit. A. cū in Armenia ob æſtatem
 mitigandam sudoriſq. abluendi cauſa, annem quendam in-
 greſſus eſſet, alueo abſorptus, ſtrenuiſſimus heros periit Im-
 perij anno XXXV. Saluti. 1190.

120683273

